

## Sises Ekareei Isaan N#menuka'p# Ekamanin

*Sises Ekareei Isaan N#menuka'p# e'menukasa' ennin nan uya apurito' pe, Sises esi ekamasa' r#p# pika'tinin wann# pe, Papa Mumu, apuri t#uya'nokon wini t#uko'manto' kon epoto' pe to' uya (20:31).*

Ekama t#po siyaro' pe ri Papa Maimu pe Sises e'to', iye'sara'tito' wini wak# itekare uya ekama tu'kan ni eke, Papa t#rawasooi e'ku'sa' r#p#, Sises esi ekamasa' r#p# pika'tinin wann#, Papa Mumu pe iyesi tukai' enpoikanin pe. Miri pikiri si i'ri enpoikanin pe eke, Papa t#rawasooi e'ku'sa' tawon. Seri airi kareta uya ekama ka'pon am# uya Sises apuri'p#, miripan kon ena'p# ipikiron kon pe, t#ron kon uya ri ewa'noma koro'tau, anapuripai p#ra ri niri. 13 awonsi'ki, 17 p#k# pona isekamato' airi ita'sisa' kusan pe ri a'ko pe a'sam#t# pe t#poitor# ton pokon pe iyesi'p# ta'si ewarup#i#i tau, imaimu to' koneka pe to' pori'mapit# pe isaurok#p# r#p# kurusu' pona t#pokapi'to' rawiron ko'mamiri yau. Iu'mat# winik#i'no isekama to' airi iyesi Sises a'si'p# r#p# i'tupit#p#, kurusu' pona ipokapit#p# miri awonsi'ki iye'm#sa'ka'p# terik#p# apai, miri t#po isenpoikapit#p# t#poitor# ton piya'.

*Isaan uya kuru ekama tiwi ri uko'man nito' epoto' Sises K#rai poro, epoto' epiya'ti seri pe*

ri kamo Sises pi' ewai' tawon nu'san, ite'ma pe, i'napairon pe miri awonsi'ki uko'man nito' pe iyesi pi', piya' iyepu. Isaan uya enpoikato' iwini tensen ton wai kaisa ri yai a'kwaru eseru ton ekamato' iya yai esi'pu, tuna, paru, iweyu, karimeru amu' pa'simanin miri awonsi'ki itikan non, miri awonsi'ki kare' e' miri awonsi'ki iteperu ton.

### **Iyawon Ekamanin**

Isara'tinin (1:1-18)

Isaan Pa'tes miri awonsi'ki wapiyaro' kon Sises poitoru ton (1:19-57)

Annau Sises e'turawasoma'pu (2:1—12:50)

Iweyu u'matu ton Surusiran po miri awonsi'ki ipiyau (13:1—19:42)

Iteperu e'mu'sa'kasa' miripan usenpoikapitu'pu (20:1-31)

I'makanin: Turon ni kanan isenpoika'pu Kiyarari po (21:1-25)

### *Main Ni Ena'pu Ka'pon Pe*

<sup>1</sup> Iyepiya'ti yau Main esi'pu, Papa piyau Main esi'pu, Papa pe ri Main esi'pu. <sup>2</sup> Miri ri esi'pu iyepiya'ti pe Papa piyau.

<sup>3</sup> Tanporon ni ekoneka'pu iporo; i'ri ri ekonekasa' para iyesi ipura iye'tane. <sup>4</sup> Uko'man nito' esi iyau, \* uko'man nito' esi ka'pon amu' weyu pe. <sup>5</sup> Miri iweyu e'wei'ti'pu ewarupi yau, e'tane ewarupi uya ito'ka'nuku'pu pen.†

---

\* **1:4** Uko'man nito' esi iyau; miri pe para, I'ri ri ekonekasa' para iyesi ipura iye'tane, arune para uko'man nito' esi pi' iyau † **1:5** ewarupi uya ito'ka'nuku'pu pen; miri pe para, ewarupi esi'pu pen itentai.

<sup>6</sup> Moro ka'pon esi'pɛ Papa nennoko'pɛ, Isaan itese'. <sup>7</sup> Kɛri ri uyee'pɛ iweyu enpoikai' tanporon kon uya apurito' pe tɛporo. <sup>8</sup> Iweyu pe iyese'pɛ pen, e'tane iweyu ekamanin pe enno'sa' pe iyese'pɛ.

<sup>9</sup> Miri esi'pɛ i'napairon iweyu, tanporon kon ka'pon amɛ' non pon kon wei'tinin pe iyepɛ esi'pɛ.

<sup>10</sup> Non po iyese'pɛ, non ni ekonekasa' e'tane iporo, e'tane non pon kon uya i'tu pɛra iyese'pɛ.

<sup>11</sup> Tɛtonpa ton piya' iyee'pɛ, e'tane itonpa ton uya isanoma'pɛ pen. <sup>12</sup> E'tane kamoro tɛsanomanin nɛ'san, tapurinin nɛ'san repasa' iya merunti ke, Papa munki pe to' enato' pe. <sup>13</sup> Mɛre amɛ', entu eseru yau iyentusa' kon pen, ipun eseru awiri pen, warawo' eseru awiri pen ni niri, e'tane Papa iwano' pe kuru.

<sup>14</sup> Miri Main enasa' esi'pɛ ka'pon pe, miripan uko'mamɛ'pɛ ina piyau. Ina uya a'kwa ene'pɛ, tiki nan nɛ'kwi kuru ri imu a'kwarii, Ikuipɛnɛ wini iye'sa', eke pe ri wakɛ nonkasa' miri awonsi'ki i'napairon esa' pe.

<sup>15</sup> Isaan uya ekama'pɛ eke pe tɛuki'pi'nɛnse, "Pɛse ri si kɛri ri unekama'pɛ, 'Kɛri ri si uye'ma'pɛ tau tɛuye'ton esi miri eke uyentaino, penaro' uwapiyaro' ru'pɛ ri,' " ta'pɛ iya.

<sup>16</sup> Eke pe wakɛ nonkasa' esa' pe e'ni wini wakɛ ke upɛremasa' iya 'nokon eporo ise'ma'pɛ tau'ne ri.† <sup>17</sup> Main e'tɛru'pɛ Mosi' poro, e'tane wakɛ nonkasa' miri awonsi'ki i'napairon uyee'pɛ Sises

---

**1:6** Ma'siu 3:1; Ma' 1:4; Ɔru' 3:1-2 † **1:16** eposa'nokon si'kiri ri wakɛ ton eporo ise'ma'pɛ tau'ne ri; miri pe pɛra, eposa'nokon wakɛ ton tɛron ni ton ensimapiɛ iya ke isipata'pɛ ya'ne wakɛ ton ke.

Kurai poro. <sup>18</sup> Inu' uya Papa ensa' para iyese; tikin nan kuru ri Papa Mumu, tukurunu enau te'sen kari ri uya riken enpoikasa' i'tuto' pe.

*Isaan Pa'tes Uya Kurai Pen Uri Ta'pu*  
(*Ma'siu 3:1-12; Ma' 1:1-8; Uru' 3:1-18*)

<sup>19</sup> Seru esi Isaan maimu ru'pu, Esuweru amu' epuru ton Surusiran pon kon uya Esuweru amu' use'mato' turawasomanin nan miri awonsi'ki Ripai amu' enno'sa' Isaan ekama'pose'na a'taino, inu' pe iwesi tukai'. <sup>20</sup> Iye'wapu'ti'pu pen, e'tane isekama'pu, "Kurai§ pen uri," tukai'.

<sup>21</sup> To' uya ekama'po'pu, "Inu' pe ken iwesi? Iraisa pe'?" ta'pu to' uya.

"Kane," ta'pu iya.

"Pu'kena' kati?\*" ta'pu to' uya.

"Kane," ta'pu iya.

<sup>22</sup> Miripan kon uya ta'pu ipi', "Inu' pe ken iwesi, ina enno'nin nu'san pi' ina uya ekamato' pe. Inu' pe iwesi ta auya ken?" ta'pu to' uya.

<sup>23</sup> Isaan uya eiku'pu pu'kena' Aisaya maimu yai, "Uri kari ri rimono' tau ka'pon uki'pi'nunpitu, 'To'sa ri Itepuru e'ma ikonekati',† tawon," ta'pu iya.

<sup>24</sup> Kamoro esi'pu tatonpa kon enno'sa' Pari'si amu' uya pe. <sup>25</sup> To' uya ekama'po'pu, "I'ri pe ken iyese pi' imiri uya to' pa'taisima, Kurai pe para ri,

§ 1:20 Kurai (Kiri' maimu), miri pe para Me'saya (Ipuru maimu), Papa Nanam'pu ta e'kwa pe; v. 25, 41 yau niri. 1:21 Mara'kai

4:5 1:21 Isu'taronomi 18:15-18; Saira' 48:10-11 \* 1:21 Pu'kena'—Tuuye'ton, tuuye'sen Me'saya ekare'tise tasa' ru'pu ipi'.

† 1:23 Aisaya 40:3 (LXX)

Iraisa pe p̄ra ri, pu'kena' pe p̄ra ri iwe'tane?" ta'p̄u to' uya.

<sup>26</sup> Isaan uya to' eiku'p̄u, "Uri uya to' pa'taisima tuna ke. E'tane moro man i'koro'tau'nokon, ini'tun̄u kon pen. <sup>27</sup> K̄uri ri esi t̄uuye'sen uye'ma'p̄u pe, isapatooi euka uya pokena' pen ni," ta'p̄u iya.

<sup>28</sup> Seri ton e'kup̄u'p̄u Pe'tani pata yau, Isotan tuna ratoi po, Isaan uya ka'pon am̄u' pa'taisimato' airi.

### *Sises, Papa Iwano' Karimeru M̄re*

<sup>29</sup> Miri ema'sa' yau, Isaan uya Sises uyep̄u tekare pi' ene'p̄u, miripan uya ta'p̄u, "P̄use ri si Papa iwano' karimeru m̄re, non makooi mo'kanin! <sup>30</sup> P̄use ri si k̄uri ri unekama'p̄u, 'Uye'ma'p̄u tau ka'pon uyep̄u eke kuru uyentaino, penaro' uwapi-yaro' ru'p̄u ri,' ukataine'. <sup>31</sup> Uri uya ri k̄uri ri i'tusa' p̄ra iyese, in̄u' pe iyese tukai', e'tane uye'sa' na'ne' esi pa'taisiman nise'na tuna ke Esuwer̄u am̄u' ena' enpoika pe," ta'p̄u iya.

<sup>32</sup> Miri a'tai Isaan uya se ekama'p̄u: "Iya'kwar̄u u'ti ene'p̄u uya Ep̄un poi wako'wa kasa, miripan uta'si'p̄u ipona. <sup>33</sup> I'tu uya p̄ra ri mari iyese'p̄u. E'tane uyenko'nin n̄u'p̄u pa'taisimanin pe tuna ke uya uyauro'kasa' esi'p̄u, 'In̄u' ri pona Iya'kwar̄u uyep̄u ene auya a'tai, uta'si ri niri ipo te'ton pe, k̄uri ri si k̄uri ri Wak̄u A'kwar̄u ke pa'taisimanin,' ta'p̄u iya. <sup>34</sup> Unene'p̄u si ekama uya, p̄use ri si esi Papa Mumu pe," ta'p̄u Isaan uya.

### *Wapiyaro' Kon Sises Poitor̄u Ton*

<sup>35</sup> Miri ema'sa' yau, miri yau ri mari Isaan esi'p̄u, asa'ron kon t̄upoitor̄u ton pokon pe. <sup>36</sup> Sises usari

uya tentaka kon ensa' tɔuya a'tai, “Pɔse ri si Papa iwano' karimeru mɔre!” ta'pɔ iya.

<sup>37</sup> Asa'ron kon ipoitorɔ ton uya isaurokɔ etasa' a'tai, to' uya Sises e'ma'pɔka'pɔ.

<sup>38</sup> Miri a'tai, Sises era'tisa' uya te'ma'pɔka to' uya ene'pɔ. “I'ri warinpa auya'nokon?” ta'pɔ iya to' pi'.

“Rapai (Ti'sa ta e'kwa pe), nai airi apata'se' esi?” ta'pɔ to' uya.

<sup>39</sup> “Entanɔ'ti,” ta'pɔ iya to' pi'. To' uti'pɔ ipata'se' ense'na. Ipiyau to' uko'mamɔ'pɔ miri wɔi a'tai, apɔne pɔra pata uko'mansa' esi'pɔ (4 a'kɔra' e'to' airi pata esi'pɔ).

<sup>40</sup> Isakon, Isaan usaurokɔ etanin nɔ'pɔ, Sises e'ma'pɔkanin nɔ'pɔ esi'pɔ Anturu, Saiman Pi'ta akon. <sup>41</sup> Wapiya kuru tɔrui Saiman warinpai' iti'pɔ, miripan uya ta'pɔ ipi', “Ina uya Me'saya eposa' man, Kɔrai tato' ipi',” ta'pɔ iya.

<sup>42</sup> Miripan uya Sises piya' inee'pɔ. Sises uya ene'pɔ, miripan uya ta'pɔ ipi', “Imiri kɔri ri Saiman, Isaan mu, Ke'pas† pe iyesa'to' oton (Ti' ta e'kwa pe),” ta'pɔ iya.

### *Sises Uya Piri' Miri Awonsi'ki Na'taniyerɔ Ki'ma'pɔ*

<sup>43</sup> Miri ema'sa' yau, Sises ekoneka'pɔ Kiyarari pona tɔutito' pe. Piri' eporo'pɔ iya, ta'pɔ iya ipi', “Upikiri isi'ki.” <sup>44</sup> Piri' esi'pɔ Pe'saita winon, Anturu miri awonsi'ki Pi'ta pata'se' winon pe.

<sup>45</sup> Piri' uya Na'taniyerɔ eporo'pɔ, ta'pɔ iya ipi', “Mosi' nɔmenuka'pɔ Main yau, pu'kena' ton ni

---

† **1:42** Ke'pas (Arami' maimu yau), miri pe pɔra Pi'ta (Kiri' maimu yau), asa'ri ri mari esi ti' ta e'kwa pe.

niri namenuka'pɥ ipi', Sises, Nasare' winon, Isole' mumu eposa' ina uya man,” ta'pɥ iya.

<sup>46</sup> Na'taniyerɥ uya ta'pɥ ipi', “Wakɥ pe' epa'ka mi Nasare' poi?” ta'pɥ iya.

“Apɥne entanɥ'ki,” ta'pɥ Piri' uya ipi'.

<sup>47</sup> Sises uya Na'taniyerɥ uyepɥ tekare pi' ensa' a'tai, ta'pɥ iya ipi', “Apɥne enki, Esuwerɥ kuru ri, enku'tinin pen ni,” ta'pɥ iya.

<sup>48</sup> Na'taniyerɥ uya ta'pɥ ipi', “I'ri kasa ui'tu auya?” ta'pɥ iya.

Sises uya imaimu eiku'pɥ, “Piri' uya iki'ma wapiya, pi' e' o'no iwesi a'tai, iyene'pɥ uya,” ta'pɥ iya.

<sup>49</sup> Na'taniyerɥ uya ta'pɥ ipi', “Rapai,§ imiri esi Papa Mumu pe, imiri esi Esuwerɥ amu' Kin pe!” ta'pɥ iya.

<sup>50</sup> Sises uya imaimu eiku'pɥ, “Pi' e' o'no iyene'pɥ uya tasa' uya ipi' pi' ri pe' uyapuri auya? Miri entaino kuru ento' auya oton miri. <sup>51</sup> I'napairon ekama uya ipi'nokon, seri tɥpo Epɥn uta'koka ento' auya'nokon oton, Papa inserɥɥi ton u'tipitɥ miri awonsi'ki enu'pitɥ Ka'pon, Papa winon pona,” ta'pɥ Sises uya.

## 2

### *Temari'masan Kena Po*

<sup>1</sup> Asa'ri wɥi tɥpo moro temari'masan esi'pɥ Kena po, Kiyarari airi. Miri yau, Sises san esi'pɥ. <sup>2</sup> Sises miri awonsi'ki ipoitorɥ ton ki'masa' to' uya esi'pɥ miri pona.

---

§ 1:49 Rapai, Ti'sa ta e'kwa pe      1:51 Iseneses 28:12

<sup>3</sup> To' yuku, waain u'ma'sa' a'tai, isan uya, “To' yuku, waain u'matɯ'pɯ man,” ta'pɯ ipi'.

<sup>4</sup> Sises uya eiku'pɯ, “Miri iku'ki kukai upi', ma'non. Uweyu e'seposa' pɯra ri mari man,” tukai'.

<sup>5</sup> Isan uya nin si ta'pɯ miri to' poitorɯ ton pi', “Miri iku'ti' ta iya muku'tai',” ta'pɯ iya.

<sup>6</sup> Esuwerɯ amɯ' eseru esi'pɯ ekorukan tawon, miri to' nin si <sup>6</sup> kaisaron tuna yen ton ti' ka'pi'sa' wai amɯ' esi'pɯ miri, eke ton kuru ri, 20, 30 kiyaran e'to' airi tuna a'sinin. <sup>7</sup> Sises uya nin si, “Se ton wai amɯ' ipe'tipi'ti' tuna ke,” ta'pɯ miri to' poitorɯ ton pi', miripan pe'tipitu'pɯ to' uya ite'pi ton tepopi'se. <sup>8</sup> Miri awonsi'ki nin si, “Imati' si, ari kon pa uta're'tin epuru piya',” ta'pɯ iya to' pi', miripan kon uya ari'pɯ itena'.

<sup>9</sup> Miripan uya onpa'pɯ, tuna si enasa' waain pe. I'tu iya pɯra iyese'pɯ nai wini iye'seposa' tukai' (e'tane to' poitorɯ ton uya riken i'tu'pɯ). Miripan uya warawo', temari'masen ki'ma'pɯ, <sup>10</sup> miripan uya, “Tanporon kon ni sa'ne wapiya wakɯ kuru waain ekannin nan ko, tanporo iki'masa' kon uya nin si; ensika'sa' a'tai te'sen nu'kwɯ ri nin si ekamɯ to' uya miri. E'tane wakɯ kuru ri enkurunpasa' auya man ko seri pu'ku pona!” ta'pɯ iya.

<sup>11</sup> Seri si miri ti'tuto' ipikiri ku'pitu' tɯuya sara'ti'pɯ Sises uya Kena po, Kiyarari airi. Miri si tameruntirɯ enpoika'pɯ iya, miripan apuri'pɯ ipoitorɯ ton uya. <sup>12</sup> Seri pata'pɯ pe, iu'ti'pɯ Ka'panyan pona, tusan, takon non miri awonsi'ki tɯpoitorɯ ton pokon pe. Miri yau to' uko'mamɯ'pɯ aka'ne' pe ri.



*Sises Uti'pɯ Esuwerɯ Amɯ Use'mato', Ipɯremato' Iwɯ Ta'*

(*Ma'siu 21:12-13; Ma' 11:15-17; Ɔru' 19:45-46*)

<sup>13</sup> Esuwerɯ amɯ' uya Itepoi Iti'pɯ Weyu Ru'pɯ ku'to' weyu e'seporo esi'pɯ, miri pi' Sises uti'pɯ Surusiran pona. <sup>14</sup> Miripan uya, Esuwerɯ amɯ' use'mato', ipɯremato' iwɯ' pɯ'ku' tau, ka'pon amɯ' uya paka amɯ', karimeru amɯ', wako'wa amɯ' kɯɯpo'poma eporo'pɯ, pɯrata ensimap'i'nin nan ni ereutapi'sa' esi'pɯ tɯtepɯɯɯi kon piyau'ne. <sup>15</sup> Si'na' amɯ' tɯkonekai' to' ari'po'pi'to' tɯuya ike pe, paka amɯ', karimeru amɯ' enpa'kanɯku'pɯ iya; pɯrata ensimanin nan tepɯɯɯi rawoipiti'pɯ iya, to' pɯrataai tɯɯ'piti'pɯ iya.

<sup>16</sup> Miri awonsi'ki ka'pon amɯ' wako'wa amɯ' kɯɯpo'pomanin nan pi', "To' akanɯ'ti' seri tapai, ukɯipɯnɯ iwɯ' ku'ku'tɯu kɯɯpo'po pi' e'ni iwɯ' pe," ta'pɯ iya.

<sup>17</sup> Ipoitorɯ ton enu ya' iyee'pɯ iye'menukasa' itekare, "Papa, iiwɯ' kuru wenai uta'kwarɯka ukiri'nɯku pi' man,"\* tawon.

<sup>18</sup> Esuwerɯ amɯ' epuru ton uyee'pɯ ekama'poi', "Ɔri ii'tuto' ipikiri kupɯ auya, seri ku'to' auya eka-manin pe?" ta'pɯ to' uya.

<sup>19</sup> Sises uya to' eiku'pɯ, "Se Papa ena' use'man nito', ipɯreman nito' iwɯ' a'morɯkati', amito' pe uya osorɯwau wɯi yau," ta'pɯ iya.

<sup>20</sup> "Osorɯwau wɯi yau si seri ami auya kanan?" tukai' to' uya ekama'po'pɯ. "46 kaisa ri sa'ne wɯipiya amisa' ru'pɯ seri ko," ta'pɯ to' uya.

---

**2:13** E'sotas 12:1-27      \* **2:17** Eren 69:9      **2:19** Ma'siu 26:61; 27:40; Ma' 14:58; 15:29

<sup>21</sup> E'tane use'man nito', ipureman nito' iwu' Sises nusauro'ai'ne' ipi' esi'pu miri tamiri pun pi' ri nin.

<sup>22</sup> Miripan nin si e'ma'sa'kasa' a'tai teriku tupo, ipoitoru ton enu ya' iyee'pu miri, seri ta'pu iya ru'pu, miripan kon uya pena iye'menukasa' ru'pu itekare apuri'pu, miri awonsi'ki Sises maimu ru'pu.

<sup>23</sup> Sises esi koro'tau Surusiran po, To' Epoi Iti'pu Weyu Ru'pu kupu to' uya a'tai, tu'kan kon uya ri apuri'pu, eke Papa turawasooi ti'tuto' ipikiri kupu iya ene tauya'nokon pi'. <sup>24</sup> E'tane Sises uya to' apuri'pu pen, apune para miri waraino kon tukai' to' i'tu tauya wenai. <sup>25</sup> Inu' uya ri ipana'tito' para iyesi ka'pon amu' pi', apune para to' ewan ni i'tu iya wenai.

### 3

#### *Sises Uya Nekutimas Enupa*

<sup>1</sup> Moro ka'pon esi'pu Nekutimas itese', Esuweru amu' epuru, Pari'si amu' tonpa pe te'sen. <sup>2</sup> Iti'pu ewarupi nau Sises piya', miripan uya ta'pu ipi', "Ina uya i'tu, Rapai,\* Papa nennoko'pu pe. Inu' uya ri i'tuto' ipikiri kupu para ri iyesi miri maku'ai'ne', Papa para iye'tane tapiroau," ta'pu iya.

<sup>3</sup> Entakanoma pe Sises uya ekama'pu, "Inapairon ekama uya ipi', inu' uya ri Papa e'to' esa' wanni pe ene para ri iyesi iyakon ite'kwa pe iyentuka'sa' para te'tane,"† ta'pu iya.

---

\* **3:2** Rapai, Ti'sa ta e'kwa pe; v. 26 yau niri † **3:3** iyakon ite'kwa pe iyentuka'sa' para te'tane; miri pe para, ka' winipai iyentusa' pe niri. Apune, v. 7 kanan enki.

4 “Nai kasa si isemo'kaka'sa' ri ka'pon entukap<sub>u</sub> kanan iyakon ite'kwa pe?” tukai' Sises ekama'po'p<sub>u</sub> iya. “Iyewonkap<sub>u</sub> poken p<sub>u</sub>ra ri sa'ne iyesi t<sub>u</sub>san ewan ya' tentuka'to' pe iyakon ite'kwa pe,” ta'p<sub>u</sub> iya.

5 Sises uya eik<sub>u</sub>'p<sub>u</sub>, “I'napairon ekama uya ipi', in<sub>u</sub>' ri epa'ka Papa e'to' esa' wann<sub>i</sub> pe ya' p<sub>u</sub>ra iyesi miri tentusa' a'tai riken, tuna miri awonsi'ki iya'kwar<sub>u</sub> ke iyepa'ka. 6 Ka'pon entusa' miri t<sub>u</sub>pun ke t<sub>u</sub>sanon wini, e'tane iyentuka'sa' kanan iya'kwar<sub>u</sub> yau esi miri iya'kwar<sub>u</sub> winon pe ri. 7 Kisewansiukai, “Tanporo iyentukap<sub>u</sub> kon kanan miri,’ ta uya pi' ipi'. 8 A'setun uti miri i'se te'to' awiri ri. Imaimu eta auya, e'tane miri wini iyep<sub>u</sub>, miyari iti tukai' i'tu auya p<sub>u</sub>ra ri iyesi. Miri kasa tanporon kon esi miri iyentusa' kon iya'kwar<sub>u</sub> wini,” ta'p<sub>u</sub> iya.

9 “Nai kasa si seri esi?” ta'p<sub>u</sub> Nekutimas uya miri pi'.

10 Sises uya eik<sub>u</sub>'p<sub>u</sub>, “Eke sa'ne Esuwer<sub>u</sub> am<sub>u</sub>' ti'saai imiri ko, miri pe' e'tane seri i'tu auya p<sub>u</sub>ra iyesi? 11 I'napairon ekama uya ipi', ina usaurok<sub>u</sub> seri ina ni'tun<sub>u</sub> pi', t<sub>u</sub>nene'p<sub>u</sub> kon ekama ina uya, e'tane ina maimu anan<sub>u</sub>npai p<sub>u</sub>ra in<sub>u</sub>' ri esi. 12 Uyapuri auya p<sub>u</sub>ra iyesi seri non pon pi' ayauro'ka tane uya, nai kasa ken si uyapuri auya Ep<sub>u</sub>n pon pi' ayauro'ka uya yau?

13 “Miripan, in<sub>u</sub>' ri kanan enu'sa' p<sub>u</sub>ra iyesi Ep<sub>u</sub>n pona, Ka'pon, Papa winon niken Ep<sub>u</sub>n winon. 14 Mosi' uya karukuri ka'sa' ik<sub>u</sub>i pe i'm<sub>u</sub>'sa'ka'p<sub>u</sub> y<sub>u</sub>i pi' rimono' tau kasa ri mari, Ka'pon, Papa

winon i'mu'sa'kato' pe iyesei, <sup>15</sup> tanporon kon si apurinin nan uya tiwiri ri uko'man nito' epoto' pe.

<sup>16</sup> “Ipan pe seri non pon kon i'nunka tuuya wenai, Papa uya tikin nan kuru tamu taru'pu tanporo apurinin nan pe te'san uma'ta namai', e'tane tiwiri ri uko'man nito' epoto' pe to' uya.

<sup>17</sup> Papa uya tamu enno'sa' para iyesei seri non pon kon eseru aimenkanin pe, e'tane to' epika'tito' pe iporo. <sup>18</sup> Inu' ri imu apurinin eseru aimenka pen, apurinin pen eseru aimenkaka'sa' ri nin miri, apune para tikin nan kuru ri Papa Mumu apurisa' iya kasa para.

<sup>19</sup> “Seri kasa si Papa uya eseru aimenka miri: Iweyu uye'sa' non pona, e'tane ka'pon amu' uya ewarupi i'nunka iweyu entai, iri pe teseru kon esi ke. <sup>20</sup> Tanporon kon iri kupu pi' te'san uya iweyu ewaruma'ti. Iweyu winikui' to' uyepu para iyesei, teseru kon usenpoika namai'. <sup>21</sup> E'tane kuri ri i'napairon ku'nin uyepu iweyu ya', wakmu teseru usento' pe Papa eseru awiri,” ta'pu Sises uya. †

### *Isaan Pa'tes Usaurokmu Sises Pi'*

<sup>22</sup> Seri ton tupo, tupoitoru ton pokon pe Sises uti'pu Isutiya pona. Miri yau iko'mamu'pu epa'taisiman nito' kupu pi'.

<sup>23</sup> Isaan niri esi'pu pa'taisiman pi' Inon yau, Sarin piyau, apune para eke pe tuna esi pi' miri yau. Ka'pon amu' utipitu'pu ipiya' inke ri epa'taisimai'. <sup>24</sup> (Seri esi'pu miri Isaan taru rawiri pariki'si ta'.)

---

**3:14** Nonpa 21:9; Ipu'ketu 16:5-7 † **3:21** Imaimu ru'pu u'matu v. 15 airon ite'ma airi. **3:24** Ma'siu 14:3; Ma' 6:17; Uru' 3:19-20

25 Miri a'tai, e'sei'pi'nito' esi'pu Isaan poitoru ton miri awonsi'ki Esuweru§ pokon pe ekorukan nito' pi'. 26 To' uyee'pu Isaan piya', ta'pu to' uya ipi', "Rapai, kuri ri ipiyau ne'taine' Isotan ratoi po mekamataine', kuri ri si man epa'taisiman nito' kupu pi', tanporon kon ka'pon amu' uyepu ipiya'," ta'pu to' uya.

27 Isaan uya to' maimu eiku'pu, "Iri ri eporo ka'pon uya pura iyese, Epu wini riken tarepasa' a'tai eporo iya pe iyese. 28 Imiri'nokon uya eta'pu, 'Kurai\* pen uri; iwapiya enno'sa' pe esi,' ta'pu uya.

29 "Temari'masen uri'san esi miri temari'masen warawo' iwano' pe ri. E'tane si ti, temari'masen warawo' tonpa esi ipiyau imaimu eta pi', miripan esi pori' pe imaimu eta tuuya a'tai. Miri kasa si pori' pe e'to' e'seposa' seri, mararon pe pura. 30 Eke pe iyena, aiko pe ena tane.

31 "Kuri ri ka'tapai tuuye'sen esi miri tanporon kon entai ri; kuri ri non winon esi miri non pon pe ri, miri awonsi'ki non pi' niri isauroku. Kuri ri ka'tapai tuuye'sen esi tanporon kon entai.

32 Tunene'pu, miri awonsi'ki tuneta'pu ekama iya, e'tane inu' uya ri imaimu apuri pura iyese. 33 Inu' ri i'napai ri imaimu anamu pi' na'ne', i'napai ri Papa esi tukai' ekama iya miri. 34 Kuri ri Papa nenoko'pu usauroku Papa maimu pi', Papa uya eke pe ta'kwaru taru ipona tupu'ku ke pura. 35 Ikuipanu uya tamu i'nanka, tanporon ni niri tusa' iya itena'.

36 Kuri imu apurito' esa' pe na'ne' uya tiwiri ri

---

§ 3:25 Esuweru; miri pe pura, Esuweru amu'. \* 3:28 Kurai (Kiri' maimu), miri pe pura Me'saya (Ipuru maimu), Papa Nanamu'pu ta e'kwa pe. 3:28 Isaan 1:20 3:35 Ma'siu 11:27; Uru' 10:22

uko'man nito' eporo, e'tane imu apurinin pen uya uko'man nito' ento' oton pen, arune para Papa uya kota'man nito' uko'mamꞰ ipo,”† ta'pꞰ iya.

## 4

### *Sises Uya Sameriya Pon Uri'san Auro'ka*

<sup>1</sup> Pari'si amꞰ' uya eta'pꞰ Sises uya tu'ke kuru tꞰpoitorꞰ ton eporo miri awonsi'ki to' pa'taisimapitꞰ iya Isaan entai kuru tawon. <sup>2</sup> Sises uya kuru inꞰ' ri pa'taisimasa' para ri iye'tane, ipoitorꞰ ton uya riken ni nin ti. <sup>3</sup> Sises uya miri tawon etasa' a'tai, iyenna'po'pꞰ Isutiya poi Kiyarari pona.

<sup>4</sup> Sameriya poro itito' e'ma esi'pꞰ. <sup>5</sup> Iyee'pꞰ pata pona Sameriya pon Si'karꞰ itese', innon kuru pen ni non Seko' natꞰrꞰ'pꞰ tꞰmu Iose' ena' piyapai. <sup>6</sup> Miri yau, Seko' tuna'kwaai yen esi'pꞰ, Sises nin si useta'kasa' tꞰuti ke ri, ereuta'pꞰ miri tuna yen piyau. 12 a'kꞰra' pata esi'pꞰ.

<sup>7</sup> Sameriya pon uri'san uyee'pꞰ tuna kan, miripan pi', “Uyuku tuna intꞰki,” ta'pꞰ Sises uya. <sup>8</sup> (IpoitorꞰ ton uti'pꞰ esi'pꞰ pata pona kiyari ennai'.)

<sup>9</sup> Miripan eikꞰ'pꞰ iya, “EsuwerꞰ pon sa'ne imiri ko; uri esi Sameriya pon pe. Nai kasa mairi uyekama'po auya iuku pi'?” ta'pꞰ iya ipi'. (EsuwerꞰ amꞰ' esi'pꞰ isipꞰsawꞰ pokon kon pe para. \*)

† **3:36** Imaimu rꞰ'pꞰ u'ma'to' pe nesii 30 airon ite'ma airi. **4:5** Iseneses 33:19; Isa'suwa 24:32 **4:9** Esara 4:1-6; Ne'imaya 4:1-2

\* **4:9** isipꞰsawꞰ pokon kon pe para; miri pe para, isitonpa pe para to' usi'tupi'piti'pꞰ.

10 Sises uya eiku'pu, "I'tunin pe iwesi yau Papa e'repatu' ike miri awonsi'ki inu' uya iyekama'po tukai', mekama'poi'no, miripan uya iwo'pa'pu ne-sii'no to'panu'nin tuna ke," ta'pu iya.

11 "Itepuru, ipo'ki'tii para iyese; i'nau ya'mu tuna yen esi. Nai yawon to'panu'nin tuna eporo auya?

12 Utamokori kon Seko' uya repan nu'pu ike seri tuna yen, kuri ri, imunki amu' miri awonsi'ki itikan non ni uya tuna ensipitu'pu iyapai. Kuri ri entai kuru ri kati eke pe iwesi?" ta'pu iya.

13 Sises uya eiku'pu, "Inu' ri seri tuna ensinin nu'pu e'tuna'kiripaku kanan miri, 14 e'tane inu' ri tawo'pa'pu uya ensinin nu'pu e'tuna'kiripa pen ni nin miri. Tuna iwo'pa'pu uya ike ena i'napaino ri i'tuna'kwaai pe ri, miripan uya to'panu'nin tuna ke irepa, iko'manto' ike ke tiwiri ri," ta'pu iya.

15 "Itepuru, uwo'paka'ki ken si miri tuna ke, tuna'kiri' ke esi namai', miri enta' tuna kan ni uyepu namai'," ta'pu iya.

16 "Ataan'pu iki'mata iuye'kapu pa kanan seri ya," ta'pu Sises uya.

17 "Tutaan'pu kenan pen uri," ta'pu uri'san uya ipi'.

Sises uya eiku'pu, "Ipoken ni ausauroku, 'Tutaan'pu kenan pen uri,' ta auya a'tai. 18 5 kaisaron kon ya' iyemari'mapi'sa† man, kuri ri kanan si ipiyau me'ai'ne' ataan'pu kuru pen ni kanan. I'napairi ri iusekamasa' miri," ta'pu Sises uya.

19 "Itepuru, pu'kena' pe kinyi'tuyai'.

20 Utamokori kon ipuremapitu'pu seri wu' po,

† 4:18 iyemari'mapi'sa'; miri pe para, iyewipi'sa'

e'tane si seri pe imiri'nokon Esuweru amu' uya Surusiran kuru miri Papa pi' ipureman pata ta auya'nokon,” ta'pu iya.

<sup>21</sup> Sises uya ta'pu ipi', “Uyapuriki uri'san, iweyu uye'ni pi' man ikupunu pi' ka'pon amu' ipuremato' oton pen seri wu' po miri pe para Surusiran po ri.

<sup>22</sup> Imiri'nokon Sameriya pon kon uya i'tu para ri iyese iwipuremato' kon ipi'; e'tane ina ipurema tuni'tunu kon pi', apune para epika'tin nito' uyepu Esuweru amu' wini. <sup>23</sup> E'tane iweyu uyepu, iye'ka'sa' ri, i'napai ri tuwipuremasan ipuremato' oton ikupunu pi', a'kwaru yau miri awonsi'ki i'napairon yau. Pusamoro waraino kon tupa' tuwipuremasan warinpa ikupunu uya miri.

<sup>24</sup> Papa esi a'kwaru pe; kamoro ipi' tuwipuremasan ipuremato' pe iyese a'kwaru yau miri awonsi'ki i'napairon yau,” ta'pu iya.

<sup>25</sup> Uri'san uya ta'pu ipi', “Si'tuyai, Me'saya” (Kurai† tato') “uye'to' oton. Iye'sa' a'tai, tanporon ni ekamato' iya oton miri upi'nokon,” ta'pu iya.

<sup>26</sup> Sises uya eiku'pu, “Kari ri ri uri, kari ri ri usauro'ni pi' na'ne' ipokon pe,” ta'pu iya.

<sup>27</sup> Miri a'tai ri, Sises poitoru ton enna'posa' uyee'pu, miripan kon usewansiuka'pu ipan pe ri, uri'san pokon pe isauroku tepose. E'tane inu' uya ri, “I'ri i'se iwesi pi' auro'ka auya?” ta'pu pen ni ipi', miri pe para, “I'rito' pe ipokon pe ausauroku?” ta'pu to' uya pen ni Sises pi'.

<sup>28</sup> Miripan uri'san uya tu'tuna'kwaai yen nimi'pu, iyenna'po'pu pata pona, miripan uya

---

† 4:25 Kurai (Kiri' maimu yau), miri pe para Me'saya (Ipuru maimu yau), asa'ri ri mari iyese, Papa Nanamunu ta e'kwa pe; v. 29 kanan.



ka'pon amu' pi' ta'pu miri yau, <sup>29</sup> “Ka'pon entanu'ti tanporon ni unku'pitu'pu ekamasa' iya upi'. Kurai pe pe' si puse ri esi seri?” ta'pu iya. <sup>30</sup> Miripan kon uti'pu pata apai Sises piya'.

<sup>31</sup> Miri koro'tau, ipoitoru ton uya Sises pi', “Rapai, § enta'naki,” ta'pu.

<sup>32</sup> E'tane to' eiku'pu iya, “Ui'kiyari esi miri moro ini'tunu kon pen ni,” ta'pu iya.

<sup>33</sup> Miripan pi' ipoitoru ton usekama'popitu'pu, “Inu' uya ri pe' iti'kiyari nee'pu pe iyesei?” tukai'.

<sup>34</sup> “Ui'kiyari esi, uyeno'nin nu'pu maimu awiri e'to' pe iyesei, miri awonsi'ki iturawasooi i'ma'kato' uya pe iyesei intaru'pu iku'to' pe uya. <sup>35</sup> Tato' sa'ne ko, ‘Asakiri'ne riken kapai e'ku'ka'sa' kiyari aku'pu rawiri.’ Ta uya ipi'nokon, apune waku pe umi amu' enpi'ti'. Kiyari aku'paka'sa', tanunsen pe iyenaka'sa'. <sup>36</sup> Ka'pon, anumu pi' te'sen e'ma miri, miripan uya kiyari amuranaku tiwiri ri uko'man nito' ya'. Miripan nin si, kari ri ipinnin nu'pu miri awonsi'ki annin nu'pu epori'mato' pe isi'kaisa ri. <sup>37</sup> I'napairi ri main esi miri, ‘Tikin nan uya ipimi; taron ni uya anumu,’ tawon. <sup>38</sup> Iyeno'sa' uya 'nokon kiyari aku'pasa' ananse'na, umi iye'turawasoma'pu kon pen ni yawon ya'. Taron kon e'turawasoma'pu miri yau, miripan kon tarawasooi otori'pi nin si eporo auya'nokon,” ta'pu Sises uya.

### *Tu'kan Kon Sameriya Pon Kon Uya Apuri*

<sup>39</sup> Tu'kan kon ni Sameriya pon kon miri pata yawon kon uya Sises apuri'pu, apune pura uri'san uya, “Tanporon ni unku'pitu'pu ekamasa' iya upi',”

§ 4:31 Rapai, Ti'sa ta e'kwa pe

tasa' pi'. <sup>40</sup> Miripan nin si, Sameriya pon kon uye'sa' a'tai nin si ipiya', to' uya ekama'po'pɔ'pɔ' ipan pe tɔ'piyau'nokon iko'manto' pe; miri yau, Sises uko'mamɔ'pɔ' asa'ri wɔ'i to' piyau. <sup>41</sup> Tu'kan kon uya ri nin si apuri'pɔ' miri imaimu etasa' tɔ'uyau'nokon pi'.

<sup>42</sup> Miripan kon uya ta'pɔ' uri'san pi', "Ina si n-puriyan, tasa' auya pi' riken pen, e'tane tiwano' kon pe ri etasa' tɔ'uyau'nokon pi', ina uya si i'tu i'napai ri kuru ri pata pika'tinin pe iyesei," ta'pɔ' to' uya.

### *Sises Uya Kin Poitorɔ' Pe Te'sen Mu Epi'ti*

<sup>43</sup> Asa'ri wɔ'i ennoko tɔ'po miri yau, miri tɔ'ninse Sises uti'pɔ' Kiyarari pona. <sup>44</sup> (Sises uya ri, "Pu'kena' namanin pɔ'n ni ipata'se' yau," tasa' esi'pɔ'.) <sup>45</sup> Kiyarari pona itisa' a'tai, miri yawon kon ka'pon amɔ' uya wakɔ' pe kuru ereutanɔ'kɔ'pɔ', apɔ'ne pɔ'ra itisa' kon nɔ'san pe to' esi'pɔ' To' Epoi Iti'pɔ' Weyu Rɔ'pɔ' pi' Surusiran pona, miripan kon uya tanporon ni inkupɔ'nɔ' ensa' esi'pɔ' miri a'tai.

<sup>46</sup> Seri riken pe Sises uya Kena, Kiyarari airon ka'kɔ'ranpa'pɔ', tuna koneka'pɔ' tɔ'uyau yau waain pe. Miri yau, ka'pon, kin poitorɔ' pe te'sen esi'pɔ', takuru'kenan imu Ka'paneyan po. <sup>47</sup> Pɔ'se ri ka'pon uya Sises uye'sa' Isutiya poi Kiyarari pona ta etasa' a'tai, iti'pɔ' ipiya' ekama'poi' itito' pe Ka'paneyan pona tɔ'mu epi'ti', teri'ka'sen ni.

<sup>48</sup> Sises uya, "Inɔ' uya apuri' pɔ'ra ri iyesei eke Papa tɔ'rawasooi i'tuto' ipikiri miri

awonsi'ki a'kwarupɪ'nin niken e'kupɔ a'tai apuri auya'nokon," ta'pɔ.

<sup>49</sup> Kin poitorɔ uya, "Itepuru, uya'kiri utɪnpai umɔre erikɔ rawiri," ta'pɔ ipi'.

<sup>50</sup> Sises uya, "Enta, ɪmu ri uto'pamɔ miri," ta'pɔ ipi'.

Sises maimu tapurii' iti'pɔ. <sup>51</sup> Ite'matai tɔuyese, itekare ke ipoitorɔ ton uya eporo'pɔ. "ɪmu uto'pan ni pi' ri man!" ta'pɔ to' uya. <sup>52</sup> To' ekama'po'pɔ iya, i'ri a'kɔra' kuru tɔmu uto'pamɔ'pɔ tukai', miripan kon uya, "Ko'mamiyau, 1 a'kɔra' ko'mamɔ pe iye'kii'mato' ereuta'pɔ," ta'pɔ to' uya ipi'.

<sup>53</sup> Ikuipɔnɔ uya i'tu'pɔ miri a'kɔra' kuru ri Sises uya, "ɪmu ri uto'pamɔ miri," ta'pɔ rɔ'pɔ. Miri pi' kɔri ri miri awonsi'ki tanporo itonpa ton ena'pɔ apurinin nan pe.

<sup>54</sup> Seri seri iyakon ite'kwa pe eke Papa tɔrawasooi ti'tuto' ipikiri kupɔ'pɔ Sises uya tɔuyepɔ tɔpo Isutiya poi Kiyarari pona.

## 5

### *Epi'tin Iku'pi Mɔre'pɔ Kau*

<sup>1</sup> Miri tɔpo, Esuwerɔ amɔ' enta'nato' weyu pi' Sises uti'pɔ Surusiran pona. <sup>2</sup> Moro iyesi Surusiran po karimeru mɔra'ta airi, iku'pi mɔre'pɔ 5 kaisaron enkurun nito' itau ton esa'; Ipuru amɔ' maimu yau Pe'sata tato' ipi'. <sup>3</sup> Anpisin ton kuru ri takuru'kena' nan ipirinpi'sa' esi'pɔ miri tau'ne, tenku'na' nan, sekentei'pa' nan ipu'tika'sa' kon ni. (Tuna e'tukai'tukai'ma enupikiri to' enurikɔ, <sup>4</sup> apɔne pɔra isipikiri Papa inserɔi u'ti iku'pi mɔre'pɔ ka', miripan uya tuna sokousokouma.

Takuru'kenan si wapiya tautisen iku'pi mare'pu ka' iyesokousokouma'pu tapo usepi'tipitu'pu ti'tui'pura ri te paran kon pe te'sen apai.)\* <sup>5</sup> Miri yau si ka'pon esi'pu miri takuru'ke iko'mansa' 38 kaisa ri wapiya. <sup>6</sup> Sises uya iyipirinkasa' ene'pu miri yau, i'tu'pu iya inke ri takuru'ke iko'mansa', miripan uya, "Isepi'tipai pe' me'an?" ta'pu ipi'.

<sup>7</sup> Takuru'kenan uya eiku'pu, "Itepuru, inu'pura ri iyese seri yau utanin iku'pi ka' tuna e'sokousokouma a'tai, iti i'se ru'kwu e'tane ika', taron ni utikapu uwapiya," ta'pu iya.

<sup>8</sup> Sises uya, "E'mu'sa'ka', ayapon tananse enta!" ta'pu ipi'. <sup>9</sup> Miri a'tai ri isepi'ti'pu; tapon tananse iti'pu. Seri e'kupu'pu miri Sapa' a'tai.

<sup>10</sup> Miri pi' Esuweru amu' epuru ton uya, "Sapa' seri; waku pe pura iyese Main, Mosi' winon pona ayapon ari pi' me'ai'ne'," ta'pu to' uya ipi'.

<sup>11</sup> To' eiku'pu iya, "Kuri uyepi'tinin nu'pu uya, 'Ayapon tananse enta,' tasa' upi'," ta'pu iya to' pi'.

<sup>12</sup> To' uya ekama'po'pu, "Inu' pe si kuri ri esi, 'Ayapon tananse enta,' tawon ipi'?" ta'pu to' uya ipi'. <sup>13</sup> E'tane kuri ri isepi'tisa' ru'pu uya i'tu pura iyese'pu inu' pe iyese tukai', apune pura anpisin pe miri yau to' esi'pu, miripan kon koro'tawiri Sises uti'pu esi'pu.

<sup>14</sup> Miri pata'pu pe, Sises uya eporo'pu use'man nito', ipureman nito' iwu' tau, miripan uya ta'pu ipi', "Apune enki, waku pe si iyenasa' miri. Amako'i inonkaki, isi kuru ri e'kupu namai' ipi' inonka auya pura iyese yau," ta'pu iya ipi'.

---

\* **5:4** Taron ni ton esi 3b miri awonsi'ki 4 airon ite'ma ton pura.  
**5:10** Ne'imaya 13:19; Iseremaya 17:21

<sup>15</sup> Miripan uti'pɛ Esuwerɛ amɛ' epuru ton pana'tii' Sises uya kenɛ' tepi'tisa' ka'se'na.

<sup>16</sup> Seri wenai, Sises ewa'noma pi' to' e'sara'ti'pɛ, apɛne pɛra usepi'tin ku'sa' iya pi' Sapa' a'tai. <sup>17</sup> Sises uya to' eiku'pɛ, "Ukuipɛnɛ esi te'tarawasomasen inke ri; uri niri e'tarawasomato' pe iyesi," ta'pɛ iya. <sup>18</sup> Seri tawon uya ri Esuwerɛ amɛ' epuru ton kupɛ'pɛ miyari ri inwipai; Main niken Sapa' pi' enupanin i'kwɛ'sa' iya pen, e'tane Papa esi tukuipɛnɛ pe kuru tasa' iya pi', seri wini si Papa kaisari ri iye'ku'sa' pi'.

### *Imu Meruntirɛ*

<sup>19</sup> Miri pi' Sises uya to' eiku'pɛ, "T'napairon ekama uya ipi'nokon: tiwano' pe i'ri ri kupɛ imu uya pen, tukuipɛnɛ nukuipɛnɛ riken ensa' tɛuya kupɛ iya, apɛne pɛra i'ri ri kupɛ ikuipɛnɛ uya a'tai, imu uya ri niri ikupɛ. <sup>20</sup> Ikuipɛnɛ uya imu i'nanka, miripan uya tanporon ni tankuipɛnɛ enpoika itena'. Seri entaino kuru ri enpoika iya miri iku'to' pe iya, miri uya iyewansiukato' oton kon. <sup>21</sup> Ikuipɛnɛ iyeri'sa' kon i'mɛ'sa'kayai'ne' nurine to' ku'ai'ne' kasa ri mari, imu uya nurine ri to' e'to' pe to' kupɛ, i'se te'to' ton ni kupɛ iya nurine. <sup>22</sup> Miri riken pe pɛra, inɛ' ri eseru aimenka ikuipɛnɛ uya pen. Tɛmu ena' eseru aimenkato' ike nonkasa' iya, <sup>23</sup> tanporon kon uya tɛmu namato' pe ikuipɛnɛ nama tɛuya'nokon kasa ri mari. Inɛ' uya ri imu nama pɛra iyesi yau, ikuipɛnɛ nama iya pɛra ri mari iyesi miri enno'nin nɛ'pɛ.

<sup>24</sup> "T'napairon ekama uya ipi'nokon: Inɛ' uya ri umaimu eta a'tai, miri awonsi'ki uyanno'nin

nɔ'pɛ apuri a'tai, kɛri ri uya tiwiri uko'man nito' eposa' miri. Iteseru aimenkato' oton pen ni, iye'kwiri'ka'sa' pe ri iyese uma'tan nito' apai uko'man nito' ya'.

<sup>25</sup> “I'napairon ekama uya ipi'nokon: Iweyu uye'ni pi' man, iye'ka'sa' ri, iyeri'sa' kon uya Papa Mumu maimu eta weyu, kamoro nin si etanin nan uko'manto' oton. <sup>26</sup> Ikuipɛnɛ esi na'ne' kasa uko'man nito' esa' pe, miri kasa ri mari tamu konekasa' iya uko'man nito' esa' pe. <sup>27</sup> Miri awonsi'ki tamu repasa' iya eseru aimenka meruntiru ke, apɛne para Ka'pon, Papa winon pe iyese pi'.

<sup>28</sup> “Seri pi' kisewansiukatɛ; iweyu uye'ni pi' man tanporon kon iyeri'sa' kon uruwai' yawon kon uya imaimu eta weyu, <sup>29</sup> miripan kon epa'kato' oton tɛuruwasii kon apai: kamoro wakɛ ku'nin nɛ'san e'mɛ'sa'kato' oton tɛuko'manto' kon pe, miri awonsi'ki kamoro iri ku'nin nɛ'san e'mɛ'sa'kato' oton teno'mato' kon ya'.

### *Sises Eseru Ekama*

<sup>30</sup> “Uiwano' pe i'ri ri kupɛ uya para iyese. Ka'pon eseru aimenka uya Papa uya uyauro'kasa' awiri. Miri wenai iye'to' awiri ka'pon eseru aimenka uya, apɛne para i'se e'to' kupɛ uya kasa para, e'tane kɛri uyennon'nin nɛ'pɛ e'to' i'se riken.

<sup>31</sup> “Uri pe ri uyeseru ekama uya a'tai, unekamanɛ esi tapurisen pe para ri. <sup>32</sup> Miri yau, tɛron ni esi uyekamanin i'napai ri uyekama iya tukai' i'tu uya. <sup>33</sup> Isaan piya' amaimu kon esanon ennoko'pɛ auya'nokon, miripan uya i'napairon enpoika'pɛ.

<sup>34</sup> Ka'pon uya uyekama i'se e'tane p̄ra ri, e'tane seri ta uya ip̄i'nokon iyepika'tisa' pe iwesi kon pa.

<sup>35</sup> Isaan esi'p̄ra raan'pu tepo'tisen pata weyu pe kasa, miripan weyu yau e'pai iwesi'p̄ra kon aka'ne' pe ri.

<sup>36</sup> “E'tane upiyau uiwano' pe ri usekamato' esi Isaan uya ekama'p̄ra na'ne' entaino. T̄rawaso unkuṗ̄ra i'ma'kato' pe uya uk̄ip̄ra n̄t̄ara'p̄ra, miri ton uya ri ekama ik̄ip̄ra uya uyenno'sa' tukai'. <sup>37</sup> Ik̄ip̄ra uyenno'nin n̄p̄ra usauro'sa' upi', imaimu etasa' auya'nokon p̄ra iyesi, itemu' niri ensa' auya'nokon p̄ra ri niri iyesi.

<sup>38</sup> Imaimu ko'man̄ka auya'nokon p̄ra niri iyesi iyewan kon yau, ap̄ra p̄ra inennoko'p̄ra apuri auya'nokon p̄ra iyesi ke. <sup>39</sup> Iye'menukasa' itekare pi' iusenupa kon;† tiwiri uko'man nito' esi iyau tukai' iusenuminka kon pi', upi' ri si t̄usauro'sen. <sup>40</sup> E'tane ri, upiya' isi'pai p̄ra iwesi kon iuko'manto' kon epose'na.

<sup>41</sup> “Ka'pon am̄u uya ri uyapuripi'to' i'se esi pen. <sup>42</sup> E'tane ii'tu uya 'nokon Papa i'n̄nkato' auya'nokon p̄ra iyesi iyewan kon yau.

<sup>43</sup> “Uk̄ip̄ra ese' yau uye'sa' e'tane uyereutan̄sa' auya'nokon p̄ra iyesi. E'tane t̄aron ni uye'sa' a'tai tese' yau, k̄ri ri ereutan̄ka auya'nokon miri. <sup>44</sup> I'ri tukai' apuri auya'nokon itonpa kon wini ayapuripi'to' kon eponin nan pe esii'ma, e'tane i'ri ri kup̄ra auya'nokon p̄ra iyesi ayapuripi'to' kon eporo kon pa tikin nan ni Papa wini t̄uuye'sen?

---

<sup>5:37</sup> Ma'siu 3:17; Ma' 1:11; Ɔru' 3:22 † <sup>5:39</sup> iusenupa kon; miri pe p̄ra, iusenupati' wak̄a pe

45 “Kisenuminkatuu uri uya ikuipunu ena' iyaseru'ti kon tukai', Mosi' riken kuri ri iyaseru'tinin kon, kuri ri anapuri'pa kon. 46 Mosi' apurisa' auya'nokon pe iyesei yau, uypurisa' auya'nokon niri nesii'no, apune para uri pi' imenukasa' iya. 47 E'tane inmenuka'pa apuri auya'nokon para iyesei pi', i'ri tukai' umaimu apuri auya'nokon?” ta'pa iya.

## 6

### *5,000 Kaisaron Kon Eweka Sises Uya (Ma'siu 14:13-21; Ma' 6:30-44; Uru' 9:10-17)*

1 Seru pata'pa pe, Sises enna'po'pa parau ku'piri Kiyarari (parau ku'piri Taipiriyas tato' ri mari) ratoi pona. 2 Anpin uya kuru ri e'ma'paka'pa, apune para ti'tuto' ipikiri ku'sa' iya pi' takuru'kena' nan pi'. 3 Sises enuku'pa i'kuru pona, miripan ereuta'pa tapoitoru ton pokon pe. 4 To' Epou Iti'pa Weyu Ru'pa, Esuweru amu' nukupunu e'seporo esi'pa.

5 Sises uya tenu tusa' a'tai, anpin pe kuru ri ka'pon amu' uyepa ene'pa iya tekare pi', ta'pa iya Piri' pi', “Nai yau pareti enna pasamoro ka'pon amu' ni'ton?” ta'pa iya. 6 (Seru ta'pa iya Piri' i'tupitu pe ri; tukupunu pe te'sen i'tukapai'ma ri.) 7 Piri' uya eiku'pa, “8 kaisaron kapu yau e'tarawasoman nisa' epe'pa\* uya eke pe kiyari enna para ri iyesei miri to' nonpa ton nu'kwi ri mara ri,” ta'pa iya.

---

\* 6:7 8 kaisaron kapu yau e'tarawasoman nisa' epe'pa; miri pe para, 200 kaisaron para pun. Tikin ni miri para pun esi'pa tikin ni wai e'tarawasoman nisa' epe'pa, tenariyas itese'.



<sup>8</sup> Ipoitoru ton tonpa pe te'sen, Anturu, Saiman Pi'ta akon uya ta'pu ipi', <sup>9</sup> "Miri yau warawo' mure man, 5 kaisa ri pūreti miri awonsi'ki asa'ron kon aiko ton moro' amū' esi ipiyau. Miri e'tane i'ri pu'ku pona iti tu'kan kon eweku pi'?" ta'pu iya.

<sup>10</sup> "Ka'pon amū' ereutato' pe iku'ti'," ta'pu Sises uya. (Miri yau, wana' e'kwa pe pata esi'pu.) 5,000 kaisaron kon ka'pon amū' ereutapitū'pu. <sup>11</sup> Sises uya pūreti anūmū'pu, miri awonsi'ki tenki ta'pu iya, miri awonsi'ki itūpitū'pu iya iyereutasa' kon ka'pon amū' ena'. Miri kasa ri mari moro' amū' kupū'pu iya.

<sup>12</sup> To' a'wetapi'sa' a'tai, Sises uya ta'pu tūpoitoru ton pi', "Ipu'ku ru'pu ton amuranū'ti, itonpa'pu uma'ta namai'," ta'pu iya. <sup>13</sup> Miri, to' uta're'ti'pu tonpa'pu amuranū'ku'pu to' uya 12 kaisa ri pa'siki'ti amū' tūpe' ke'ne.

<sup>14</sup> Miri a'tai, ka'pon amū' seri eke Papa tūrawasooi i'tuto' ipikiri e'kupu ennin nū'san uya ta'pu, "I'napai ri kuru ri pūse ri esi Pu'kena'† tūuye'ton ta'pu ipi' pe," ta'pu to' uya. <sup>15</sup> Sises uya to' uya tanūmu tūmiri ta'kwarūkai' kin pe, tukai' i'tusa' a'tai, iti'pu tikin sari i'kuru pona.

### *Sises Usari Tuna Puro'po*

*(Ma'siu 14:22-33; Ma' 6:45-52)*

<sup>16</sup> Pata uko'mansa' a'tai, ipoitoru ton uti'pu parau ku'puri ka', <sup>17</sup> miripan kon ekanwa'tisa' uti'pu parau ku'puri ratoi pona Ka'paneyan winikūl'. Pata ewarumankaa'pu, Sises uye'sa' para ri mari iye'tane to' piya'. <sup>18</sup> Pana' pe a'setun uyee'pu isi pe sipa'sipa pe tuna tuku'se. <sup>19</sup> Ipoitoru ton utika'sa'

† 6:14 Pu'kena': Apune Isaan 1:21 enki.

esi'p<sub>u</sub> kanau yau 3 mayir<sub>u</sub>, 4 mayir<sub>u</sub> e'to' airi ri, miri a'tai Sises uyep<sub>u</sub> ene'p<sub>u</sub> to' uya tuna p<sub>u</sub>ro'po. A'ko pe kanau piya' iyep<sub>u</sub> a'tai, to' et<sub>u</sub>ipit<sub>u</sub>'p<sub>u</sub>.  
 20 E'tane, “Ket<sub>u</sub>ipit<sub>u</sub>'t<sub>u</sub>; uri ri,” ta'p<sub>u</sub> Sises uya to' pi'.  
 21 Miri a'tai, to' uya ikanwa'ti'p<sub>u</sub> kanau ya', miripan kon uya pata t<sub>u</sub>utit<sub>o</sub>' kon ya' eporo'p<sub>u</sub> inke p<sub>u</sub>ra ri.

### *Ka'pon Am<sub>u</sub>' Uya Sises Warinpa*

22 Miri ema'sa' yau, anpisin ton parau ku'p<sub>u</sub>ri ratoi po iye'ninsa' kon uya tikin nan niken kanau uti'p<sub>u</sub> i'tu'p<sub>u</sub>. To' uya i'tu'p<sub>u</sub> Sises uti p<sub>u</sub>ra iyessi'p<sub>u</sub> kanau yau t<sub>u</sub>poitor<sub>u</sub> ton a'kiri, ipokon pe p<sub>u</sub>ra to' uti'p<sub>u</sub>.  
 23 T<sub>u</sub>ron ni ton kanau am<sub>u</sub>' uyee'p<sub>u</sub> Taipiriyas winipai'ne, miripan e'te'kapit<sub>u</sub>'p<sub>u</sub> a'ko pe ka'pon am<sub>u</sub>' anpisin ton uya p<sub>u</sub>reti iku'p<sub>u</sub> airi, Sises uya tenki ta t<sub>u</sub>po.  
 24 Sises miri pe p<sub>u</sub>ra ipoitor<sub>u</sub> ton ene t<sub>u</sub>uya'nokon kasa p<sub>u</sub>ra, ka'pon am<sub>u</sub>' anpisin ton ekanwa'ti'pi'sa' kanau ton ya' uti'p<sub>u</sub> Ka'paneyan pona, iwarinpa pi'.

### *Sises Uko'man Nito' A're'*

25 Ka'pon am<sub>u</sub>' uya Sises eposa' a'tai parau ku'p<sub>u</sub>ri ratoi po, ta'p<sub>u</sub> to' uya ipi', “Rapai,† i'ri a'tai seri ya' iyee'p<sub>u</sub>?” ta'p<sub>u</sub> to' uya.

26 Sises uya to' eiku'p<sub>u</sub>, “I'napairon ekama uya ipi'nokon; uwarinpa auya'nokon, ap<sub>u</sub>ne p<sub>u</sub>ra eke pe ri p<sub>u</sub>reti i'sa' auya'nokon pi' i'se iwe'to' kon awiri ri, ui'tuto' ipikiri ku'sa' uya to'ka'n<sub>u</sub>'sa' auya'nokon pi' pen ni.  
 27 Aka'nero' ri kiyari pi' ke't<sub>u</sub>rawasomat<sub>u</sub>; e't<sub>u</sub>rawasomati' tiwiri ri i'uko'manto' kon pe iku'nin kon kiyari pi'.  
 Seri kiyari ke Ka'pon, Papa winon uya irepa kon miri.

† 6:25 Rapai, Ti'sa ta e'kwa pe

Papa, ikupunū uya enpoikasa' iyena'nokon uri piyau merunti esi," ta'pū Sises uya.

<sup>28</sup> Miripan kon uya ekama'po'pū, "I'ri kuru ken kupū ina uya, Papa turawasooi kupū pe ta auya?" ta'pū to' uya.

<sup>29</sup> Sises uya to' eiku'pū, "Se seri Papa turawasooi ikupū auya'nokon i'se iye'to'; inennoko'pū apuriti'," ta'pū iya.

<sup>30</sup> To' uya eiku'pū, "I'ri eke Papa turawasooi ii'tuto' ipikiri kupū auya ina nenton, ina uya ayapurito' pe? I'ri kupū auya?" <sup>31</sup> Utamokori kon uya mana tato' i'pitu'pū rimono' tau, itekare iye'menukasa' nekamayai'ne', 'To' ni'ton pūreti ke to' repapitu'pū iya Epūn poi,' tukai'," S ta'pū to' uya.

<sup>32</sup> "I'napairon ekama uya ipi'nokon; Mosi' uya irepa'pū kon na'ne' ike esi'pū Epūn poino pen ni; ukupunū nin kūrī ri i'napairon Epūn poino pūreti ke irepanin kon. <sup>33</sup> Pūreti, Papa nuturunū nin kūrī ri Epūn poi iu'tisa' pata repanin uko'man nito' ke," ta'pū Sises uya.

<sup>34</sup> "Itepuru, tiwiri ri ken si seri pūreti ke ina irepapi'ki," ta'pū to' uya ipi'.

<sup>35</sup> "Uri ri esi uko'man nito' a're' pe; kūrī upiya' nūye'ai'ne' e'to' oton pen ni iwan pe; kūrī uya-puri pi' na'ne' e'to' oton pen ni tuna'kiri' ke.

<sup>36</sup> Sekamai ko ipi'nokon; uyenka'sa' auya'nokon e'tane uyapuri auya'nokon pen ni. <sup>37</sup> Tanporon kon ukupunū urepayai'ne' ike ton uyepū miri upiya'; inū' ri upiya' tūye'sen nurunpa uya pūra ri iyesi, <sup>38</sup> apūne pūra uye'sa' seri Epūn poi

---

**6:27** Saira' 24:19-22    **§ 6:31** E'sotas 16:4-15; Eren 78:24; Ipu'ketū 16:20-21.

uyenno'nin nᵘ'pᵘ eseru ku'se'na, uyeseru ku'se'na pen. <sup>39</sup> Kᵘrᵘi uyenno'nin nᵘ'pᵘ esi se kupᵘ uya i'se; kamo urepa'pᵘ iya ike ton nonka uya i'se pᵘra iyese, e'tane tanporo to' i'mᵘ'sa'kato' pe uya pata weyu u'ma'sa' a'tai. <sup>40</sup> Ukᵘipᵘnᵘ eseru esi tanporon kon imu ennin nᵘ'san miri awonsi'ki apurᵘnin nᵘ'san uya tiwiri ri uko'man nito' epoto' pe; to' i'mᵘ'sa'kato' pe uya pata weyu u'ma'sa' a'tai,” ta'pᵘ iya.

<sup>41</sup> Esuwerᵘ amᵘ' e'sara'ti'pᵘ ipi' entarun ni pi', apᵘne pᵘra, “Uri kᵘrᵘi ri pᵘreti Epᵘn poi iu'tisa,” ta iya pi'. <sup>42</sup> Miripan kon uya, “Sises sa'ne pᵘse ri ko, Ilose' mu, pen pe'? Ikᵘipᵘnᵘ miri awonsi'ki isan uni'tunᵘ kon. Nai kasa, 'Epᵘn poi u'tisa,' ta iya nin si?” ta'pᵘ to' uya.

<sup>43</sup> Sises uya to' eiku'pᵘ, “Iyentarunto' kon e'paka'nᵘ'ti'. <sup>44</sup> Inᵘ' ri iyepᵘ pᵘra iyese miri upiya' ikᵘipᵘnᵘ, uyenno'nin nᵘ'pᵘ uya riken iki'ma a'tai upiya' iyepᵘ ri; miripan i'mᵘ'sa'kato' uya oton pata weyu u'ma'sa' a'tai. <sup>45</sup> Pu'kena' amᵘ' uya imenukasa', 'Tanporon kon ni ka'pon amᵘ' enupato' oton Papa uya,' tawon.\* Miri pi', tanporon kon ikᵘipᵘnᵘ maimu etanin nan miri awonsi'ki iwini tᵘsenupasan uyepᵘ upiya'. <sup>46</sup> Seri uya, inᵘ' uya ri ikᵘipᵘnᵘ ene'pᵘ ta pen; kᵘrᵘi Papa winon uya riken ikᵘipᵘnᵘ ene'pᵘ. <sup>47</sup> I'napairon ekama uya ipi'nokon; kᵘrᵘi apurᵘpi' na'ne' uya tiwiri ri uko'man nito' eposa'. <sup>48</sup> Uko'man nito' a're' pᵘreti pe esi. <sup>49</sup> Atamokori kon amᵘ' uya mana tato' i'piti'pᵘ rimono' tau, e'tane to' eri'piti'pᵘ. <sup>50</sup> E'tane seri nin si pᵘreti Epᵘn poi iu'tisa'; inᵘ' ri

\* **6:45** Aisaya 54:13

i'nin nã'pũ erikũ pen ni nin. <sup>51</sup> To'panũ'nin pãreti pe esi, Epũn poi iu'tisa'. Inũ' uya ri seri pãreti i'sa' yau, iko'manto' oton ni tiwiri ri. Pãreti seri upun, untuton pata uya uko'man nito' epoto' pe," ta'pũ iya.

<sup>52</sup> Seri uya isi pe Esuwerũ amũ' e'sei'pitu tiwano' kon pe sara'ti'pũ. "Nai kasa tũpun ke uya're'ti iya 'nokon?" ta'pũ to' uya.

<sup>53</sup> Sises uya to' eikũ'pũ, "T'napairon ekama uya ipi'nokon; Ka'pon, Papa winon pun pi' auta're'tisa' kon pãra iyesei yau, imãnũ ri ensisa' auya'nokon pãra iyesei yau, uko'man nito' pãra ri iyesei miri ayau'nokon. <sup>54</sup> Inũ' ri upun pi' tãuta're'tisen, umãnũ ensinini uya tiwiri ri uko'man nito' eposa' miri, miripan i'mũ'sa'kato' uya oton pata weyu u'ma'sa' a'tai. <sup>55</sup> Upun esi pi' i'napairon kuru kiyari pe, umãnũ niri i'napairon tensisen pe. <sup>56</sup> Upun pi' tãuta're'tisen ni, umãnũ ensinini ni uko'mamũ miri uyau, iyau niri uko'mamũ. <sup>57</sup> Tũuko'mansen ikũipũnũ uya uyenne'sa', kũri ri uriya' uko'mamũ ri mari. Miri kasa ri, upi' tãuta're'tisen uko'mamũ miri uri uriya'. <sup>58</sup> Se si esi pãreti Epũn poi iu'tisa'. Iku tũpo atamokori kon amũ' erikũ'pũ na'ne' waraino pen. Kũri seri i'nin uko'manto' oton tiwiri ri," ta'pũ Sises uya. <sup>59</sup> Sises uya seri ta'pũ Esuwerũ amũ' usenupato' iwũ' tau to' enupa tũuya a'tai Ka'paneyan po.

### *Tu'kan Kon Iya'kiron Kon Uya Sises Nimi*

<sup>60</sup> Seri etasa' tũuya'nokon a'tai, tu'kan kon ipoitorũ ton uya, "Sa'man pe kuru se usenupan nito' man. Inũ' uya ri seri anũmũ?" ta'pũ.

61 Inu' uya tɔpana'tii' pɔra ri, Sises uya tɔpoitoru ton entarumu seri pi' i'tusa' esi'pu, miripan uya ta'pu to' pi', "E'nonkapai na'ki seri iku'atuu?  
 62 I'ri pe iyesi Ka'pon, Papa winon enuku ene auya'nokon a'tai wapiya tesi'pu ya?" 63 Papa A'kwaru uya uko'man nito' taru; se pe ri nin ka'pon meruntiru esi miri. Main ton ayauro'kasa' uya 'nokon na'ne' ike esi, a'kwaru wannu miri awonsi'ki uko'man nito' ku'nin. 64 Miri e'tane moro man itonpa kon amu' apurinin nan pen," ta'pu iya. Sises uya i'tusa' esi'pu iyepiya'ti'pu si'kiri, apurinin nan pen miri awonsi'ki teparanka ton. 65 Miripan uya ta'pu, "Seri pi' sa'ne si kanyauro'kata'tui ko: inu' ri uyepu pɔra iyesi upiya' ikauranu uya riken iye'ku'to' pe iku'sa' a'tai iyepu," ta'pu iya.

66 Miri wui awonsi'ki, tu'kan kon ni ipikiri tautisan enna'po'pu, iya'kiri to' uti pɔra.

67 Miripan pi' Sises uya ta'pu 12 kaisaron kon tɔpoitoru ton pi', "Imiri'nokon si, e'nonkapai ri mari na'ki me'atuu?" ta'pu iya to' pi'.

68 Saiman Pi'ta uya eiku'pu, "Uyepuru, inu' piya' niri ina uti? Ipiyau sa'ne Main esi miri ko, tiwiri ri uko'man nito' pe ku'nin. 69 Ina uya i'tu miri awonsi'ki ina uya apuri imiri esi Waku, Papa iwano'," ta'pu iya.

70 Sises uya eiku'pu, "12 kaisaron kon pe' imiri'nokon anunnin nu'pu pen uri? Miri e'tane, itonpa kon esi makoi pe!" ta'pu iya. 71 (Isutas pi' isauroku'pu, Saiman Eskariya' mu pi'. 12 kaisaron

kon tonpa pe ri esii'ma, Isutas uya teparankato' oton pi'.)

## 7

### *Sises Uti Surusiran Pona*

<sup>1</sup> Miri tupo, Sises esi'p<sub>u</sub> upinin ni pi' Kiyarari awiri. Isutiya pona itipai p<sub>u</sub>ra iyesi'p<sub>u</sub>, ap<sub>u</sub>ne p<sub>u</sub>ra Esuwer<sub>u</sub> am<sub>u</sub>' epuru ton esi pi' t<sub>u</sub>wini i'se miri yau.

<sup>2</sup> T<sub>u</sub>usiwat<sub>u</sub>ntipi'se Esuwer<sub>u</sub> am<sub>u</sub>' n<sub>u</sub>kup<sub>u</sub>n<sub>u</sub> weyu e'seporo esi'p<sub>u</sub>. <sup>3</sup> Miri pi' si, iyakon non uya ta'p<sub>u</sub> Sises pi', "Seri t<sub>u</sub>ninse, Isutiya pona enta, ipoit<sub>u</sub>ru ton uya eke Papa t<sub>u</sub>rawasooi kup<sub>u</sub> auya ento' pe.

<sup>4</sup> In<sub>u</sub>' uya ri t<sub>u</sub>nkup<sub>u</sub>n<sub>u</sub> t<sub>u</sub>t<sub>u</sub>rawasooi onam<sub>u</sub> p<sub>u</sub>ra ri iyesi miri ti'tu i'se e'ni yau. Seri ton am<sub>u</sub>' kup<sub>u</sub> auya pi', tiwi tanporon pata ii'tui'," ta'p<sub>u</sub> to' uya.

<sup>5</sup> Iyakon non uya ri niri apuri p<sub>u</sub>ra iyesi'p<sub>u</sub>.

<sup>6</sup> Sises uya ta'p<sub>u</sub> to' pi', "Uweyu pe kuru te'sen e'seposa' p<sub>u</sub>ra iyesi. Iweyu kon nin esi miri ti'tui' p<sub>u</sub>ra ri. <sup>7</sup> Pata uya iyewaruma'ti kon p<sub>u</sub>ra iyesi, e'tane uyewaruma'ti iya, ap<sub>u</sub>ne p<sub>u</sub>ra iri pe iyaseru man ta uya pi' t<sub>u</sub>pi'.

<sup>8</sup> Entanti' t<sub>u</sub>ku'sen ya'. Miri ya' nin uti p<sub>u</sub>ra man,\* ap<sub>u</sub>ne p<sub>u</sub>ra uweyu pe kuru te'sen e'seposa' p<sub>u</sub>ra iyesi pi'," ta'p<sub>u</sub> iya to' pi'.

<sup>9</sup> Seri ta tupo, Kiyarari po iye'nimi'p<sub>u</sub>.

### *Sises T<sub>u</sub>usiwat<sub>u</sub>ntipi'se T<sub>u</sub>ku'sen Yau*

<sup>10</sup> Takon non uti'p<sub>u</sub> t<sub>u</sub>ku'sen ya' tupo, Sises ri niri si utikaa'p<sub>u</sub>, e'tane ama'ai ri nin iti'p<sub>u</sub>, eke pe ti'tui' pen. <sup>11</sup> Esuwer<sub>u</sub> am<sub>u</sub>' epuru ton uya iwarinpa esi'p<sub>u</sub> t<sub>u</sub>ku'sen yau. "Nai k<sub>u</sub>ri si?" ta'p<sub>u</sub> to' uya.

---

7:2 Ripaiti'kas 23:34; Isu'taronomi 16:13

\* 7:8 Uti p<sub>u</sub>ra man; miri pe p<sub>u</sub>ra, uti p<sub>u</sub>ra man seri a'tai.

12 Mi awiri ri anpisin koro'tawiri etarerun ni pi' to' esi'pu ipi'. “Waku kuru sa'ne,” ta'pu taron kon ka'pon amu' uya.

“Kane,” ta'pu taron kon uya, “Ka'pon amu' ri enku'ti iya,” ta'pu to' uya. 13 E'tane eke pe annau to' usauroku'pu pen ipi', apuane pu'a Esuweru amu' epuru ton pi' tenari'namu kon pi'.

14 To' nukupamu e'nonkakupu iwa koro'tau ri, Sises ewomu'pu Esuweru amu' use'mato', ipremato' iwu' ta', miripan e'sara'ti'pu to' enupa pi'. 15 Esuweru amu' epuru ton usewansiuka'pu ipan pe ri, miripan kon uya ta'pu, “Nai kasa pu'se ri uya eke pe ri i'tu, uri'nokon kasa enupasa' kasa ri?” ta'pu to' uya.

16 Sises uya to' eiku'pu, “Iyenupto' kon uya ike esi uwinon pen ni, e'tane Papa, uyanno'nin nu'pu wini iyepu. 17 Inu' ri Papa e'to' i'se inku'pai na'ne' uya i'tuto' oton kinyenupayatui'ne' esi Papa winon pe miri pe pu'a uiwano' pe ri tukai'. 18 Ka'pon tiwano' pe ri nusauro'ai'ne' esi tapurito' ipikiri ri i'se, kari tenno'nin nu'pu apurito' ipikiri i'se te'sen esi miri, usenku'tin ipi' pen ni. 19 Mosi' uya Main ke irepa'pu kon, pen ni kati? E'tane tikin nan ni iyawiron pu'a ri iyesi. I'ri wenai uwipai iwesi kon?” ta'pu iya.

20 Ka'pon amu' anpisin ton uya eiku'pu, “Ene ri esi miri ayau! Inu' nai iwini i'se?” ta'pu to' uya.

21 Sises uya to' eiku'pu, “Tikin ni eke Papa tarawasooi kupu'pu uya, miripan pi' iusewansiuka'pu kon. 22 Mosi' uya ayapiyonti'pu kon imunki kon yun pi'pi puturukapitu kon pa (Mosi' pen ni e'tane atamokori kon amu' uya isara'ti'pu), Sapa' a'tai si warawo' mare yun pi'pi



puturuka auya'nokon. <sup>23</sup> Warawo' mare yun pi'pi si puturuka yau Sapa' a'tai, Mosi' maimu si e'kwitua namai', i'ri pi' ken si upi' ausakorota kon ka'pon epi'tisa' uya pi' Sapa' a'tai? <sup>24</sup> Kipo'po ri ka'pon eseru aimenkato' auya'nokon ereutanu'ti', i'nairon yai eseru aimenkato' iku'ti'," ta'pu iya.

### *Sises Pe' Esi Kurai Pe?*

<sup>25</sup> Miri a'tai, taron kon ka'pon amu' Surusiran pon kon usekama'po'pu, "Puse ri pen pe' iwini i'se to' na'ne"? <sup>26</sup> Apune enti', iye'nama para ri annau isauroku, inu' uya i'ri ta para ri ipi'. Pata epuru ton uya pe', Karai† ri ta pe iyesi ipi'? <sup>27</sup> E'tane sa'ne, Karai uye'sa' a'tai, inu' uya ri miri winon tukai' i'tuto' para ri nin iyesi. E'tane i'tu'nokon miri winon pe tukai'," ta'pu to' uya.

<sup>28</sup> Esuweru amu' use'mato', ipuremato' iwu' tau ka'pon amu' enupai'ma eke pe tumaimu tuku'se Sises uya, "Ui'tu auya'nokon kuru ri si, miri winon tukai' kuru ri niri. E'tane sa'ne uiwano' pe uye'sa' pen, e'tane ri uyeno'nin nu'pu esi ikasima auya'nokon pokena' pen ni. Ini'tunu kon pen ni, <sup>29</sup> e'tane uni'tunu, apune para iwinon pe esi, miri awonsi'ki inennoko'pu pe esi," ta'pu iya.

<sup>30</sup> Miripan a'si i'se to' esi'pu, miri e'tane inu' uya ri a'pi'pitu'pu pen ni, apune para iweyu e'seposa' para ri mari iyesi'pu. <sup>31</sup> E'tane tu'kan kon anpin tonpa ton uya ri apuri'pu, miripan kon uya, "Kurai uye'sa' a'tai, puse ri nuku'ai'ne' entai kuru niri ken pe' eke Papa tarawasoi ti'tuto' ipikiri ku'to' iya oton?" ta'pu to' uya.

---

**7:22** Iseneses 17:10; Ripaiti'kas 12:3      **7:23** Isaan 5:9      † **7:26**  
Kurai; miri pe para, Me'saya; v. 27, 31, 41, miri awonsi'ki 42 yau ri niri.

### *Erasu Ton Ennoko'pɥ Sises A'sise'na*

<sup>32</sup> Pari'si amɥ' uya seri ton pi' ka'pon amɥ' etarerumɥ eta'pɥ, miri'pan kon uya use'man nito' tɥrawasomanin nan epuru ton miri' awonsi'ki Pari'si amɥ' uya use'man nito', ipɥreman nito' iwɥ' erasu ton ennoko'pɥ Sises a'sise'na. <sup>33</sup> Sises uya ta'pɥ, “Ipiyau'nokon esi seri mara rɥ'kwɥ pari, miri' awonsi'ki nin si uti miri' uyennonin nɥ'pɥ piya'.” <sup>34</sup> Uwarinpaton' auya'nokon oton e'tane uyepoto' auya'nokon oton pen, apɥne pɥra iyau e'ai'ne' ya' iuti kon pɥra iyesei,” ta'pɥ iya.

<sup>35</sup> Esuwerɥ amɥ' epuru ton usekama'po'pɥ tɥtonpa kon amɥ' pokon pe esii'ma, “Nai ya' mairi' iti eporo poken pɥra? Kiri' amɥ' pata'se' airi' kati' iti Esuwerɥ amɥ' na'ne' airi', Kiri' amɥ' enupai'?” <sup>36</sup> ‘Uwarinpaton' auya'nokon oton e'tane uyepoto' auya'nokon oton pen,’ miri' awonsi'ki, ‘Iyau e'ai'ne' ya' iuti kon pɥra iyesei,’ ta' iya pi' sa'ne. I'ri ta' iya e'kwa pe iyesei?” ta'pɥ to' uya.

### *To'panɥ'nin Tuna*

<sup>37</sup> Tɥku'sen weyu u'matɥ esi'pɥ ipan pe, eke pe kuru te'sen pe. Miri' wɥi a'tai, Sises e'soto'kasa' uya ta'pɥ eke pe tɥmaimu tɥku'se, “Inɥ' ri tuna'kiri' ke te'sen nɥyepɥi upiya' tɥyuku epose. <sup>38</sup> Inɥ' uya ri uyapuri pe iyesei a'tai, iye'menukasa' itekare nɥkayai'ne' kasa ri, 'Tnapaino ri to'panɥ'nin tuna epa'ka miri' iyapai,’ ” ta'pɥ iya. <sup>39</sup> Seri ta'pɥ Sises uya miri, A'kwarɥ pi' kamoro tapurinin nan pe te'san nepoton pi'. Miri' a'tai, A'kwarɥ e'tɥsa' pɥra ri mari iyesei'pɥ, apɥne pɥra Sises enasa' pɥra iyesei'pɥ tapuripi'to' ya'.

*Ka'pon Amu' Epantakapitu'pu*

<sup>40</sup> Tu'kan kon ka'pon amu' anpisin koro'tawon kon uya seri ta iya eta'pu, miripan kon uya, “Puseri ri esi seri Pu'kena' pe,”<sup>†</sup> ta'pu to' uya.

<sup>41</sup> Turon kon uya, “Kurai puse ri,” ta'pu.

Miri e'tane turon kon uya, “Kurai uye'to' para ri iyese Kiyarari winipai. <sup>42</sup> Iye'menukasa' itekare uya ta, Kurai e'to' pe iyese kin Tepi' pa ru'pu pe, Pe'teri'en po iyentu, Tepi' uko'mamu'pu ru'pu yau,” ta'pu to' uya. <sup>43</sup> Miri pi' si ka'pon amu' epan-takapitu'pu kuri ri uriya'. <sup>44</sup> Turon kon esi'pu a'si i'se, e'tane inu' uya ri temiyatu turu'pu pen ipi'.

*Apurinin Nan Pen Esuweru Amu' Epuru Ton*

<sup>45</sup> Erasu ton enna'po'pu use'man nito' turawasomanin nan epuru ton miri awonsi'ki Pari'si amu' piya', miripan kon uya ta'pu to' pi', “Tri pi' tane'se para iwesi'pu kon?” ta'pu to' uya.

<sup>46</sup> Miri pi' erasu ton uya, “Inu' ri usauroku para iyese puse ri kasa,” ta'pu to' uya.

<sup>47</sup> “Iyenku'tisa' iya 'nokon kanan na'ki?” ta'pu Pari'si amu' uya to' pi'. <sup>48</sup> “Itepuru tonpa ton ni miri pe para Pari'si amu' tonpa ton ni uya pe' apuri tukai' mi'tuyatuu? <sup>49</sup> Pusamoro uya main, Mosi' winon i'tu para iyese miri; miri wenai, Papa nupa'nuku'san pe to' esi miri,” ta'pu to' uya.

<sup>50</sup> Nekutimas esi'pu to' tonpa pe, wapiya ewarupi nau itisa' ru'pu Sises piya', <sup>51</sup> miripan uya, “Main uya, ‘Ka'pon pi' iri ta para iyese eta tupo para ri miri awonsi'ki inkupu'pu eposa' pen ni e'tane,' tasa,’” ta'pu iya.

<sup>†</sup> **7:40** Pu'kena': apune Isaan 1:21 enki. **7:42** 2 Sanweru 7:12; Mai'ka 5:2 **7:50** Isaan 3:1-2

<sup>52</sup> “Kiyarari pon ni mari pe' imiri? Iye'menukasa' itekare pi' isenupa'; miri a'tai, i'tu auya miri Pu'kena' uye'to' p̄ra ri iyese Kiyarari wini,” ta'p̄u to' uya.

*[Wapiyaro' iwa ton miri awonsi'ki en yawo'nan penaro' ton pari yau Isaan 7:53—8:11 p̄ra iyese.]*

<sup>53</sup> Miri a'tai, tanporon kon utunta'p̄u.

## 8

### *Uri'san Iyekuma Koro'tau Eposa'*

<sup>1</sup> E'tane Sises uti'p̄u Are' W̄p̄u pona. <sup>2</sup> Miri ema'sa' yau awanak̄i' iyenna'po'p̄u Ēsuwer̄u am̄u' use'mato', ip̄remato' iw̄u' p̄'ku ta'. Anp̄isin pe ka'pon am̄u' am̄ara'p̄u iwoi, miripan ereuta'p̄u to' enupase'na. <sup>3</sup> Main pi' enupanin nan miri awonsi'ki Pari'si am̄u' uya uri'san nee'p̄u, iyekuma koro'tau t̄neporo'p̄u kon, miripan soto'ka'p̄u to' uya tu'kan kon annau, <sup>4</sup> miripan kon uya ta'p̄u Sises pi', “Ti'sa, p̄se ri uri'san eposa' ina uya eku-man pi'. <sup>5</sup> Main yau Mosi' uya ina pi' tasa' kamoro waraino kon uri'sami'si am̄u' t̄w̄isan ti' ke, tasa' iya. I'ri ken mukayan?” ta'p̄u to' uya. <sup>6</sup> Seri tukai' to' uya ekama'po'p̄u t̄musunu kon pe eseru'tito' t̄uya'nokon ipikiri pe.

E'tane Sises e'timuika'p̄u, miripan e'sara'ti'p̄u non menuka pi' temiyat̄u ke. <sup>7</sup> Tekama'pop̄it̄u pi' ri to' e'tane, iye'm̄u'sa'kasa' uya ta'p̄u to' pi', “Inu' ri i'koro'tawon kon esi yau imakooi p̄ra, t̄wi si asara'ti'nokon ti' ke iw̄ini pi',” ta'p̄u iya. <sup>8</sup> Miripan e'timuikakaa'p̄u kanan non menukai'.

<sup>9</sup> Miri pi', kamoro etanin nu'san e'sara'ti'pu utipi' ni pi' tikin pa'ne, kiyi' amu' wapiya, Sises riken tnonkai', uri'san niken si e'soto'kasa' miri yau pokon pe. <sup>10</sup> Sises e'ma'sa'ka'pu, miripan uya ekama'po'pu, "Ma'non, nai kamo si? Inu' uya iri ta uya uya iyeno'masa'para ri?" ta'pu iya.

<sup>11</sup> "Itepuru, inu' para ri man," ta'pu iya.

"Uri uya ri niri si iri ta pe iyeno'mato' para man. Enta si, makoi yau iuko'manto' tnonkai'," ta'pu iya.\*

### *Sises Pata Weyu*

<sup>12</sup> Ka'pon amu' auro'kakapu tauya a'tai kanan, Sises uya ta'pu, "Pata weyu pe esi. Inu' ri upikiri tauye'sen uya, uko'man nito' weyu eporo miri, miri awonsi'ki ewarupi yau isato' oton pen ni," ta'pu iya.

<sup>13</sup> Pari'si amu' uya ta'pu ipi', "Miri si iiwano' pe iusekama, makayai'ne' esi miri i'napai ri para ri," ta'pu to' uya.

<sup>14</sup> Sises uya to' eiku'pu, "Uiwano' pe ri si usekama pe iyesi yau, ukayai'ne' nin si esi i'napairi ri, apune para iwini uye'sa' ru'pu miri awonsi'ki utito' ya' i'tu uya. E'tane nai wini uye'sa', nai ya' uti tukai' i'tu auya'nokon para iyesi. <sup>15</sup> Ka'pon pe kuru ri eseru aimenka auya'nokon; inu' eseru aimenka uya para nin man. <sup>16</sup> E'tane inu' ri eseru aimenka uya pe iyesi yau, iyawiri kuru iku'sa' uya miri,

---

\* **8:11** Tu'kan ni imenukapi'sa' miri awonsi'ki pena iwa main enpoikapi'sa' yau seri ton para iyesi; taron ni ton yau iyesi Isaan 21:24 pikiri; taron ni ton yau iyesi Uru' 21:38 pikiri; tikin nan ni imenukasa' yau iyesi Isaan 7:36 pikiri. **8:12** Ipu'ketu 7:26; Ma'siu 5:14; Isaan 9:5 **8:13** Isaan 5:31

apune p̄ra tikin sari esi kasa p̄ra, ik̄ip̄n̄u, uyenno'nin n̄p̄u pokon pe esi. <sup>17</sup> Iiwano' kon ni Main, Mosi' winon yau iye'menukasa', asa'ron kon ka'pon am̄' uya ekama a'tai i'napai ri iyesi tasa'. <sup>18</sup> Uiwano' pe ri si usekama, t̄ron ni uyekamanin kanan esi ik̄ip̄n̄u, uyenno'nin n̄p̄u,” ta'p̄u iya.

<sup>19</sup> Miri a'tai, to' uya ekama'po'p̄u, “Nai k̄ari ken si ik̄ip̄n̄u?” ta'p̄u to' uya.

“Ui'tu auya'nokon p̄ra iyesi, uk̄ip̄n̄u ri niri i'tu auya'nokon p̄ra iyesi. Ui'tu auya'nokon yau, uk̄ip̄n̄u ri niri mi'tut̄ai'no,” tukai' to' eik̄p̄u iya. <sup>20</sup> Seri ta pi' Sises esi'p̄u to' enupai'ma Esuwer̄u am̄' use'mato', ip̄remato' iw̄u' p̄k̄u tau, to' use'mato' en ton pata piyau iwa esii'ma. E'tane in̄' uya a'si'p̄u pen ni, apune p̄ra iweyu e'seposa' p̄ra iyesi pi'.

### *Iuti Kon P̄ra Iyesi Utiyai'ne' Ya'*

<sup>21</sup> Sises uya kanan takaa'p̄u to' pi', “Utito' oton miri. Uwarinpatō' auya'nokon oton, e'tane amakooi kon yau ri auma'tato' oton kon. Iuti kon p̄ra iyesi utiyai'ne' ya',” ta'p̄u iya.

<sup>22</sup> Seri uya Esuwer̄u am̄' usekama'po emapu'ti'p̄u, “Tiwano' pe pe' iye'wini? Miri pi' pe', 'Iuti kon p̄ra iyesi utiyai'ne' ya', ta' iya?” ta'p̄u to' uya.

<sup>23</sup> E'tane miyari ri ta'p̄u iya, “Iyo'non winon pe iwesi kon, itepoino winon pe e'tane. Seri non pon kon pe iwesi kon, seri non pon pe p̄ra e'tane. <sup>24</sup> Auma'tato' oton kon amakooi kon yau ta'p̄u uya,

kuri ri uri, ukayai'ne'† apuri auya'nokon p̄ra iyesi yau, auma'ta kon kuru ri amakooi kon yau,” ta'p̄u iya.

<sup>25</sup> “Inu' pe ken iwesi?” ta'p̄u to' uya ipi'.

“Misi'kiri ri sa'ne kuri ri ukayai'ne' ri,” tukai' Sises uya to' eiku'p̄u. <sup>26</sup> “Eke pe ri tato' uya man iyaseru kon aimenka pe. E'tane uyennon'nin nu'p̄u kuru esi i'napairon pe; kuri ri wini uneta'p̄u nin ekama uya non pon kon pi',” ta'p̄u iya.

<sup>27</sup> To' uya ito'ka'nuku p̄ra iyesi'p̄u tukup̄unu pi' tauro'ka tane iya 'nokon. <sup>28</sup> Miripan pi' Sises uya ta'p̄u, “Ka'pon, Papa winon, anansa' auya'nokon a'tai ka'takai', miri a'tai ui'tuto' auya'nokon oton inu' pe esi tukai', miri awonsi'ki i'ri ri kup̄u uya p̄ra iyesi uiwano' pe, e'tane ikup̄unu uya riken uyenu'p̄u pi' usauroku. <sup>29</sup> Uyennon'nin nu'p̄u ri pokon pe esi; tikin sari unonkasa' iya pen, ap̄ne p̄ra ipori'manin ku'nin pe esi ke,” ta'p̄u iya. <sup>30</sup> Isauro'tane ri mari, tu'kan kon uya ri apurito' t̄auya'nokon t̄aru'p̄u ipi'.

### *Ep̄ra'an Munki Amu'*

<sup>31</sup> Esuweru amu' tapurinin nan pi' ta'p̄u Sises uya, “Iyenu'pato' kon uya pi' auta'sisa' kon yau, upoitoru ton pe kuru ri iwesi kon miri. <sup>32</sup> Miri a'tai i'napairon i'tuto' auya'nokon oton, miripan uya imo'kasa' pe ikup̄u kon miri,” ta'p̄u iya.

<sup>33</sup> To' uya eiku'p̄u, “Ina kamoro Ep̄ra'an payan ton; inu' ri enawon kon ye' pen ni. Nai kasa

---

† 8:24 Kuri ri uri, ukayai'ne'; miri pe p̄ra, Kuri ri uri Esuweru amu' pona, ipan kuru waku Papa ese' pe “Yawe” esi'p̄u; tenpoikasen pe “Uri” tukai'. Isaan namenuka'p̄u itekare yau, “Uri” tawon apurip̄u'p̄u Sises uya kuri ri pe tesi ekamanin pe.

imo'kasa' pe iwe'to' oton kon ta auya?" ta'pɛ to' uya.

<sup>34</sup> Sises uya to' eiku'pɛ, "I'napairon ekama uya ipi'nokon; tanporon kon nɛmakoitayai'ne' nan esi makoi poitorɛ ton pe. <sup>35</sup> Ipoitorɛ pe te'sen esi miri tɛtonpa ton koro'tawon pen ni, e'tane imu riken esi miri, miri yawon tiwiro' e' pe ri. <sup>36</sup> Imu uya imo'kasa' kon pe iyesi yau, imo'kasa' pe kuru ri iwesi kon miri. <sup>37</sup> Epɛra'an payan pe iwesi kon tukai' si'tuyai', miri ri e'tane uwini pi' iye'kamasa' kon, apɛne pɛra umaimu pata pɛra ri iwesi kon wenai ayau'nokon. <sup>38</sup> I'napairon ekama uya ipi'nokon; unene'pɛ ikɛipɛnɛ piyau; ikɛipɛnɛ kon wini ineta'pɛ kon kupɛ auya'nokon ni niri miri," † ta'pɛ iya.

<sup>39</sup> "Epɛra'an kɛri ri ina kɛipɛnɛ," tukai' to' uya eiku'pɛ.

"Epɛra'an munki pe ri rɛ'san pe iwesi kon yau, inkupɛ'pɛ maku'tɛi'no. § <sup>40</sup> Na'ne' ri si, uwini pi' iye'kupɛ kon, ka'pon sa'ne i'napairon ekamanin ni ipi'nokon tɛneta'pɛ Papa winon. Epɛra'an uya maku'atɛi'ne' waraino ku'sa' pɛra ri iyesi. <sup>41</sup> Ikɛipɛnɛ kon nakupɛnɛ ri nin kupɛ auya'nokon miri," ta'pɛ iya.

"Pɛrau amɛ' ton pen ni ina, Papa riken kɛri ri ina kɛipɛnɛ," ta'pɛ to' uya.

### *Makoi Munki Ton*

**8:33** Ma'siu 3:9; Ƴru' 3:8 † **8:38** ikɛipɛnɛ kon wini ineta'pɛ kon kupɛ auya'nokon ni niri miri; miri pe pɛra, miri pe iyesi pi' ikɛipɛnɛ wini ineta'pɛ kon iku'ti'. Apɛne v. 58 enki niri. § **8:39** Epɛra'an munki pe ri rɛ'san pe iwesi kon yau, inkupɛ'pɛ maku'tɛi'no; miri pe pɛra, Epɛra'an munki pe iwesi kon yau, inkupɛ'pɛ iku'ti'.



<sup>42</sup> Sises uya ta'pɛ to' pi', "Papa esi yau ikuipɛnɛ kon pe, ui'nɛnkɛtɛi'no, Papa winipai uye'sa' pi' serɪ ya'. Uiwano' pe uye'sa' pen, e'tane uyenko'sa' iya. <sup>43</sup> I'ri pe iyese pi' sa'man pe ri umaimu esi ipona'nokon? Umaimu inetapai pɛra iwesi kon pi' iyese. <sup>44</sup> Ikuipɛnɛ kon, Makoi munki pe iwesi kon, ikuipɛnɛ kon maimu awiri e'pai iwesi kon. Te'wisen ye' kari ri iyepiya'ti'pɛ si'kiri ri, tɛuta'sisen pen ni i'napairon pi', i'napairon ye' pe pɛra tesi pi'. Kasi pe iyese a'tai, teseru pe ri te'sen kupɛ iya miri, kasi ye' pe tesi pi' miri awonsi'ki kasi ye' ton kuipɛnɛ pe tesi pi'. <sup>45</sup> I'napairon ekama tane uya, uyapuri auya'nokon pɛra iyese. <sup>46</sup> Inɛ' ri uya tɛmakooi ke ui'tu? I'napai ri usaurokɛ pe iyese yau, i'ri pe iyese pi' uyapuripai pɛra iwesi kon? <sup>47</sup> Papa iwano' uya ri, Papa maimu eta miri. Eta auya'nokon pɛra iyese, apɛne pɛra Papa iwano' pe pɛra iwesi kon pi'," ta'pɛ iya.

### *Sises Usekama'pɛ*

<sup>48</sup> Esuwerɛ amɛ' uya eiku'pɛ, "Ina uya pe' ta pɛn Sameriya pon pe iwesi, iri a'kwarɛ yen pe?" ta'pɛ to' uya.

<sup>49</sup> "Iri a'kwarɛ yen pen ni uri," ta'pɛ Sises uya, "ukuipɛnɛ nama uya, e'tane unama auya'nokon pɛra iyese. <sup>50</sup> Uyapuripi'to' warinpa uya pen, e'tane moro iyese miri iwarinpanin; kari ri kari ri eseru aimenkanin. <sup>51</sup> I'napairon ekama uya ipi'nokon; umaimu awiron esi yau, iyeri'to' oton pen ni," ta'pɛ Sises uya.

<sup>52</sup> Miri pi' Esuwerɛ amɛ' uya, "Seri si ina uya i'tu iri a'kwarɛ yen pe iwesi tukai! Epɛra'an eriku'pɛ,

miri awonsi'ki pu'kena' amu' ri niri eriku'pu, miri e'tane si inu' ri esi yau umaimu awiri iyeri'to' oton pen ni ta auya. <sup>53</sup> Eke pe kuru pe' ina kuirunu Epura'an entai iwesi? Iyeriku'pu, miri awonsi'ki pu'kena' amu' ri niri eriku'pu. Inu' pe kuru iye'kupu?" ta'pu to' uya.

<sup>54</sup> Sises uya to' eiku'pu, "Uiwano' pe utapuripitu yau, utapuri pe para ri iyesi. Ukuirunu, ina e'to' itese' pi' mukayatui'ne' uya nin uyapuripitu miri. <sup>55</sup> I'tu tane auya'nokon para ri, i'tu uya nin. I'tunin pen uri ta uya yau, kasi pe esi, akasa'nokon, e'tane i'tu uya, imaimu awiri niri esi. <sup>56</sup> Kuirunu kon, Epura'an esi'pu pori' pe uweyu ento' oton tauya pi'; miripan uya ensa' epori'ma'pu," ta'pu iya.

<sup>57</sup> "50 kaisa ri para ri iwuiyaa man, miri pe' e'tane Epura'an ene'pu auya?" ta'pu Esuweru amu' uya ipi'.

<sup>58</sup> "Inapairon ekama uya ipi'nokon; Epura'an entu rawiri ri, uri esi\*!" ta'pu iya to' pi'. <sup>59</sup> Miri pi', ti' amuku'pu to' uya ipona eno'mapi'to' pe tauya'nokon, e'tane Sises e'so'namu'pu, iti'pu Esuweru amu' use'mato', ipuremato' nono apai.

## 9

### *Tenku'ne Te'sen Ka'pon Epi'ti Sises Uya*

<sup>1</sup> Sises usari koro'tau, tentu'pu si'kiri tenku'ne te'sen ka'pon ene'pu iya. <sup>2</sup> Ipoitoru ton uya

---

\* **8:58** Uri esi—Esuweru amu' pona, ipan kuru waku Papa ese' pe "Yawe" esi'pu; tenpoikasen pe "Uri" tukai'. Isaan namenuka'pu itekare yau, "Uri" tawon apuripitu'pu Sises uya kari ri pe tesi ekamanin pe. "Uri" miri Papa ese' "Yawe" tato' Esuweru amu' uya, ipan kuru waku Papa ta e'kwa pe. Apune Isaan 6:35; 8:24; 9:5; 10:7, 11; 11:25 enki.

ekama'po'pɥ, “Rapai,\* inɥ uya makoi kupɥ'pɥ—  
pɥse ri ka'pon uya pe', isanon uya kati, tenku'ne  
iyentu temapu'tii'?” ta'pɥ to' uya.

<sup>3</sup> Sises uya to' maimu eikɥ'pɥ, “Pɥse ri ka'pon  
e'makoimasa' pɥra iyese, isanon niri, e'tane Papa  
tɥrawasooi usenpoikato' pe iyawiri iye'ku'sa' pe  
iyese. <sup>4</sup> Wɥi nai pata esi koro'tau, uyenko'nin  
nɥ'pɥ tɥrawasooi ku'pai'nokon. Ewarupi naye'an,  
inɥ' ri e'tɥrawasoma weyu pen. <sup>5</sup> Seri non po esi  
koro'tau, uri esi non weyu pe,” ta'pɥ iya.

<sup>6</sup> Seri kasa tɥsaurokɥ'pɥ tɥpo, non pona  
iyeta'ta'pɥ. Tawa koneka'pɥ iya eta' namanka'pɥ  
ke, miripan tɥrɥ'pɥ iya ka'pon enu pona. <sup>7</sup> Ta'pɥ  
iya ipi', “Ekumi'ta, Sairon ku'piri ka',” ta'pɥ iya.  
(Sairon tawon main esi miri Enno'sa' ta e'kwa pe.)  
Miri a'tai, iti'pɥ, iyekumisi'pɥ, iyee'pɥ ennin pe  
tenai'.

<sup>8</sup> Miri a'tai, itonpa ton miri awonsi'ki wapiya  
tenku'ne ennin nɥ'san uya ta'pɥ, “Pɥse ri pen  
pe' tereutai' eta'kwanɥn ni pi' nɥko'manpi'taine'  
pen?” ta'pɥ.

<sup>9</sup> Tɥron kon uya, “Pɥse ri kɥri ri,” ta'pɥ.

Tɥron kon uya, “Kɥri ri kasa ri mari isene,” ta'pɥ.  
E'tane, “Uri ri kɥri,” ta'pɥ iya.

<sup>10</sup> Miri a'tai, “I'ri tukai' iyenu uta'kokasa'?” ta'pɥ  
to' uya ipi'.

<sup>11</sup> To' maimu eikɥ'pɥ iya, “Sises tukai' tesa'sen  
uya tawa koneka'pɥ. Miri tɥpo, uyenu pona  
itɥrɥ'pɥ iya. Ta'pɥ iya upi', ‘Ekumi'ta Sairon ku'piri  
ka'.’ Uti'pɥ ekumi'se'na, miri tɥpo ene'pɥ uya,”  
ta'pɥ iya.

---

\* **9:2** Rapai, Ti'sa ta e'kwa pe      **9:5** Ma'siu 5:14; Isaan 8:12

12 Miri tupo ta'pua to' uya ipi', "Nai kari ken si?"  
 "T' tu uya para iyesei," ta'pua iya to' pi'.

*Pari'si Amu' Uya Tenku'nan Nu'pu  
 Ekama'popitu'pu*

13 Tenku'ne iko'mansa' ru'pu nepu'pu to' uya  
 Pari'si amu' piya'. 14 Sapa' a'tai Sises uya tawa  
 koneka'pu, itenu niri a'koka'pu iya esi'pu. 15 Miri  
 a'tai, Pari'si amu' uya kanan ekama'po'pu nai kasa  
 ennin pe iyenasa' tukai'. Ta'pu iya to' pi', "Tawa  
 nonka'pu iya uyenu pona, ikumisi'pu uya, ennin  
 pe nin si esi seri," ta'pu iya.

16 Miri a'tai, taron kon Pari'si amu' uya ta'pu,  
 "Papa winon pe para puse ri ka'pon esi, apune para  
 Sapa' apuri iya para iyesei," ta'pu to' uya.

"F'ri tukai' i'tuto' ipikiri kupu tamakooikenan ni  
 ka'pon uya?" ta'pu taron kon ka'pon amu' uya,  
 miripan kon epantakapitu'pu. 17 Tenku'nan pi'  
 kanan tera'ti', "F'ri ta auya kari iyenu a'kokanin  
 nu'pu pi'?" ta'pu to' uya.

"Pu'kena' pe iyesei!" ta'pu iya to' pi'.

18 E'tane Pari'si amu' uya apuri'pu pen tenku'ne  
 iyesei'pu tukai', miripan enasa' ennin pe tukai',  
 tenku'nan sanon ki'ma tuuya'nokon pona ri. 19 To'  
 uya to' ekama'po'pu, "Puse ri pe' esi imare kon pe?  
 Tenku'ne iyentusa' ru'pu tato' auya'nokon ipi'? Nai  
 kasa ken si ennin pe iyenasa'?" ta'pu to' uya.

20 Isanon uya to' maimu eiku'pu, "Ina uya i'tu  
 puse ri esi ina mare pe, iyentusa' ru'pu tenku'ne.  
 21 E'tane i'ri tukai' ennin pe iyenasa' tukai' ina uya  
 i'tu para iyesei. Inu' uya itenu a'kokasa' tukai' niri  
 ina uya i'tu para iyesei. Ekama'poti'. Eke pe iyesei;  
 tiwano' pe tausau'ro'sen pe iyesei," ta'pu to' uya.

22 Seri ta'pɥ isanon uya, apɥne pɥra enari'ke' to' esi'pɥ Esuwerɥ amɥ pi', apɥne pɥra Esuwerɥ amɥ e'ku'sa' esi'pɥ inɥ uya ri Kurai† pe Sises esi tukai' ekamasa' a'tai, ipa'kato' pe iyesi usenupan nito' iwɥ tapai tukai'. 23 Miri wenai, “Eke pe iyesi; tiwano' pe tɥusauro'sen pe,” ta'pɥ isanon uya.

24 Iyakon ite'kwa pe tenku'nan nɥ'pɥ ka'pon ki'makaa'pɥ to' uya kanan. Ta'pɥ to' uya ipi', “Papa apuripi'ki;‡ pɥse ri nin i'tu pi' ina man tɥmakooikenan pe,” ta'pɥ to' uya.

25 To' maimu eikɥ'pɥ iya tai'ma, “Tɥmakooi ke iyesi, miri pe pɥra imakooi pɥra iyesi, i'tu uya pɥra iyesi, e'tane tikin nan ni i'tu uya; tenku'ne esi'pɥ, e'tane seri pe ene uya!” ta'pɥ iya.

26 Miri tɥpo kanan to' uya ekama'po'pɥ, “I'ri kupɥ'pɥ iya ipi'? I'ri tukai' iyenu a'koka'pɥ iya?”

27 To' maimu eikɥ'pɥ iya, “Ayauro'kaka'pɥ uya 'nokon, etasa' auya'nokon pɥra iyesi. I'ri pe iyesi pi' inetapai kanan iwesi kon? Ipoitorɥ ton pe niri pe' e'pai iwesi kon?” ta'pɥ iya.

28 Miri tɥpo to' uya ipa'nɥku'pɥ, “Imiri esi miri ipoitorɥ pe! Ina nin Mosi' poitorɥ ton,” tai'ma.

29 “Papa uya Mosi' auro'ka'pɥ tukai' ina uya i'tu, e'tane nai wini kɥri ri uye'sa' tukai' ina uya i'tu pɥra iyesi,” ta'pɥ to' uya.

30 Ka'pon uya to' maimu eikɥ'pɥ, “I'ri pan si ti'tupi'sen pen ni! Nai wini iye'sa' tukai' i'tu auya'nokon pɥra iyesi, e'tane uyenu ton a'koka'pɥ

† 9:22 Kurai (Kiri' maimu yau), miri pe pɥra Me'saya (Ipuru maimu yau), asa'ri ri mari iyesi, Papa Nanamɥna ta e'kwa pe.

‡ 9:24 Papa apuripi'ki; miri pe pɥra, Papa pi' Tenki ka'ki. Seri seri e'se'ne' pe ta'pɥ to' uya rɥ'pɥ ipi' i'napai ri isauro'to' pe. Apɥne Isa'suwa 7:19 enki.

iya. <sup>31</sup> Papa uya tumakooikena' nan eta para iyese, tukai' i'tu'nokon, e'tane Papa uya tasa' kasa te'sen, iteseru niri kupu'ima eta iya. <sup>32</sup> Non e'sara'ti'pu si'kiri, isetasa' para iyese inu' uya ri tenku'ne iyentusa' ru'pu enu a'kokasa' tawon. <sup>33</sup> Papa winon pe para puse ri ka'pon uye'sa' a'tai, i'ri kupu iya pen," ta'pu iya.

<sup>34</sup> To' uya imaimu eiku'pu tai'ma ipi', "Makoi yau iyentu'pu! Nai kasa ru'kwu ina enupa i'se iwesi!" ta'pu to' uya. Miri tupo, to' uya enpa'ka'pu usenupan nito' iwu' tapai.

### *Iya'kwaru Yau Tenku'ne E'ni*

<sup>35</sup> Sises uya to' uya enpa'ka'pu eta'pu. Eposa' tuuya a'tai, ta'pu iya ipi', "Ka'pon, Papa winon pe' mapuriyan?" ta'pu iya.

<sup>36</sup> Imaimu eiku'pu iya, "Itepuru, inu' pe iyese?" tukai', ekama'po'pu iya. "Ekamaki, apurinin pe e'to' pe," ta'pu iya.

<sup>37</sup> Sises uya, "Ensa' auya miri; kuru ri ipokon pe masauro'ai'ne'," ta'pu.

<sup>38</sup> Ta'pu iya, "Uyepuru, ayapuri uya," tai'ma iyepurema'pu ipi'.

<sup>39</sup> Sises uya ta'pu, "Eseru aimenkato' wenai seri non pona uye'sa' kamoro tenku'ne te'san uya ento' pe, miri awonsi'ki kamoro ennin nan enato' pe tenku'ne," ta'pu iya.

<sup>40</sup> Pari'si amu' iya'kiri te'san kon uya seri ta iya eta'pu. Ta'pu to' uya ipi', "I'ri? Tenku'ne niri ina esi?" ta'pu to' uya.

<sup>41</sup> Sises uya ta'pu to' pi', "Tenku'ne iwesi kon yau, imakooi para iwesi kon, e'tane ennin pe iye'kupu kon pi', amakooi kon yau ri iwesi kon.

# 10

## *Karimeru Pa'simanin Miri Awonsi'ki Itikun Non*

<sup>1</sup> “T'napai ri ta uya ipi'nokon; kari ri mura'ta awiri para tewonsen karimeru amu' iwu' ta' e'tane taron ni wini tewonsen esi miri ama' e', rapumanin ni. <sup>2</sup> E'tane kari ri mura'ta awiri tewonsen esi miri karimeru amu' esa' pe. <sup>3</sup> Itena' mura'ta tarawasomanin uya mura'ta a'koka, karimeru amu' uya imaimu eta. To' ese' ton yai karimeru amu' ki'ma iya, miripan kon pa'ka iya. <sup>4</sup> Tikun non karimeru amu' pa'kasa' iya a'tai, to' wapiya iti, karimeru amu' uya niri e'ma'puka, imaimu i'tu to' uya wenai. <sup>5</sup> Ka'kuran e'ma'puka to' uya para iyese, e'tane to' apuramu ipiyapai, apune para ka'kuran maimu i'tu to' uya para iyese.” <sup>6</sup> Sises uya seri panton ekama'pu, e'tane to' uya ito'ka'nuku para iyese'pu i'ri ton pi' isauroku tukai'.

<sup>7</sup> Miri tapo, Sises uya kanan ta'pu to' pi', “T'napairon ekama uya ipi'nokon; uri esi karimeru amu' mura'taai pe. <sup>8</sup> Tanporo kamoro wapiya iye'sa' kon esi ama' e' ton, rapumanin nan pe niri, e'tane karimeru amu' uya to' maimu eta para iyese'pu. <sup>9</sup> Uri esi mura'ta pe, uri poro inu' ri ewomu a'tai, iyepika'ti. Iyewomu, miri awonsi'ki iyepa'ka niri ti'kiyari pata'se' epose'na. <sup>10</sup> Ama' e' uyepu ama'mase'na riken, miri awonsi'ki iwise'na, miri awonsi'ki ima'tanu'se'na. Uri uye'sa' uko'man nito' epoto' pe to' uya, eke pe kuru niri to' uya epoto' pe.

<sup>11</sup> “Uri esi waku karimeru amu' pa'simanin. Waku karimeru pa'simanin pe te'sen uya tuko'manto' nonka karimeru amu' iwano' pe.

<sup>12</sup> E'tane k<sub>uri</sub> r<sub>i</sub> te'masen pe iye'to' pe ekama'posa', karimeru am<sub>u</sub>' esa' pen, karimeru am<sub>u</sub>' esi itik<sub>un</sub> non pe p<sub>ura</sub>. Ene kaikusi uyep<sub>u</sub> ene iya a'tai, karimeru am<sub>u</sub>' n<sub>imi</sub> iya. Iyain<sub>u</sub>m<sub>u</sub>, ene kaikusi uya to' a'si, karimeru am<sub>u</sub>' n<sub>iri</sub> e't<sub>ur</sub>u'kwa.

<sup>13</sup> Ka'pon ain<sub>u</sub>m<sub>u</sub>, ap<sub>u</sub>ne p<sub>ura</sub> te'masen pe iye'to' pe ekama'posa' pe tesi ke, aiko tawon pe p<sub>ura</sub> iyesi karimeru am<sub>u</sub>' p<sub>i</sub>'.

<sup>14</sup> “U<sub>ri</sub> esi wak<sub>u</sub> karimeru am<sub>u</sub>' pa'simanin. Uik<sub>un</sub> non karimeru am<sub>u</sub>' i'tu uya; to' uya n<sub>iri</sub> ui'tu—<sup>15</sup> uk<sub>u</sub>ip<sub>u</sub>n<sub>u</sub> uya ui'tu na'ne' kasa, m<sub>iri</sub> kasa uk<sub>u</sub>ip<sub>u</sub>n<sub>u</sub> i'tu uya—m<sub>iri</sub> awonsi'ki uko'manto' nonka uya karimeru am<sub>u</sub>' iwano' pe. <sup>16</sup> Moro t<sub>u</sub>ron kon karimeru am<sub>u</sub>' esi m<sub>iri</sub>, ser<sub>i</sub> yau p<sub>ura</sub> r<sub>i</sub> mar<sub>i</sub>. Kamoro n<sub>iri</sub> nep<sub>u</sub> uya. To' uya n<sub>iri</sub> umaimu eta, m<sub>iri</sub> awonsi'ki tikin n<sub>i</sub> iten to' esi,\* tikin n<sub>i</sub> n<sub>iri</sub> to' pa'simanin esi. <sup>17</sup> Uk<sub>u</sub>ip<sub>u</sub>n<sub>u</sub> uya ui'n<sub>u</sub>nka, ap<sub>u</sub>ne p<sub>ura</sub> uko'manto' nonkasa' uya p<sub>i</sub>', an<sub>u</sub>nka'to' pe uya kanan. <sup>18</sup> In<sub>u</sub>' r<sub>i</sub> uya imo'ka p<sub>ura</sub> iyesi upiyapai, e'tane ur<sub>i</sub> pe r<sub>i</sub> inonkasa' uya. Inonkato' merunti esi upiyau, an<sub>u</sub>nka'to' uya r<sub>i</sub> kanan. Ser<sub>i</sub> uyapiyo'mato' eposa' uya uk<sub>u</sub>ip<sub>u</sub>n<sub>u</sub> wini,” ta'p<sub>u</sub> iya.

<sup>19</sup> Ser<sub>i</sub> ton main p<sub>i</sub>kiri, Esuwer<sub>u</sub> am<sub>u</sub>' kanan epantakapit<sub>u</sub>'p<sub>u</sub>. <sup>20</sup> Tu'kan kon uya, “Makoi esi ipiyau, iya'kwar<sub>u</sub> p<sub>ura</sub> iyesi. F<sub>r</sub>i pe iyesi p<sub>i</sub>' imaimu eta auya'nokon?” ta'p<sub>u</sub>.

<sup>21</sup> T<sub>u</sub>ron kon uya ta'p<sub>u</sub>, “Makoi esa' maimu ton pen n<sub>i</sub> ser<sub>i</sub>. Makoi uya pe' tenku'nan enu a'koka poken nai?” ta'p<sub>u</sub> to' uya.

---

**10:15** Ma'siu 11:27; F<sub>ru</sub>' 10:22 \* **10:16** to' esi; m<sub>iri</sub> pe p<sub>ura</sub>, to' enato' oton



### *Esuweru Amu' Apurinin Nan Pen*

<sup>22</sup> Esuweru amu' use'mato', ipremato' iwu' uta'koka'pu Weyu Ru'pu e'seporo'pu Surusiran po. Ikomi' pe pata esi weyu pe iyese'pu. <sup>23</sup> Sises usari koro'tau Esuweru amu' use'mato', ipremato' iwu' pu'ku tau, Saraman Epa'kato' Iya' tawiri, <sup>24</sup> miri a'tai, Esuweru amu' uyee'pu iwoi. Ta'pu to' uya ipi', "I'ri pu'ku pona ina ko'manuku auya usenu-minkan pi'? Kurai† pe iwesi a'tai, waku pe ina pi' isekamaki," ta'pu to' uya.

<sup>25</sup> Sises uya to' maimu eiku'pu, "Ayauro'kaka'pu uya 'nokon, e'tane apuri auya'nokon para iyese. Seri eke tarawaso siku'ai'ne' ukupunu ese' yau usauroku uiwano' pe. <sup>26</sup> E'tane apuri auya'nokon para iyese, apune para uikan non karimeru amu' tonpa pe para iwesi kon. <sup>27</sup> Uikan non karimeru amu' uya umaimu eta; to' i'tu uya, to' uya niri uye'ma'puka. <sup>28</sup> Tiwiri ri uko'man nito' ike ke to' repa uya, to' uma'tato' oton pen ni; inu' uya to' mo'kato' oton pen uyemiyatu apai. <sup>29</sup> Ukupunu urepanin nu'pu kamoro ke esi eke pe tanporon kon entai ri.‡ Inu' uya ri to' mo'ka para iyese ukupunu piyapai. <sup>30</sup> Iku'pu ya' tikin ni ina esi," ta'pu iya.

<sup>31</sup> Miri tupo, Esuweru amu' uya ti' ton amuku'pu iwito' pe tauya'nokon, <sup>32</sup> e'tane Sises uya ta'pu to' pi', "Iku'pu winon tu'kan ni eke tarawaso

---

**10:22** 1 Ma'kapis 4:36 † **10:24** Kurai (Kiri' maimu yau), miri pe para Me'saya (Ipuru maimu yau), asa'ri ri mari iyese, Papa Nanamunu ta e'kwa pe. ‡ **10:29** Wapiyaro' ton imenukasa' ton yau Ukupunu narepa'pu ike esi tanporo entaino pe, tawon esi.

enpoika'pꞤ uya iyena'nokon. Nai wenai kuru ti' ke uwini i'se iwesi kon?" ta'pꞤ iya.

<sup>33</sup> EsuwerꞤ amꞤ' uya imaimu eiku'pꞤ, "Seri ton wenai ti' ke iwini i'se ina esi pen, e'tane isapema auya wenai. Ka'pon pe ri esii'ma Papa pe iye'kupꞤ," ta'pꞤ to' uya.

<sup>34</sup> Sises uya to' maimu eiku'pꞤ, "Iye'menukasa' pꞤra pe' nai Main yau, 'Ta uya ipi'nokon papa pe'ne iwesi kon,'Œ tawon? <sup>35</sup> Papa pe'ne to' esa'sa' iya yau, Papa maimu uyee'pꞤ na'ne' ipiya' ton, Papa Maimu i'kwitꞤ poken pꞤra niri iyese. <sup>36</sup> I'ri pe ken si kari nai, ikupꞤnꞤ nanꞤmꞤ'pꞤ tiwano' pe kuru, miripan enno'sa' iya ora pona? I'rito' pe ken iri pe isapema pe tꞤsauro'sen ta auya'nokon, 'Papa Mumu uri,' ta uya pi'? <sup>37</sup> Uri kusapuritꞤ, ukupꞤnꞤ tꞤrawasooi ku'tane uya pꞤra ri. <sup>38</sup> E'tane ikupꞤ uya a'tai, uyapuri auya'nokon pꞤra iye'tane, eke tꞤrawaso amꞤ' kupꞤ uya apuriti', i'tu kon pa apuri kon pa niri ukupꞤnꞤ esi uyau, uri niri esi iyau tukai'." <sup>39</sup> Miri wenai kanan a'si i'se to' esi'pꞤ, e'tane to' enapai iyemo'ka'pꞤ.

<sup>40</sup> Iti'pꞤ Isotan ratoi pona, Isaan uya epa'taisiman kupꞤ'pꞤ pena iwa'ne pata piya'. Miri yau, iko'mamꞤ'pꞤ. <sup>41</sup> Tu'kan kon ka'pon amꞤ' uyee'pꞤ ipiya'. Ta'pꞤ to' uya, "Isaan uya i'tuto' ipikiri kupꞤ'pꞤ pen, e'tane tanporon Isaan usauroku'pꞤ pꞤse pi' esi i'napai ri," ta'pꞤ to' uya. <sup>42</sup> Tu'kan kon uya Sises maimu apuri'pꞤ miri yau.

## 11

*Urasaras Eri'to'*

1 Moro takuru'kenan ka'pon esi'p<sub>u</sub> Urasaras itese', Pe'tani eke iwa pata pon, Meri miri awonsi'ki Mata pata'se'. 2 P<sub>u</sub>se ri Meri, ipi na'ne' esi'p<sub>u</sub> takuru'ke, k<sub>u</sub>ri ri esi'p<sub>u</sub> Sises karapaimanin n<sub>u</sub>'p<sub>u</sub>, i'ta niri a'munakanin n<sub>u</sub>'p<sub>u</sub> t<sub>u</sub>nse' ke. 3 Miri a'tai, ipasi ton uya iki'mai' t<sub>u</sub>maimu kon ennoko'p<sub>u</sub>, “Itepuru, ipan pe ini'n<sub>u</sub>nkan<sub>u</sub> man takuru'ke,” tukai'.

4 Sises uya miri etasa' a'tai, ta'p<sub>u</sub> iya, “Seri paran uya eri'n<sub>u</sub>'ka pen ni, e'tane Papa meruntir<sub>u</sub> usen-poikato' pe, Papa Mumu apurito' pe ipikiri iyesei,” ta'p<sub>u</sub> iya. 5 Sises uya Mata, itakon, miri awonsi'ki Urasaras i'n<sub>u</sub>nka esi'p<sub>u</sub>. 6 Takuru'ke iyesei tukai' etasa' t<sub>u</sub>uya a'tai, asa'ri w<sub>u</sub>i iko'mam<sub>u</sub>'p<sub>u</sub> t<sub>u</sub>si'p<sub>u</sub> yau ri.

7 Miri t<sub>u</sub>po, t<sub>u</sub>poitor<sub>u</sub> ton pi', “Isutiya pona kanan utinpai'nokon,” ta'p<sub>u</sub> iya.

8 Ipoitor<sub>u</sub> ton uya ta'p<sub>u</sub> ipi', “Rapai,\* pena kuru p<sub>u</sub>ra ri Esuwer<sub>u</sub> am<sub>u</sub>' esi'p<sub>u</sub> iwini i'se ti' ke. Miri pe' e'tane miri ya' iutikap<sub>u</sub> kanan?” ta'p<sub>u</sub> to' uya.

9 Sises uya to' maimu eik<sub>u</sub>'p<sub>u</sub>, “12 kaisa ri w<sub>u</sub>i yau pata weyu p<sub>u</sub>ra pe' nai? In<sub>u</sub>' usari a'tai w<sub>u</sub>i nai ita'mo'ka pen, ap<sub>u</sub>ne p<sub>u</sub>ra a'kwa pe non esi wenai. 10 E'tane ewarupi yau ka'pon usari a'tai, ita'mo'ka, ap<sub>u</sub>ne p<sub>u</sub>ra a'kwa pe p<sub>u</sub>ra iyesei ke,” ta'p<sub>u</sub> iya.

11 Seri ton ta t<sub>u</sub>po, ta'p<sub>u</sub> iya to' pi', “Utonpa kon Urasaras e'n<sub>u</sub>m<sub>u</sub>, e'tane uti enpakase'na iye'n<sub>u</sub>nto' apai,” ta'p<sub>u</sub> iya.

12 Miri t<sub>u</sub>po ipoitor<sub>u</sub> ton uya ta'p<sub>u</sub>, “Itepuru, iye'n<sub>u</sub>nsa' pe iyesei yau, ito'pam<sub>u</sub> ri miri,” ta'p<sub>u</sub> to'

11:1 Uru' 10:38-39

11:2 Isaan 12:3

\* 11:8 Rapai, Ti'sa ta

e'kwa pe

uya. <sup>13</sup> Sises usaurok<sub>u</sub> esi'p<sub>u</sub> iyeri'sa' pi', e'tane iye'n<sub>u</sub>m<sub>u</sub> pi' isaurok<sub>u</sub> pe to' uya ekama'p<sub>u</sub>.

<sup>14</sup> Miri a'tai nin si to' pana'tikaa'p<sub>u</sub> iya miri wak<sub>u</sub> pe, “Urasaras eri'sa' kuru ri miri, tukai'. <sup>15</sup> Pori' pe e'ai', imiri'nokon pi', miri yau e'sa' p<sub>u</sub>ra iyese pi', apuri kon pa. E'tane p<sub>u</sub>ra utinpai'nokon ipiya,” ta'p<sub>u</sub> iya.

<sup>16</sup> Miri t<sub>u</sub>po, Tamas (Titimas tukai' tesa'sen) uya ta'p<sub>u</sub> t<sub>u</sub>tonpa ton, ipoitor<sub>u</sub> ton pi', “Utinpai'nokon ni niri uma'tan nito' pe ipokon pe,” ta'p<sub>u</sub> iya.

*Sises Uya Urasaras Pasi R<sub>u</sub>'san A'kwar<sub>u</sub> Ne'pitu'p<sub>u</sub>*

<sup>17</sup> Sises uye'sa' a'tai, asakiri'ne wai uruwai' yau iko'manka'sa' eporo'p<sub>u</sub> iya. <sup>18</sup> Pe'tani esi'p<sub>u</sub> inni p<sub>u</sub>ra Surusiran piyapai, 2 mayir<sub>u</sub> e'to' airi ri.† <sup>19</sup> Miri a'tai, tu'kan kon Esuwer<sub>u</sub> am<sub>u</sub>' uyee'p<sub>u</sub> Meri miri awonsi'ki Mata pokon a'kwar<sub>u</sub> ne'pi'se'na to' pi pata'p<sub>u</sub> yau. <sup>20</sup> Mata uya Sises uyep<sub>u</sub> eta pe ri, iti'p<sub>u</sub> ite'matai, e'tane Meri esi'p<sub>u</sub> iuti tau moro ri. <sup>21</sup> Miri a'tai, Mata uya ta'p<sub>u</sub> Sises pi', “Itepuru, seri yau iwesi yau, upi n<sub>u</sub>ma'tai'no pen. <sup>22</sup> E'tane i'tu uya i'ri ri ekama'po auya a'tai Papa pi', Papa uya irepa,” ta'p<sub>u</sub> iya.

<sup>23</sup> Sises uya ta'p<sub>u</sub> ipi', “Ipi kanan e'm<sub>u</sub>'sa'kato' oton,” ta'p<sub>u</sub> iya.

<sup>24</sup> Mata uya imaimu eik<sub>u</sub>'p<sub>u</sub>, “Si'tuyai' iye'm<sub>u</sub>'sa'kato' oton kanan e'm<sub>u</sub>'sa'kan weyu a'tai, pata weyu u'ma'sa' a'tai,” ta'p<sub>u</sub> iya.

<sup>25</sup> Sises uya ta'p<sub>u</sub> ipi', “Uri esi i'm<sub>u</sub>'sa'kanin pe, uko'man nito' ku'nin pe ri niri esi. Uri yau apurinin esi a'tai, iyeri'sa' pe ri iye'tane, iko'manto' oton ni.

† **11:18** 2 mayir<sub>u</sub> e'to' airi—15 stetiya Kiri' maimu yau (3 kilometers e'to' airi).

26 Inu' ri tũuko'mansen uyapuri pi' uma'tato' oton pen. Seri pe' mapuriyan?" ta'pu iya ipi'.

27 "Ewai', uyepuru, sapuriyai' Kũrai† pe iwesi, Papa Mumu pe tũuye'ton seri non pona, tasa' ru'pu," ta'pu iya.

28 Seri ta tũuya tũpo, iti'pu ama'ai takon ki'mase'na. "Ti'sa uye'sa' man, iki'ma iya," ta'pu iya. 29 Miri eta tũuya pe ri, iye'mũ'sa'ka'pu, iyee'pu inke pũra ipiya'. 30 Sises uye'sa' pũra ri mari iyesi'pu eke iwa pata pona, e'tane Mata uya teporo'pu yau ri mari iyesi'pu. 31 Esuwerũ amũ' Meri piyau iye'sa' kon iuti tau iya'kwarũ nepũ pi' uya iye'mũ'sa'ka' ensa' inke pũra, miripan epa'ka a'tai, to' uya e'ma'pũka'pu, tũuta'kwarũkai' akaranse ti' akasa' uruwai' pe ya' iti pe tekamai'. 32 Meri uya Sises pata eposa' a'tai, ensa' tũuya a'tai, i'ta piyau ita'mo'ka'pu, "Itepuru, seri yau iwe'sa' yau, upi nũma'tai'no pen ni," tai'ma.

33 Ikaramũ ensa' tũuya a'tai, miri awonsi'ki Esuwerũ amũ' niri iya'kiri iye'sa' kon ukaramũ, ipan pe ipokoita'pu tewan temo'kai'. 34 "Nai yau inonkasa' auya'nokon?" ta'pu iya to' pi'.

"Itepuru, entanũ'ki," ta'pu to' uya.

35 Sises ukaramũ'pu.

36 Esuwerũ amũ' uya, "Ipan pe i'nũnka iya!" ta'pu.

37 E'tane tũron kon uya, "Tenku'nan enu a'kokanin nũ'pu uya ri pe' pũse ri ka'pon erikũ namai' ikupu pũra iyesi'pu?" ta'pu.

### *Sises Uya Ūrasaras Eri'sa' I'mũ'sa'ka*

---

† 11:27 Kũrai (Kiri' maimu), miri pe pũra Me'saya (Ipuru maimu), Papa Nanũmũ'pu ta e'kwa pe.

<sup>38</sup> Pokoi pe kuru ri mari esii'ma, Sises uti'p<sub>u</sub> uruwai' piya'. Ti' euta pe iyessi'p<sub>u</sub> eke ti' t<sub>u</sub>sa' im<sub>u</sub>ra'taai po. <sup>39</sup> "Ti' amati'," ta'p<sub>u</sub> iya.

E'tane Mata, eke' pasi uya, "Uyepuru, iki pe ikitaka'sa' seri, asakiri'ne w<sub>u</sub>i iko'manka'sa' miri yau," ta'p<sub>u</sub> iya.

<sup>40</sup> Miri a'tai, Sises uya, "Apuri auya yau, Papa meruntir<sub>u</sub> ene auya tukai' pe' apana'ti uya p<sub>u</sub>n?" ta'p<sub>u</sub>.

<sup>41</sup> Miripan kon uya ti' ama'p<sub>u</sub>. Miri a'tai, kak<sub>u</sub>i' tenu t<sub>u</sub>t<sub>u</sub>se Sises uya ta'p<sub>u</sub>, "Papai, tenki ukayai' umaimu etasa' auya pi'. <sup>42</sup> I'tu uya umaimu etanin pe ri iwesi tiwiri ri, e'tane ta uya ri nin p<sub>u</sub>samoro iye'soto'pi'sa' kon na'ne' uya ri nin apurito' pe uy<sub>u</sub>enno'sa' auya tukai'," ta'p<sub>u</sub> iya.

<sup>43</sup> Seri ta t<sub>u</sub>po, eke pe iki'pi'n<sub>u</sub>m<sub>u</sub>'p<sub>u</sub>, "Urasaras, epa'ka'!" tukai'. <sup>44</sup> Iyeri'sa' r<sub>u</sub>'p<sub>u</sub> epa'ka'p<sub>u</sub>, au-ronpi'sa' pe itemiyat<sub>u</sub> ton i'ta ton, pon saai'pi'sa' kusan ton pe epe'kena' pon renen tato' at<sub>u</sub> ke, miri awonsi'ki pon at<sub>u</sub> item<sub>u</sub> woi.

Sises uya, "Iponkati' uruwai' pon apai, tiwi itito' pe," ta'p<sub>u</sub> to' pi'.

### *Sises Wini Pi' To' E'kama*

*(Ma'siu 26:1-5; Ma' 14:1-2; Uru' 22:1-2)*

<sup>45</sup> Miri pi' si tu'kan kon ka'pon am<sub>u</sub>' Meri piya' iye'sa' kon, Sises n<sub>u</sub>kup<sub>u</sub>n<sub>u</sub> ennin n<sub>u</sub>'san uya apuri'p<sub>u</sub>. <sup>46</sup> E'tane t<sub>u</sub>ron kon uti'p<sub>u</sub> Pari'si am<sub>u</sub>' piya' Sises n<sub>u</sub>kup<sub>u</sub>'p<sub>u</sub> ekamai' to' pana ya'. <sup>47</sup> Miri a'tai, use'man nito' t<sub>u</sub>rawasomanin nan epuru ton eke ton kuru miri awonsi'ki Pari'si am<sub>u</sub>' uya t<sub>u</sub>kons<sub>u</sub>r<sub>u</sub>ni kon mitimu kup<sub>u</sub>'p<sub>u</sub>.

“I’ri kupu’nokon nai?” ta’pu to’ uya. “Puse ri ka’pon uya tu’ke ri eke Papa tarawasooi i’tuto’ ipikiri kupu. <sup>48</sup> Seri ku’tane iya enpi’sa’ yau, tanporon kon uya ri apuri, miri awonsi’ki Roman amu’ uya use’man nito’, ipureman nito’ iwu’ miri awonsi’ki upata kon mo’ka miri,” ta’pu to’ uya.

<sup>49</sup> Miri a’tai, to’ tonpa, Kaya’pas itese’, use’man nito’ tarawasomanin nan epuru pe te’sen miri wai’piya yau, usauroku’pu, “Ini’tunu kon para ri iyesi miri! <sup>50</sup> Ito’ka’naku’ auya’nokon para iyesi waku iwa pe iyesi ipona’nokon tikin ni ka’pon eri’to’ pe ka’pon amu’ iwano’ pe, tanporon kon ka’pon amu’ ekota’ma entai,” ta’pu iya.

<sup>51</sup> Tumiri pe seri ta’pu iya pen ni, e’tane use’man nito’ tarawasomanin nan epuru pe ri nin tesi pi’ miri wai’piya yau, Sises eri’to’ oton ni nin ekama’pu iya ka’pon amu’ iwano’ pe. <sup>52</sup> Kamoro iwano’ pe riken pen e’tane iye’ta’nu’sa’ kon Papa munki amu’ iwano’ pe ri niri, to’ amuranu’nin pe tikin ni to’ tukonekai’. <sup>53</sup> Miri pi’ nin si, iwini pi’ to’ e’kama’pu miri, miri wai awonsi’ki.

<sup>54</sup> Miri wenai, Sises si usari para iyesi’pu miri Esuweru amu’ annawiri. E’tane ru’ku iyemo’ka’pu rimonota nono winikai’, eke iwa pata E’paren tato’ ya’, miri yau iyesi’pu tapoitoru ton pokon pe.

<sup>55</sup> Esuweru Amu’ Epoi Iti’pu Weyu Ru’pu e’sepokapu ri a’tai, tu’kan kon ni uti’pu miri pata yapai Surusiran pona, ekorukase’na miri Weyu wapiya. <sup>56</sup> Sises ene i’se to’ esi’pu, use’man nito’, ipureman nito’ iwu’ airi te’soto’pi’se’ to’ usekama’popitu’pu, “I’ri tukai’ mi’tuyatu? Iyepu pen ni pe’ seri Weyu Ru’pu pi’?” ta’pu to’ uya.

<sup>57</sup> Use’man nito’ tarawasomanin nan epuru ton

miri awonsi'ki Pari'si amu' uya tasa' esi'pu, inu' uya ri Sises esi miri yau tukai' i'tusa' yau, ekamoto' pe iya, a'sito' pe tauya'nokon.

## 12

### *Sises Ekarapaima Pe'tani Po* (Ma'siu 26:6-13; Ma' 14:3-9)

<sup>1</sup> 6 kaisa ri wai To' Epoi Iti'pu Weyu Ru'pu rawiri, Sises uti'pu Pe'tani pona, Urasaras, Sises nu'mu'sa'ka'pu iyeriku'pu apai pata'se' ya'.

<sup>2</sup> Iyenta'nato' koneka'pu to' uya miri yau, Mata esi'pu ekamu pi', Urasaras e'tane Sises piyawon kon tateire' kon po tepuru piyau te'san koro'tau. <sup>3</sup> Miri a'tai, Meri uya ten yau ri esukenan natu, epe'kena' po'piyun nee'pu, miripan ma'pu iya Sises pata pona, ikuka'pu iya tanse' ke, miripan po'piyun kitun uya a'po'ne iuti ki'nunpasa' esi'pu.

<sup>4</sup> E'tane Sises poitoru ton tonpa, Isutas Eskariya', eparanka ton si pona ipoken pura iyese'pu, <sup>5</sup> miripan uya, "Iri pe iyese pi' seri po'piyun karupo'pomasa' pura ri iyese, itepe'pu ke entu'manin nan repato' pe? Tikin ni wai piya yau e'turawasoman nisa' epe'pu e'to' airi ri iyese miri,\*" ta'pu iya. <sup>6</sup> Aiko tawon pe tesi pi' entu'manin nan pi' seri ta'pu iya pen ni, e'tane ama' e' pe tesi pi'. Purata paikii esa' pe tesi koro'tau, iyawon enno'nin pe iye'pitu'pu i'se te'to' pi'.

<sup>7</sup> "Tiwi nesii," ta'pu Sises uya. "Inenkurunpa'pu miri po'piyun uwu'na'ti weyu iwano' pe, tasa' iya

---

**12:3** Uru' 7:37-38

\* **12:5** Tikin ni wai piya yau iye'turawasomasa' epe'pu; miri pe pura, 300 kaisaron purata pun, tenariyas itese'. Tikin nan purata pun esi isenupasa' pen nu'kwi e'mato' ike.



ru'pu. <sup>8</sup> Inke ri i'koro'tau'nokon te'san kamoro entu'manin nan, e'tane inke ipiyau'nokon esi pen nin,” ta'pu iya.

<sup>9</sup> Miri koro'tau anpisin ton kuru ri Esuweru amu' uya etasa' esi'pu miri yau Sises esi tukai', miripan kon uyee'pu, kari ri pikiri riken pen e'tane Urasaras ri niri ense'na, ini'mu'sa'ka'pu iyeriku'pu yapai.

<sup>10</sup> Miri pi' nin si use'man nito' tarawasomanin nan epuru ton e'kama'pu Urasaras ri niri wini pi', <sup>11</sup> kari ri uriya' tu'kan kon ni Esuweru amu' uya tunonka kon pi' Sises piya' tautito' kon pe miri awonsi'ki to' uya ri apuri pi'.

*Sises Epa'ka'pu Surusiran Pona*

*(Ma'siu 21:1-11; Ma' 11:1-11; Uru' 19:28-40)*

<sup>12</sup> Miri ema'sa' yau, anpisin ton kuru ri iye'sa' kon nu'san Iweyu Ru'pu pi' uya Surusiran pona Sises uti etasa' esi'pu. <sup>13</sup> Miripan kon uti'pu ite'matai patawa ye' apimu ton itenau'ne, iki'pi'nunpitai'ma,

“Usana!”†

“Pori' pe kari esi miri Itepuru ese' yau nu'ye'ai'ne!”‡

“Pori' kari ri kin Esuweru amu' epuru!” ta'pu to' uya.

<sup>14</sup> Sises uya isa'ka'si mare eporo'pu, miripan ereuta'pu ipo, iye'menukasa' itekare uya ta awiri ri,

<sup>15</sup> “Kenari'namuai, Sayan ensi ru'kwii; enki, iyepuru, kin uye'ni pi' man,

---

**12:8** Isu'taronomi 15:11 † **12:13** Usana! Ipuru amu' maimu, Pika'ti'! ta e'kwa iyenasa' apuripi'nito' yai pe. ‡ **12:13** Eren 118:25-26

iyereutasa' isa'ka'si mure po,”§  
tawon.

<sup>16</sup> Miri a'tai, ipoitoru ton uya tanporo seri ton to'ka'nuku'pu pen. Sises ri nin enasa' tapuripi'to' ya' tupo—iyeri'sa' ru'pu, e'mu'sa'kasa' tupo ri nin—to' uya i'tu'pu seri ton e'menukasa' esi'pu ipi', seri ton ni kenu' si ku'sa' to' uya esi'pu itiwanu' pe.

<sup>17</sup> Anpisin ton si iya'kiri iye'sa' kon nu'san ni esi'pu ekama pi' Urasaras ki'ma'pu iya uruwai' apai, iyeri'sa' apai i'mu'sa'ka'pu iya ri ekama pi'.

<sup>18</sup> Tu'kan kon ni uti'pu seri eke Papa turawasooi i'tuto' ipikiri e'ku'sa' tetai' ite'matai. <sup>19</sup> Miri pi' si Pari'si amu' uya ta'pu miri tutonpa kon pi', “Menyatuu, i'ri kupu poken para ri iyese. Enti', tanporo pata yawon kon uti ipikiri!” ta'pu to' uya.

### *Sises Uya Tuma'tato' Ekama'pu*

<sup>20</sup> Moro Kiri' amu' tonpa ton esi'pu to' koro'tau iparemai' itisa' kon nu'san Iweyu Ru'pu pi'. <sup>21</sup> To' uyee'pu Piri', Pe'saita, Kiyarari airon winon piya', i'se te'to' kon ekama'poi' ipi', “Itepuru, Sises inenpai ina man,” ta'pu to' uya. <sup>22</sup> Piri' uti'pu Anturu pana'tii'; Anturu miri awonsi'ki Piri' uya nin si Sises pana'ti'pu miri.

<sup>23</sup> Sises uya to' eiku'pu, “Iweyu si e'seposa' man Ka'pon, Papa winon apuripi'to' weyu.

<sup>24</sup> I'napairon ekama uya ipi'nokon, a'nai' ena'pi uta'mo'kasa' non pona eri'sa' para iyese yau, tikin ni ri iko'mamu miri, e'tane iyeri'sa' yau, tu'ke ri nin itena'pi epamu miri. <sup>25</sup> Ka'pon tuku'manto' i'nankanin uya inonka miri, kuri tuku'manto' ewaruma'tinin seri non po uya ri nin iko'manuku

---

§ 12:15 Sakaraya 9:9

miri tiwiri uko'man nito' iwano' pe. <sup>26</sup> Inu' ri uyapiyo' pe na'ne' uya uye'ma'pukato' pe iyese; e'ai'ne' yau ri upoitoru ri kanan e'to' pe iyese. Ukuipun uya ri uyapiyo' pe na'ne' nama miri.

<sup>27</sup> “Ekamura uyewan enasa' man, i'ri ken si ta uya? ‘Papai, upika'tiki seri iweyu apai,’ ta uya? Kane, seri pikiri sa'ne seri iweyu pu'ku pona uye'sa' seri ko. <sup>28</sup> Papai, eke pe iyese' e'to' enpoikaki,” ta'pu iya.

Miri a'tai main uyee'pu Epu' poi, “Enpoikaka'sa' uya ri man, miri awonsi'ki enpoikakapu uya ri kanan miri,” tawon. <sup>29</sup> Anpisin miri yau te'san uya etasa' uya, “Korame e'turanka,” ta'pu; taron kon uya, “Inseru uya auro'ka,” ta'pu.

<sup>30</sup> Sises uya, “Iwano' kon pe seri main esi'pu miri, uri iwano' pe pen,” ta'pu. <sup>31</sup> “Seri si iweyu oru eseru aimenkato' yai. Seri oru epuru pe si te'sen ainunpato'. <sup>32</sup> E'tane, uri utanansa' a'tai non apai, tanporon kon ni ki'mato' uya oton upiya,” ta'pu iya. <sup>33</sup> Seri ta'pu iya, se kasa uma'tato' oton ta tuuya ekama pe ri.

<sup>34</sup> Anpisin uya ta'pu, “Ina uya etasa' man Main, Mosi' winon wini, Kurai\* uko'manto' oton tiwiri ri, miri ken pe' e'tane, ‘Ka'pon, Papa winon utanunto' oton,’ ta auya? Inu' pu'se ri Ka'pon, Papa winon?” ta'pu to' uya.

<sup>35</sup> Miri a'tai, Sises uya ta'pu, “Iweyu e'to' oton miri ipiyau'nokon inke ru'kw'i ri mara ri. Ipininti'

---

**12:25** Ma'siu 10:39; 16:25; Ma' 8:35; Uru' 9:24; 17:33 \* **12:34** Kurai (Kiri' maimu yau), miri pe pu'ra Me'saya (Iuru maimu yau), asa'ri ri mari iyese, Papa Nanunpu ta e'kwa pe. **12:34** Eren 110:4; Aisaya 9:7; Isi'kiyeru 37:25; Taniyeru 7:14

iweyu esi koro'tau, ewarupi uya iyeporo kon rawiri. Ka'pon ewarupi yau tautisen uya tautito' ya' i'tu para ri iyese miri. <sup>36</sup> Iweyu apuriti' moro ipiyau'nokon iyese koro'tau, iweyu munki amu' pe iyena kon pa," ta'pu iya. Tausauro'to' nonkasa' tauya a'tai, Sises uti'pu, miripan e'so'namu'pu to' piyapai.

*Apurinin Nan Pen Esuweru Amu'*

<sup>37</sup> Seri ton eke ton Papa tarawasooi ti'tuto' ipikiri ku'sa' Sises uya e'tane ta'koro'tau'nokon, to' uya apuri para ri mari iyese'pu. <sup>38</sup> Seri esi'pu pu'kena' Aisaya maimu a'ku'tinin pe:

“Itepuru, inu' uya ina nekamanu etasa';

inu' ena' Itepuru meruntiru usenpoikasa'?”†  
tawon.

<sup>39</sup> Miri wenai, to' uya apuri para ri iyese, Aisaya uya tasa' na'ne' awiri ri:

<sup>40</sup> “To' enu ri a'kopi'sa' iya

miri awonsi'ki to' ewan ni sa'mantanu'pi'sa'  
iya,

to' uya ene namai' tenu kon ke,

to' uya ito'ka'nuku namai' tewan kon ke,

to' era'ti namai' to' epi'tito' pe uya,”‡

tawon. <sup>41</sup> Aisaya uya seri tasa' apune para Sises apuripi'to' ipikiri ensa' tauya pi', ipi' isauroku'pu.

<sup>42</sup> Miri ri e'tane miri koro'tau ri tu'kan kon ni itepuru ton uya apuri'pu ri. E'tane Pari'si amu' esi pi', tanapurinu kon inekamapai para to' esi'pu. To' uya tenpa'ka kon tausenu'pato' kon iwu' tapai tukai' to' enari'namu'pu; <sup>43</sup> ka'pon amu' uya

† 12:38 Aisaya 53:1 (LXX) ‡ 12:40 Aisaya 6:10

tapuripitu kon i'se te'san pe tesi kon pi' Papa uya tapuripitu kon i'se tesi kon entai.

<sup>44</sup> Miri a'tai, Sises usauroka'pu eke pe, "Ka'pon uya uyapuri a'tai, uri riken apuri iya pe iyese pen, e'tane kari uyenne'nin nu'pu. <sup>45</sup> Uyene iya a'tai, uyenne'nin nu'pu ene iya miri. <sup>46</sup> Uye'sa' seri pata weyu pe, inu' ri uyapurinin pe na'ne' enkurumu namai' moro ewarupi yau.

<sup>47</sup> "Kari nin ka'pon umaimu eta pi' na'ne' e'tane, ikupu iya para na'ne', iteseru aimenka uya pen ni, apune para pata eseru aimenkai' uye'sa' pen, e'tane ipika'tii'. <sup>48</sup> Moro unurunpanin miri awonsi'ki umaimu ananainpaino pen eseru aimenkanin esi miri, miri ri main usauro'ai'ne' uya eno'mato' oton pata weyu u'ma'sa' a'tai. <sup>49</sup> Uiwano' pe usauro'sa' kasa para, e'tane ikupunu uyenne'nin nu'pu uya uyapiyo'masa' usauro'to' pe umaimu'tisa' iya ri. <sup>50</sup> I'tu uya, seri uya arin tiwiri ri uko'man nito' ya'. Miri pi' si usauro'ai'ne' ikupunu uya upana'ti'pu ru'pu ekama uya," ta'pu iya.

## 13

### *Sises Uya Tupoitou Ton Puta Koruka*

<sup>1</sup> To' Epou Iti'pu Weyu Ru'pu pi' e'nito' rawiri kuru ri, Sises uya i'tusa' esi'pu seri non ninto' tauya weyu e'seposa', ikupunu piya' si tau'itito'. Tiwano' ton pe te'san i'nankakapu tupo, non po te'san, miripan kon ena' nin si ipan pe to' i'nankato' tauya enpoikakaa'pu iya.\*

\* **13:1** Miripan kon ena' nin si ipan pe to' i'nankato' tauya enpoikakaa'pu iya; miri pe para, miripan uya to' i'nanka iu'matu pu'ka pona.

2 Ko'maan pe enta'nan nito' utanunkaa'pɛ, Makoi uya Isutas Eskariya', Saiman mu ku'sa' esi'pɛ isenuminkato' pe Sises eparanka pi'. 3 Sises uya tanporon ni nonkasa' ikɛipɛnɛ uya tena' tukai' i'tu'pɛ; tɛuyɛ'sa' Papa wini, miripan enna'po Papa piya' tukai' ri. 4 Miripan e'mɛ'sa'ka'pɛ tepɛrɛ piyapai, tɛpon pɛro'pon mo'ka'pɛ iya, miripan uya towerɛ e'mɛ'pɛ tɛworo'pai pi'. 5 Miri tɛpo, tuna ma'pɛ iya pesɛn ya', miripan uya tɛpoitorɛ ton pɛta korɛkapitɛ'pɛ a'munakapitɛi'ma tɛworo'pai pokon towerɛ ke.

6 Miripan uye'kaa'pɛ Saiman Pi'ta poi ri, tekama'po ton, "Uyepuru, u'ta si korɛka auya?" tukai'.

7 Sises uya eikɛ'pɛ, "Ito'ka'nɛkɛ auya pɛra iyɛsi miri siku'ai'ne', e'tane emennɛ'pɛ ito'ka'nɛ'to' auya oton," ta'pɛ iya.

8 "Kane, u'ta korɛkato' auya pɛra ri iyɛsi miri," ta'pɛ Pi'ta uya ipi'.

Sises uya eikɛ'pɛ, "Ɔkorɛkasa' uya pɛra iyɛsi a'tai, upɛ'kɛ pe iwɛsi pen," ta'pɛ iya.

9 Miri a'tai, Saiman Pi'ta uya eikɛ'pɛ, "Uyepuru, u'ta ri ken pen ken si e'tane, uyemiyatɛ ton miri awonsi'ki u'pai ri niri ken!" ta'pɛ iya.

10 Sises uya eikɛ'pɛ, "Ka'pon iyeku'pisa' esi ti'ta ri ken korɛkato' iya pe; tanporon nin ipun esi miri wakɛ pe. Wakɛ pe nin iwɛsi kon miri, tanporo kuru iwɛ'tane'nokon pɛra ri," ta'pɛ iya. 11 I'tu tɛuya wenai teparanka ton; miri pi' nin si, tanporo wakɛ pe iwɛsi kon pen, ta'pɛ iya na'ne'.

12 To' pɛta korɛka nonka tɛuya tɛpo, iyepontikaa'pɛ kanan, miripan enna'po'pɛ tɛpata'pɛ ya'. Miripan uya, "Mɛto'ka'nɛ'atɛu pe'

ipi'nokon siku'ai'ne'?" ta'pɛ to' pi'. <sup>13</sup> "Ti'sa,' Uyepuru,' tukai' uyesakɛ auya'nokon, miri esi ipoken ni, kari ri ri uri. <sup>14</sup> Miri si uri, iyepuru kon, iti'saai kon uya a'ta kon korukasa', itonpa kon pɛta si tukorukase e'ti'. <sup>15</sup> Ene kon pa iku'sa' uya miri, ikupɛ kon pa ipi'nokon iku'sa' uya na'ne'. <sup>16</sup> I'napairon ekama uya ipi'nokon, ipoitorɛ esi pɛra ri iyese eke pe tesa' entai, miri pe pɛra main anin ni esi pɛra iyese eke pe tenno'nin nɛ'pɛ entai. <sup>17</sup> Seri ton i'tu auya'nokon pe iyese pi', ipɛrema'nokon miri, miri ton kupɛ auya'nokon yau.

### *Sises Uya Teparankato' Ekama*

<sup>18</sup> "Tanporon kon imiri'nokon pi' ta uya pen ni; i'tu uya kamo unanɛmɛ'san, e'tane seri esi iye'menukasa' itekare a'ku'tinin pe: 'Upokon pe ri iyenta'nasa' rɛ'pɛ enasa' uyewa'nomanin pe,'† tawon. <sup>19</sup> Ekama uya seri ipi'nokon iye'kupɛ wapiya, iye'kupɛ a'tai apuri kon pa kari ri pe esi tukai'. <sup>20</sup> I'napairon ekama uya ipi'nokon, inɛ' uya ri inɛ' ri unennokonɛ anɛmɛ uya uyanɛmɛ ri, miri awonsi'ki inɛ' uya ri uyanɛmɛ uya kari uyenko'nin nɛ'pɛ anɛmɛ," ta'pɛ iya.

<sup>21</sup> Seri ta'pɛ iya tɛpo, ipan pe ipokoita'pɛ ta'kwarɛ yau, miripan uya ekama'pɛ, "I'napairon ekama uya ipi'nokon, itonpa kon uya uyeparankato' oton," ta'pɛ iya.

<sup>22</sup> Miripan poitorɛ ton usenpitu'pɛ, inɛ' pi' ta iya ta pe. <sup>23</sup> To' tonpa Sises ni'nɛnkanɛ ipoitorɛ

**13:15** Ɔru' 22:27

**13:16** Ma'siu 10:24; Ɔru' 6:40; Isaan 15:20

† **13:18** Eren 41:9

**13:20** Ma'siu 10:40; Ma' 9:37; Ɔru' 9:48; 10:16

esi'p<sub>u</sub> ipiyau tuteire' po. <sup>24</sup> Saiman Pi'ta uya k<sub>u</sub>ri ri w<sub>u</sub>i'ka'p<sub>u</sub> ekama'poto' pe iya, “Ekama'po' in<sub>u</sub>' pi' ta iya tukai,” ta'p<sub>u</sub> iya.

<sup>25</sup> Sises pona nin si te't<sub>u</sub>nkai' ekama'po'p<sub>u</sub> iya miri, “Uyepuru, in<sub>u</sub>' si?” ta'p<sub>u</sub> iya.

<sup>26</sup> Sises uya eik<sub>u</sub>'p<sub>u</sub>, “K<sub>u</sub>ri sa'ne p<sub>u</sub>reti piya'pi t<sub>u</sub>ki'se itena' sit<sub>u</sub>yai'ne’,” ta'p<sub>u</sub> iya. Miripan uya p<sub>u</sub>reti piya'pi kii'p<sub>u</sub>, miripan t<sub>u</sub>r<sub>u</sub>'p<sub>u</sub> iya Isutas Eskariya', Saiman mu ena'. <sup>27</sup> P<sub>u</sub>reti a'si iya pe ri, Se'tan<sup>†</sup> ewom<sub>u</sub>'p<sub>u</sub> iya'. “Inkup<sub>u</sub> pe te'sen iku'ki inke p<sub>u</sub>ra,” ta'p<sub>u</sub> Sises uya ipi', <sup>28</sup> e'tane in<sub>u</sub>' ri enta'nan pi' te'sen uya ito'ka'n<sub>u</sub>ku'p<sub>u</sub> pen i'ri pe iyese pi' seri ta Sises uya ipi' tukai'. <sup>29</sup> Ap<sub>u</sub>ne p<sub>u</sub>ra Isutas esi'p<sub>u</sub> p<sub>u</sub>rata esa' pe, t<sub>u</sub>ron kon ni nin si usenuminka'p<sub>u</sub> miri, i'se te'to' kon Iweyu R<sub>u</sub>'p<sub>u</sub> pi' e'ni iwano' pe ri na'ki ennato' pe iya, miri pe p<sub>u</sub>ra entu'manin nan irepaki ta iya ri na'ki ta'p<sub>u</sub> to' uya. <sup>30</sup> Isutas uya p<sub>u</sub>reti a'si pe ri, iyepa'ka'p<sub>u</sub> nin si. Ewarupi nau seri esi'p<sub>u</sub>.

### *Pi'ta Uya T<sub>u</sub>nonkato' Oton, Ekama Sises Uya*

<sup>31</sup> Iyepa'ka'p<sub>u</sub> pata'p<sub>u</sub> yau, Sises uya ta'p<sub>u</sub>, “Seri si Ka'pon, Papa winon apuripi'to' ipi', miri awonsi'ki Papa apuripi'to' si ri man iyau. <sup>32</sup> Papa apuripi'to' esi yau, iyau, Papa uya ri niri t<sub>u</sub>mu apuripitu miri t<sub>u</sub>yau, inke p<sub>u</sub>ra apuripitu iya miri. §

<sup>33</sup> “Umunki am<sub>u</sub>', mara r<sub>u</sub>'kw<sub>i</sub> kuru inke r<sub>u</sub>'kw<sub>i</sub> esi seri ipiyau'nokon, uwarinpat<sub>u</sub>' auya'nokon oton, Esuwer<sub>u</sub> am<sub>u</sub>' pi' ukataine' kasa ri ta uya

<sup>†</sup> **13:27** Se'tan—Makoi ese' isakon, Papa eseru ewaruma'tinin ta e'kwa pe. § **13:32** Papa apuripi'to' pe iyese yau, iyau; seri tawon p<sub>u</sub>ra iyese miri t<sub>u</sub>ron ni yau'ne.



ipi'nokon: Utiyai'ne' ya' iyepu kon poken puṛa iyesi.

<sup>34</sup> “Emenna' main ke irepa uya 'nokon: Itonpa kon i'nankati'. Ii'nankasa' uya 'nokon na'ne' kasa, miri kasa itonpa kon i'nankati'. <sup>35</sup> Tanporo ka'pon amu' uya i'tu miri upoitoru ton pe iwesi kon tukai' itonpa kon i'nanka auya'nokon yau,” ta'pu iya.

<sup>36</sup> Saiman Pi'ta uya ekama'po'pu, “Uyepuru, nai ya' iuti?” ta'pu iya.

Sises uya eiku'pu, “Utiyai'ne' ya' upikiri iyepu puṛa iyesi, e'tane emennu'pu ri upikiri iye'to' oton,” ta'pu iya.

<sup>37</sup> Pi'ta uya ekama'po'pu, “Uyepuru, i'ri pe iyesi pi' seri pe uti puṛa iyesi ipikiri? Iwenai ri uma'ta miri,” ta'pu iya.

<sup>38</sup> Miri a'tai, Sises uya eiku'pu, “Uwenai kuru pe' auma'ta? I'napairon ekama uya seri ipi', kiritiki uturumu rawiri, osoruwau ite'kwa kuru ui'tunin pe puṛa iye'ku'to' oton!” ta'pu iya ipi'.

## 14

### *Sises Uya Tupoitoru Ton A'kwaru Ne'pitu*

<sup>1</sup> Sises uya ta'pu, “Kisewankamatuu! Papa apuriti’;\* uri ri niri apuriti’. <sup>2</sup> Tu'ke ri pata wannu man ukupunu iwu' tau; sekamai'no miri pe puṛa iyesi yau. Miri ya' uti seri apata'se' kon oton konekai'. <sup>3</sup> Utisa' pe iyesi yau apata'se' kon konekai', uye'kapu kanan ayase'na'nokon upiyau iwesi kon pa, e'ai'ne' yau iwesi kon pa. <sup>4</sup> Ite'ma i'tu

**13:33** Isaan 7:34    **13:34** Isaan 15:12-17; 1 Isaan 3:23; 2 Isaan 5

\* **14:1** Papa apuriti’; miri pe puṛa, Papa apuri auya'nokon.

auya'nokon miri utin nito' ya' utiyai'ne' ya'," ta'pɔ̃ iya.

*Sises Esi Ite'ma Pe Ikuipɔ̃nɔ̃ Piya'*

<sup>5</sup> Tamas uya ta'pɔ̃ ipi', "Uyepuru, ina uya sa'ne i'tu pɔ̃ra iyese nai ya' iuti tukai'; nai kasa ken ina uya ite'ma i'tu?" ta'pɔ̃ iya.

<sup>6</sup> Sises uya eiku'pɔ̃, "Uri ri esi ite'ma pe, miri awonsi'ki i'napairon ni, miri awonsi'ki uko'man nito' ri. Inɔ̃' ri uti pɔ̃ra iyese ikuipɔ̃nɔ̃ piya' uri poro riken itito' esi. <sup>7</sup> I'napai ri kuru ui'tu auya'nokon pe iyese yau, ikuipɔ̃nɔ̃ ri niri i'tu auya'nokon miri. Seri awonsi'ki i'tu auya'nokon, miri awonsi'ki ensa' auya'nokon," ta'pɔ̃ iya.

<sup>8</sup> Piri' uya ta'pɔ̃, "Uyepuru, ikuipɔ̃nɔ̃ enpoikaka'ki ina ena'; miri riken i'se ina esi miri," ta'pɔ̃ iya.

<sup>9</sup> Sises uya eiku'pɔ̃, "Ui'tu auya pɔ̃ra pe' iyese, Piri', ipiyau'nokon ni inke ri uko'manka'sa' e'tane? Inɔ̃' ri kari uyennin pe na'ne' uya ri ikuipɔ̃nɔ̃ ensa' pe iyese. Nai pe mairi, 'Ikuipɔ̃nɔ̃ enpoikaki ina ena,' ta auya? <sup>10</sup> Apuri auya pɔ̃ra pe' iyese uri esi ikuipɔ̃nɔ̃ yau, ikuipɔ̃nɔ̃ niri esi uyau? Main sekamayai'ne' ipi'nokon esi uiwano' pen e'tane ikuipɔ̃nɔ̃, uyau nuko'manyai'ne' uya tutɔ̃rawasooi kupɔ̃ miri. <sup>11</sup> Uyapuriti', uri esi ikuipɔ̃nɔ̃ yau, ikuipɔ̃nɔ̃ esi uyau ta uya a'tai; miri pe pɔ̃ra, eke Papa tɔ̃rawasooi amɔ̃' kupɔ̃ uya ri apuriti'. <sup>12</sup> I'napairon ekama uya ipi'nokon, inɔ̃' ri uya-purinin esi pe iyese yau, kari ri uya iku'to' oton miri siku'ai'ne' ri. Miri entaino kuru ri ku'to' iya oton siku'ai'ne' entai kuru ri, apɔ̃ne pɔ̃ra uti wenai ikuipɔ̃nɔ̃ piya'. <sup>13</sup> Ikuipɔ̃nɔ̃ uya ri inekama'ponɔ̃ kon

uyese' yau, imu uya ikup<sup>an</sup> apuripi'to' ipikiri enpoikato' pe. <sup>14</sup>Uyekama'po† auya'nokon ni miri i'ri pi' ri uyese' yau, ikup<sup>u</sup> uya ri miri.

*Sises Usaurok<sup>u</sup> Wak<sup>u</sup> A'kwar<sup>u</sup> Enno'to' Tuuya Pi'*

<sup>15</sup> “Ui'n<sup>u</sup>nka auya'nokon pe iyesei yau, umaimu awiri ri iwesi kon miri. <sup>16</sup> Ikup<sup>an</sup> ekama'po uya miri, miripan uya Ipika'tinin kon taron ni enno'to' pe, ipiyau'nokon te'ton tiwiri ri. <sup>17</sup> Puse ri I'napairon A'kwar<sup>u</sup>, seri non pon kon nanam<sup>an</sup> pen ni, ap<sup>u</sup>ne p<sup>u</sup>ra ene to' uya p<sup>u</sup>ra iyesei, miri awonsi'ki i'tu to' uya p<sup>u</sup>ra ri iyesei, e'tane i'tu auya'nokon ap<sup>u</sup>ne p<sup>u</sup>ra ipiyau'nokon iyesei, ayau'nokon ni niri iye'to' oton.‡ <sup>18</sup> Piyapaino pe inimi uya 'nokon pen; ipiyau'nokon uyep<sup>u</sup> ri. <sup>19</sup> Seri pe ri, seri non pon kon uya uyene p<sup>u</sup>ra iyena, miri e'tane uyento' auya'nokon oton. Ap<sup>u</sup>ne p<sup>u</sup>ra uko'mam<sup>u</sup> pi', imiri'nokon ni mari uko'manto' oton. <sup>20</sup> Uto'ka'n<sup>u</sup>at<sup>u</sup>i'ne' a'tai i'tuto' auya'nokon oton ukup<sup>an</sup> yau esi, imiri'nokon esi uyau, miri awonsi'ki uri esi ayau'nokon. <sup>21</sup> Inu' ri umaimu esa' pe na'ne' esi miri iyawiri ri, kari ri kari ri ui'n<sup>u</sup>nkanin ye' ri. Kari ri ui'n<sup>u</sup>nkanin i'n<sup>u</sup>nka ukup<sup>an</sup> uya miri, uri uya ri niri i'n<sup>u</sup>nka kanan miri awonsi'ki usenpoika ri itena,'” ta'p<sup>u</sup> iya.

<sup>22</sup> Miri a'tai, Isutas (Isutas Eskariya' pen) uya ta'p<sup>u</sup>, “E'tane sa'ne Uyepuru, i'ri pe iyesei pi' ina enu ya' iusenpoika, seri non pon kon enu ya' p<sup>u</sup>ra ri?” ta'p<sup>u</sup> iya.

---

† **14:14** Uyekama'po; miri pe p<sup>u</sup>ra, Ekama'po ‡ **14:17** ayau'nokon ni niri iye'to' oton; miri pe p<sup>u</sup>ra, ayau'nokon ni niri iyesei.

<sup>23</sup> Sises uya eiku'pɛ, “Inu' uya ri ui'nunka pe iyesi yau, tenupato' uya awiri ri iyesi miri. Ukuipɛnɛ uya i'nunkato' oton, miripan piya' ina uye'to' oton, iyau tɔpata kon koneka ina uya. <sup>24</sup> Kuri ri ui'nunka iya pɛra na'ne' esi miri tenupato' uya awiri pɛra ri. Seri ton main amɛ' metayatɛi'ne' esi uiwano' pen; uyenko'nin nu'pɛ ikuipɛnɛ iwano' pe iyesi.

<sup>25</sup> “Seri ton pi' usauroku miri ipiyau'nokon esi koro'tau. <sup>26</sup> E'tane kuri ipika'tinin kon, Waku A'kwara, ikuipɛnɛ, uyese' yau nenno'ai'ne' uya iyenupto' oton kon tanporon pi' ri, iyemiya'ponti iya 'nokon ni kanyau'kapi'ta'tɛine' pi'. <sup>27</sup> Tɛusewankamai' pɛra iwe'to' kon nimi uya seri ipiyau'nokon; uiwano' pe te'sen tɛra uya iyena'nokon. Seri non natɛyai'ne' kasa itɛra uya pen. Kisewankamatɛu, kenari'nantɛu.

<sup>28</sup> “Ta uya etasa' auya'nokon, ‘Uti seri, uye'kapɛ ri mari ipiya'nokon.’ Ui'nunka auya'nokon yau, pori' pe ri iwesi kon miri uti pi' ikuipɛnɛ piya', apɛne pɛra ikuipɛnɛ esi eke pe uyentai. <sup>29</sup> Seri eka-masa' uya seri ipi'nokon iye'kupɛ rawiri, iye'kupɛ a'tai si ti apuri kon pa. <sup>30</sup> Inke kuru ayau'ka uya 'nokon pen, apɛne pɛra seri pata epuru uye'ni pi' man. F'ri pe uku'nin pen ni, <sup>31</sup> e'tane seri non pon kon uya i'tuto' pe iyesi ikuipɛnɛ i'nunka uya, miripan uyapiyo'ma'pɛ iya ru'pɛ kupɛ uya iyawiri kuru.

“Isi'ti', utinpai'nokon,” ta'pɛ iya.

## 15

*Ite' Miri Awonsi'ki Ipanta Ton*

<sup>1</sup> “Uri esi i'napairon ite' pe; ukupunu nin si esi miri imainanpanin pe. <sup>2</sup> Upanta tepetasen pen a'tipitu iya, tepetasen pu'kuima iya ikaima pe, miyari ri iyepetato' pe. <sup>3</sup> Ikaimaka'sa' pe iwesi kon miri main kanyauro'kayatui'ne' ike uriya'. <sup>4</sup> Moro uyau iko'manti', moro ayau'nokon niri uko'manto' pe. Ipanta epeta para iyese tiwa ri; moro taye' pi' iko'manto' pe iyese. Imiri'nokon ni niri epeta para iyese miri moro uyau iko'mamu kon para iye'tane.

<sup>5</sup> “Ite' pe esi; imiri'nokon esi ipanta ton pe. Moro ka'pon esi yau uyau miri awonsi'ki uri niri iyau, tu'ke ri iyepeta miri; uri para iye'tane i'ri kupu auya'nokon para ri iyese. <sup>6</sup> Inu' ri esi para iyese yau moro uyau, iyese miri eno'masa', useketasa' ipanta kasa; miri waraino ipanta ton amuku miri eno'mato' pe apo' ya', iyepo'tito' pe. <sup>7</sup> Moro uyau iwesi kon pe iyese yau, umaimu ri niri esi moro ayau'nokon, i'se iwe'to' kon ekama'poti', irepa kon ni miri ike. <sup>8</sup> Se uya ukupunu apuripi'to' enpoika, tu'ke iyepeta kon, upoitoru ton pe iwesi kon eka-manin pe.

<sup>9</sup> “Ikupunu uya ui'nankasa' na'ne' kasa, miri kasa ii'nankasa' uya 'nokon. Moro si usi'nankato' yau e'ti'. <sup>10</sup> Umaimu awiri iwesi kon yau, usi'nankato' yau moro iwesi kon miri, ukupunu maimu awiri e'sa' na'ne' kasa kuru miri awonsi'ki moro isi'nankato' yau e'ai'ne' kasa. <sup>11</sup> Seri ke apana'tisa' uya 'nokon miri pori' pe e'to' pe ipi'nokon miri awonsi'ki pori' pe iwe'to' kon e'to' pe mararon pe para. <sup>12</sup> Se seri apiyontin nito' uya: Itonpa kon i'nankati', ii'nankasa' uya

'nokon na'ne' kasa. <sup>13</sup> Inu' ri usi'nunkato' para ri iyese miri eke pe, kari tatonpa ton iwano' pe tuko'manto' tunin entai. <sup>14</sup> Utonpa ton pe iwesi kon miri ayapiyo'ma'pu uya 'nokon kupu auya'nokon yau. <sup>15</sup> Upoitoru tukai' si iyesak uya 'nokon pen seri enta', apune para ipoitoru kari ri tepuru tarawasooi i'tunin pen. E'tane ru'ku, iyesak uya 'nokon utonpa ton tukai', apune para tanporon ni usenupa'pu ipi' ukupunu wini i'tu kon pa iku'sa' uya pi'. <sup>16</sup> Uyanansa' auya'nokon pen, e'tane ayanansa' uya 'nokon iuti kon pa epetai', iteperu moro tuko'mansen ye' pe. Miri a'tai, ikupunu uya irepa kon i'ri ri uyese' yau inekama'ponu kon ke. <sup>17</sup> Seri seri apiyontin nito' uya: Itonpa kon i'nunkati'.

*Oru Uya Ipoitoru Ton Ewaruma'ti*

<sup>18</sup> “Oru uya iyewaruma'ti kon yau, iyenu kon yau maku'tai' wapiya uri ewaruma'ti'pu iya. <sup>19</sup> Oru iwano' pe iwesi kon yau, i'nunka iya 'nokon miri tiwano' pe iwesi kon pi'. Na'ne' ri nin si, oru iwano' pe iwesi kon pen, e'tane ayanansa' uya 'nokon oru apai. Miri wenai, oru uya iyewaruma'ti kon. <sup>20</sup> Iyenu kon yau main usauroku'pu ru'pu maku'tai': 'Inu' ri ipoitoru esi para iyese eke pe tesa' entai,' tawon. To' uya ukota'masa' yau, to' uya ri mari ikota'ma kon miri. Uri uya tenupato' kon awiri to' esi yau, to' ri esi miri imiri'nokon uya to' enupa'pu awiri ri mari. <sup>21</sup> Seri kasa to' uya ikupu kon miri uyese' pi' iwesi kon pi', apune para to' uya i'tu para iyese kari uyeno'nin nu'pu.

22 Uye'sa' p̄ra iyesei yau to' auro'kase'na, tumakooi ke to' esi pi' iri pe to' nesii'no pen ni. E'tane nin si, miri pi', tumakooi kon wapu'tito' uya poken p̄ra iyesei. 23 Kuri uyewaruma'tinin uya ukup̄n̄n̄ ri mari ewaruma'ti miri. 24 Inu' nukup̄p̄ pen ni ku'sa' uya p̄ra iyesei yau to' koro'tau, tumakooi ke tesi kon pi' iri pe to' nesii'no pen ni. E'tane si seri eke tarawaso am̄' kup̄ uya ensa' to' uya, e'tane si asa'ri ri mari uri, miri awonsi'ki ukup̄n̄n̄ ewaruma'tisa' to' uya. 25 E'tane seri iye'menukasa' Main uta'ku'tito' pe iyesei: 'Iwenai p̄ra ri to' uya uyewaruma'ti'p̄,' tawon.\*

26 "Ipika'tinin kon uye'sa' a'tai, unennoko'p̄ ikup̄n̄n̄ winipaino, i'napairon Akwar̄, ikup̄n̄n̄ yapai tepa'kasen uya uyekamato' oton ipi'nokon. 27 Mekamatui' ri niri imiri'nokon upiyau iwe'sa' kon miri iyepiya'ti'p̄ si'kiri.

## 16

1 "Tanporo seri ke apana'tisa' uya 'nokon seri autano'ma kon namai'. 2 To' uya iyenpa'kato' oton kon usenupan nito' iw̄' tapai; i'napai ri iweyu uye'kap̄, iw̄nin e'ku'to' oton wak̄ kup̄ t̄uya pe tekamai' Papa iwano' pe. 3 Seri rupi ton kup̄ to' uya miri, ap̄ne p̄ra to' uya ikup̄n̄n̄ miri pe p̄ra uri i'tu p̄ra iyesei pi'. 4 Seri ke apana'tisa' uya 'nokon, iweyu uye'sa' a'tai, apana'ti'p̄ uya 'nokon e'to' pe iyenu kon yau. Seri ke apana'ti uya 'nokon p̄n̄ wapiya, ap̄ne p̄ra ipiyau'nokon esi pi'.

### *Wak̄ Akwar̄ T̄rawasooi*

\* 15:25 Eren 35:19; 69:4

<sup>5</sup> “Utiyai' si uyenno'nin nã'pũ piya', e'tane inũ' uya uyekama'po pũra man, 'Nai ya' iuti?' tukai'. <sup>6</sup> Apũne pũra si seri ton ekamasa' uya pi' iupokoitasa' kon nin si. <sup>7</sup> E'tane i'napairon ekama uya ipi'nokon: Wakũ pe iwesi kon pa uti seri. Utisa' pũra iyesei yau, Ipika'tinin kon uyepũ pũra iyesei ipiya'nokon; e'tane utisa' yau, ennoko uya miri ipiya'nokon. <sup>8</sup> Iye'sa' a'tai, orũ pi' enpoika iya miri ipoken pũra makoi pi' iyesei pi', iyawiron pi', miri awonsi'ki eseru aimenkato' pi': <sup>9</sup> makoi pi', apũne pũra ka'pon amũ' uya uyapurĩ pũra iyesei pi'; <sup>10</sup> iyawiron pi', apũne pũra ikũipũnũ piya' uti pi', miri enta' uyene auya'nokon pũra iye'to' ya'; <sup>11</sup> miri awonsi'ki eseru aimenkato' pi', apũne pũra seri orũ epuru si esi pi' eno'masa' pe.

<sup>12</sup> “Eke pe ri tato' uya man ipi'nokon, e'tane a'si auya'nokon poken pũra iyesei. <sup>13</sup> E'tane kũri, i'napairon A'kwaru uye'sa' a'tai, ayari iya 'nokon miri i'napairon ya'. Tiwano' pe isauro'to' oton pen, tũneta'pũ pi' riken isauro'to' oton, miri awonsi'ki ekamato' iya oton miyari ri tũuye'sen. <sup>14</sup> Uyapurĩpi'to' ipi' nepũ iya miri uiwano' mo'ka tũuya wini i'tunin pe iwesi kon pa ikupũ iya. <sup>15</sup> Tanporo ikũipũnũ iwano' pe na'ne' esi miri uiwano' ri. Miri pe iyesei pi' ukayai'ne', Iya'kwaru uya uiwano' mo'ka i'tunin pe iwesi kon pa ikupũ iya. <sup>16</sup> Seri pe iwa ri miri enta' uyene auya'nokon pũra iyena miri, miri awonsi'ki miri tũpo uyento' auya'nokon oton miri,” ta'pũ iya.

*Ipoitorũ Ton Pokooi Era'tito' Oton Epori'man Pe*

<sup>17</sup> Ipoitorũ ton tonpa ton uya ta'pũ tũtonpa kon pi', “Fri ta iya e'kwa pe iyesei, ‘Seri pe iwa



ri miri enta' uyene auya'nokon p̄ra iyena miri, miri awonsi'ki miri t̄po uyento' auya'nokon oton miri,' miri awonsi'ki, 'Aṙane p̄ra ik̄ip̄n̄u piya' uti pi', 'nikayai'ne'?" ta'p̄u to' uya. <sup>18</sup> To' esi'p̄u usekama'popi' ni pi', "I'ri ta iya e'kwa pe iyese, 'seri pe iwa ri' nikayai'ne'? Ito'ka'n̄ku'nokon p̄ra man," ta'p̄u to' uya.

<sup>19</sup> Sises uya ene'p̄u tekama'popai'nokon to' esi seri pi', miripan uya ta'p̄u to' pi', "Iusekama'popitu kon i'ri ta uya e'kwa pe iyese, 'Seri pe iwa ri miri enta' uyento' auya'nokon oton pen, miri awonsi'ki miri t̄po uyento' auya'nokon oton ni miri'? <sup>20</sup> I'napairon ekama uya ipi'nokon, iupokoitato' oton kon, t̄uta'kwar̄akai' aukaranto' oton kon pata epori'ma tane. Iupokoitato' oton kon, e'tane ipokooi kon era'tito' oton epori'man pe. <sup>21</sup> Tentusen uri'san utaimerunpa miri e'ne' pe tesi pi', aṙane p̄ra t̄weyu e'seposa' pi'; e'tane nin si t̄m̄are entusa' a'tai, e'ne' pe tesi'p̄u pu'tika'n̄ku iya miri, aṙane p̄ra pori' pe tesi pi' m̄are entun̄sa' t̄uuya pi' or̄u pona. <sup>22</sup> Miri kasa iwesi kon miri: Iupokoita kon weyu si seri, e'tane iyento' uya 'nokon oton; miri a'tai, iyepori'ma kon miri, in̄u' uya ri pori' pe iwe'to' kon mo'kato' oton pen. <sup>23</sup> Miri w̄u a'tai, i'ri pi' ri uyekama'po auya'nokon pen ni miri. I'napairon ekama uya seri ipi'nokon; uk̄ip̄n̄u uya ri irepa kon uyese' yau inekama'po'p̄u kon ke. <sup>24</sup> Seri p̄u'ku pona ri i'ri ri ekama'posa' auya'nokon p̄ra man uyese' yau. Ekama'poti'; miri a'tai, eporo auya'nokon ni miri, mararon pe p̄ra pori' pe iwe'to' kon esi miri.

<sup>25</sup> "Panton yai ayauro'kapi'sa' uya 'nokon, e'tane iweyu n̄ye'an seri rupi main yai ayauro'kato' uya

'nokon weyu pen ni, e'tane sa'man yai p̄ra ri uk̄ip̄n̄n̄ ekamato' uya oton ip̄i'nokon. <sup>26</sup> Miri w̄hi a'tai, uyese' yau ekama'poto' auya'nokon oton. Amaimu kon pe ik̄ip̄n̄n̄ ekama'poto' uya oton ta uya pen. <sup>27</sup> Kane, ik̄ip̄n̄n̄ uya ri tum̄iri pe ii'n̄n̄ka kon, ap̄ne p̄ra ui'n̄n̄kasa' auya'nokon pi' miri awonsi'ki Papa wini uye'sa' pi' apurisa' auya'nokon pi'. <sup>28</sup> Uyee'p̄n̄ ik̄ip̄n̄n̄ winipai seri or̄n̄ pona; seri nin si or̄n̄ n̄imi uya, ik̄ip̄n̄n̄ piya' enna'po," ta'p̄n̄ iya.

<sup>29</sup> Miri a'tai, ipoitor̄n̄ ton uya ta'p̄n̄, "Miri si ausaurok̄n̄ ito'ka'n̄k̄n̄ poken, panton yai p̄ra. <sup>30</sup> Seri si ina uya i'tu tanporon ni i'tunin pe iwesi miri awonsi'ki in̄n̄ uya ri iyekama'poto' i'se p̄ra ri iwesi. Seri uya ina kup̄n̄ Papa winon pe aya-pur̄in̄in pe," ta'p̄n̄ to' uya.

<sup>31</sup> "Miri si apurisa' auya'nokon iu'mat̄n̄ ya' ri!"\* tukai' Sises uya to' eik̄n̄'p̄n̄. <sup>32</sup> "E'tane iweyu n̄aye'an, iye'ka'sa' ri, iye'ta'n̄n̄'to' oton kon ap̄ata'se' kon ya'ne. Tikin sari unonkato' auya'nokon oton. E'tane ri tikin sari esi pen, ap̄ne p̄ra uk̄ip̄n̄n̄ esi ke upiyau.

<sup>33</sup> "Seri ton ekamasa' uya ip̄i'nokon, uyau iwesi kon pa ewankamanin p̄ra. Seri or̄n̄ po eke ri iyewankamanin kon esi, e'tane iyewan kon imeruntitan̄'ti': Or̄n̄ wapiya'kasa' uya man," ta'p̄n̄ iya.

## 17

### *T̄p̄ona Sises Ip̄n̄rema'p̄n̄*

---

\* **16:31** Miri si apurisa' auya'nokon iu'mat̄n̄ ya' ri; miri pe p̄ra, Seri pe pe' nai apuri auya'nokon?

<sup>1</sup> Serì ton ta'pᵃ Sises uya tᵃpo, tenu tᵃrᵃ'pᵃ iya Epᵃn winikᵃi', mirìpan uya ta'pᵃ,

“Papai, iweyu uye'sa' man. Imu apurìpì'ki, imu uya niri ayapurìpì'to' pe. <sup>2</sup> Tanporon kon esa' pe iye'to' pe merunti ke irepasa' auya na'ne' kasa, tiwiri ri uko'man nito' tuto' pe iya, irepa'pᵃ auya na'ne' nan ena'. <sup>3</sup> Serì tiwiri ri uko'man nito', to' uya i'tuto' pe i'napairon Papa pe iwesi, Sises Kᵃrai niri i'tuto' pe to' uya inennoko'pᵃ tukai'. <sup>4</sup> Serì non po ayapurìpì'to' ne'sa' uya man, tᵃrawaso intᵃrᵃ'pᵃ iku'to' pe uya i'ma'kasa' uya wini. <sup>5</sup> Papai, serì pe uyapurìpì'ki upiyau iwesi ke ri, pena ipokon pe esi a'tai uyapurìpì'taine' kasa non ekoneka wapiya.

*Tᵃpoitorᵃ Ton Pona Sises Ipᵃrema'pᵃ*

<sup>6</sup> “I'tuto' pe iyenpoika'pᵃ uya\* ka'pon amᵃ urepasa' auya na'ne' nan orᵃ apai ena'. Iiwano' pe to' esi'pᵃ; to' tᵃsa' auya uyena', mirìpan kon uya amaimu apurìsa'. <sup>7</sup> To' uya niri i'tusa' serì tanporon urepa'pᵃ auya esi iwinon pe tukai'. <sup>8</sup> Main urepa'pᵃ auya ike ke to' repasa' uya, mirìpan anᵃnsa' to' uya. To' uya niri i'tusa' iwini uye'sa' tukai', uyennos'a' auya tukai' niri to' uya apurìsa'. <sup>9</sup> To' pona ipᵃrema. Orᵃ pona ipᵃrema pen, e'tane urepa'pᵃ auya ton pona, apᵃne pᵃra iiwano' pe to' esi pi'. <sup>10</sup> Tanporo upiyau na'ne' niri esi iiwano' pe, tanporo ipiyau na'ne' esi niri uiwano' pe. Kamoro uriya' uyapurìpì'to' uye'sa'. <sup>11</sup> Inke serì orᵃ po esi pen, e'tane serì orᵃ po to' esi, mirì awonsi'ki uti nin si ipiya'. Wakᵃ

\* **17:6** I'tuto' pe ikupᵃ'pᵃ uya; mirì pe pᵃra, Iyese' i'tuto' pe ikupᵃ'pᵃ uya; v. 26 yau kanan.

ikūipūnū, iyese' merunti ke to' iwapu'tiki—itese' urepa'pū auya ike—tikin ni to' e'to' pe, tikin ni e'ni na'ne' kasa. <sup>12</sup> To' piyau esi koro'tau, to' wapu pe e'sa' man, to' pa'sima pi' miri itese' urepa'pū auya ike ke. Inū' ri utano'masa' pūra man, kūri riken tūuma'tasen ye' pe ri iye'ku'sa' rū'pū iye'menukasa' itekare a'ku'tinin pe ri.

<sup>13</sup> “Ipiya' si uti seri, e'tane seri ton ekama uya seri non po ri mari esi koro'tau, pori' pe e'to' eponin pe to' e'to' pe tūyau'nokon. <sup>14</sup> Amaimu ke to' repasa' uya, miripan kon ewaruma'ti orū pon kon uya, orū pon kon pe pūra to' esi wenai, uri niri esi orū pon pe pūra na'ne' kasa. <sup>15</sup> Ipūrema orū apai to' mo'ka pa pen, e'tane to' wapu pe iwesi pa iri namai'. <sup>16</sup> Orū iwano' ton pe pūra to' esi, orū iwano' pe pūra e'ai'ne' kasa. <sup>17</sup> Wakū pe i'napairon poro to' iku'ki, amaimu esi i'napairon. <sup>18</sup> Orū pona uyenno'sa' auya na'ne' kasa, miri kasa ri mari to' enno'sa' uya non pon kon koro'ta'. <sup>19</sup> To' iwano' pe ekonekasa' wakū pe, to' niri ekonekasa' e'to' pe wakū pe.

*Tanporon Kon Apurinin Nan Pona Sises  
Ipūrema'pū*

<sup>20</sup> “Kamoro riken pona ipūrema pen, e'tane kamoro uyapurinin nan pona niri to' maimu wenai. <sup>21</sup> Tikin ni tanporo to' e'to' pe, Papi, imiri esi na'ne' kasa uyau, uri niri ayau. To' niri e'to' pe tikin ni niri uyau'nokon, orū pon kon uya apurito' pe uyenno'sa' auya tukai'. <sup>22</sup> Uyapuripi'to' pe urepa'pū auya na'ne' ke to'

repasa' uya, to' e'to' pe tikin ni, tikin ni e'ni na'ne' kasa ri mari: <sup>23</sup>uri to' yau, imiri niri uyau. To' ekonekato' pe wak<sub>u</sub> pe tikin nan ni yau, uyenno'sa' auya tukai' or<sub>u</sub> pon kon uya i'tuto' pe, to' i'n<sub>u</sub>nkasa' uya, ui'n<sub>u</sub>nkasa' auya na'ne' kasa.

<sup>24</sup> “Papai, urepasa' auya ike na'ne' nan i'se esi upiyau e'ai'ne' yau, uyapuripi'to' ento' pe to' uya, urepa'p<sub>u</sub> auya na'ne' ike, ap<sub>u</sub>ne p<sub>u</sub>ra ui'n<sub>u</sub>nka auya pi', or<sub>u</sub> ekoneka rawiri ri.

<sup>25</sup> “Ipokena' Papai, or<sub>u</sub> uya ii'tu p<sub>u</sub>ra iye'tane, ii'tu uya. Uyenno'sa' auya tukai' niri p<sub>u</sub>samoro uya i'tu. <sup>26</sup>Iyenpoikasa' uya to' ena', miri kup<sub>u</sub> uya miyari ri, ui'n<sub>u</sub>nkato' auya e'to' pe to' iwano' pe, uri ri niri si e'to' pe to' yau,” tukai' iwip<sub>u</sub>rema'p<sub>u</sub>.

## 18

### *Sises A'si'p<sub>u</sub> To' Uya*

*(Ma'siu 26:47-56; Ma' 14:43-50; Uru' 22:47-53)*

<sup>1</sup> T<sub>u</sub>wip<sub>u</sub>rema e'nonkasa' a'tai, Sises uti'p<sub>u</sub> t<sub>u</sub>poitor<sub>u</sub> ton pokon pe Kit<sub>u</sub>ron aranta t<sub>u</sub>ni'kwiri'n<sub>u</sub>'se. Iratoi po are' e'kwa esi'p<sub>u</sub>, miri ya' t<sub>u</sub>poitor<sub>u</sub> ton pokon pe Sises uti'p<sub>u</sub>.

<sup>2</sup> Isutas si, eparankanin oton, uya miri pata i'tu'p<sub>u</sub>, ap<sub>u</sub>ne p<sub>u</sub>ra miri ya' inke ri t<sub>u</sub>poitor<sub>u</sub> ton pokon pe t<sub>u</sub>t<sub>u</sub>pi'sen pe Sises e'p<sub>u</sub> pi'. <sup>3</sup> Miri pi', Isutas uti'p<sub>u</sub> are' e'kwa na', tamu'kuru' tawon kon soisa am<sub>u</sub>' ari pe miri awonsi'ki use'man nito' t<sub>u</sub>rawasomanin nan epuru ton eke ton kuru miri awonsi'ki Pari'si am<sub>u</sub>' poitor<sub>u</sub> ton ari pe. To' uya ta'surai' ton, raan'pu ton miri awonsi'ki tepaai kon ari esi'p<sub>u</sub>.

<sup>4</sup> Sises uya tanporon ni tɔpi' te'ku'ton i'tu wenai, iti'pɔ to' ekama'poi', "Inɔ' i'se iwesi kon?" tukai'.

<sup>5</sup> "Sises, Nasare' pon," tukai' to' uya eiku'pɔ.

"Kɔri ri uri," ta'pɔ Sises uya. (Isutas nin si eparankanin e'soto'kasa' esi'pɔ miri to' pokon pe.)

<sup>6</sup> Sises uya, "Kɔri ri uri," ta' etasa' tɔuya'nokon a'tai, ta'poi kon ya' to' enna'po uta'mo'ka'pɔ non pona.

<sup>7</sup> To' kanan ekama'pooka'pɔ iya, "Inɔ' i'se iwesi kon?" ta'pɔ iya.

Miripan kon uya, "Sises, Nasare' pon," ta'pɔ.

<sup>8</sup> "Kɔri ri uri, ukayai'ne ko," ta'pɔ Sises uya. "Uwarinpa auya'nokon pe iyesei yau, tiwi pɔsamoro ka'pon amɔ' nɔti," ta'pɔ iya. <sup>9</sup> Seri e'kupɔ'pɔ isauroku'pɔ a'ku'tinin pe: "Tikin ni ri urepa'pɔ auya ton tonpa ano'masa' uya pɔra man," ta'pɔ iya ru'pɔ.

<sup>10</sup> Miri a'tai, Saiman Pi'ta, supara esa' pe te'sen uya imo'ka'pɔ, miripan uya use'man nito' tɔrawasomanin nan epuru poitorɔ pana enwo'ne' winon a'ti'pɔ. (Ipoitorɔ ese' esi'pɔ Marɔ'kas.)

<sup>11</sup> Sises uya Pi'ta apiyo'ma'pɔ, "Isuparaai emaika! Ukɔipɔnɔ uya pe' uwo'pasa' na'ne' ike ensi uya pen?" ta'pɔ iya.

### *Anas Piya' Sises Ari*

<sup>12</sup> Miri a'tai, tamu'kuru' tawon kon Roman soisaa' amɔ', tepuru kon pokon pe esii'ma, miri awonsi'ki Esuwerɔ amɔ' erasu ton uya Sises a'si'pɔ. To' uya auronpitu'pɔ, <sup>13</sup> miripan kon uya ari'pɔ wapiya Anas piya' Kaya'pas tamo, miri wɔpiya yau use'man nito' tɔrawasomanin nan

epuru pe te'sen. <sup>14</sup> Kaya'pas kəri ri Esuweru amu' pi' waku pe iwa iyese miri tikin nan ka'pon uma'tasa' a'tai ka'pon amu' iwano' pe tawon nu'pu.

*Pi'ta Uya Sises Nonka'pu*

*(Ma'siu 26:69-70; Ma' 14:66-68; Uru' 22:55-57)*

<sup>15</sup> Saiman Pi'ta miri awonsi'ki taron ni ipoitoru uya Sises e'ma'puka esi'pu. Apune para use'man nito' tarawasomanin nan epuru ni'tunu pe puse ri ipoitoru esi'pu, miripan uti'pu Sises a'kiri use'man nito' tarawasomanin nan epuru iwu' pu'ka ta'.

<sup>16</sup> E'tane Pi'ta esi'pu mura'ta nau itenupikiri e'ni pi'. Taron ni ipoitoru use'man nito' tarawasomanin nan epuru ni'tunu, enna'posa' uyee'pu, miripan uya miri yawon uri'san auro'ka'pu, miripan uya Pi'ta ewonnaku'pu.

<sup>17</sup> "Imiri pen pe' kəri ri, kəri ri poitoru ton tonpa, imiri ri?" tukai' uri'san mura'ta nawon uya Pi'ta ekama'po'pu.

Entakanoma'pu iya, "Uri pen ni kəri ri," tukai'.

<sup>18</sup> Komi' pe pata esi'pu, miri pi' to' poitoru ton miri awonsi'ki eke ton ni e'soto'pi'sa' esi'pu a'non pi' apo' piyau. Pi'ta ri niri e'soto'kasa' esi'pu to' koro'tau a'non pi'.

*Sises Ekama'popitu'pu*

*(Ma'siu 26:59-66; Ma' 14:55-64; Uru' 22:66-71)*

<sup>19</sup> Miri koro'tau, use'man nito' tarawasomanin nan epuru uya Sises ekama'popitu'pu ipoitoru pi' miri awonsi'ki enupan nito' iya pi'. <sup>20</sup> Sises uya imaimu eiku'pu, "Ama'ai para usauro'sa' man usenupan ku'sa' uya man Esuweru amu' usenupato' iwu' tau, use'man nito', ipareman nito' iwu'

tau, Esuweru amu' amurato' yau'ne. <sup>21</sup> I'ri pe iyese pi' uyekama'po auya? Uyetanin nu'san ekama'poki. To' uya ri i'tu miri umaimu ru'pu," ta'pu iya.

<sup>22</sup> Seri kasa isauroku a'tai, soisa amu' tonpa iye'mu'sa'kasa' uya temiyatu ke itemu' pi' iwini'pu. "Miri kasa pe' tumaimu'sen kuru' use'man nito' turawasomanin nan epuru?" tai'ma.

<sup>23</sup> Sises uya imaimu eiku'pu, "Ipoken para usauro'sa' pe iyese yau, ekama'. E'tane i'napairon pi' usauro'sa' pe iyese yau, i'ri pe iyese pi' uwini auya?" ta'pu iya. <sup>24</sup> Anas uya ennoko'pu auronpi'sa' pe ri mari Kaya'pas piya' use'man nito' turawasomanin nan epuru.

*Iyakon Ite'kwa Pe, Itosoruwano Ite'kwa Pe Sises Nonka'pu*

*(Ma'siu 26:71-75; Ma' 14:69-72; Uru' 22:58-62)*

<sup>25</sup> Saiman Pi'ta e'mu'sa'kasa' esi koro'tau a'non pi'. "Ipoitoru ton tonpa pen pe' imiri?" ta'pu to' uya ipi'.

I'tunin pe para iye'kuu'pu, "Uri pen ni," ta'pu iya.

<sup>26</sup> Use'man nito' turawasomanin nan epuru poitoru tonpa pe te'sen, Pi'ta nakutu'pu ipana tonpa pe te'sen uya ta'pu, "Imiri pen pe' iya'kiri are' e'kwa nau sentaine' pen?" ta'pu iya.

<sup>27</sup> Pi'ta kanan e'ku'kaa'pu i'tunin pe para. Miri a'tai ri, kiritiki epiya'ti'pu uturun ni pi'.

*Sises Ari'pu To' Uya Paire' Piya'*

*(Ma'siu 27:1-2, 11-31; Ma' 15:1-20; Uru' 23:1-5, 13-25)*

<sup>28</sup> Miri a'tai, Esuweru amu' uya Sises ari'pu Kaya'pas piyapai Roman amu' kopunaai iwu' ta'.



Awanakui' si pata enaka'sa' esi'p<sub>u</sub>, iri pe enapai p<sub>u</sub>ra tesi kon pi' Esuwer<sub>u</sub> am<sub>u</sub>' ewom<sub>u</sub>'p<sub>u</sub> pen miri ya', enta'napai tesi kon pi' Itepoi Iti'p<sub>u</sub> Weyu Ru'p<sub>u</sub> a'taino pi'. <sup>29</sup> Paire' epa'ka'p<sub>u</sub> to' piya', “I'ri waraino ke eseru'ti auya'nokon?” tase'na.

<sup>30</sup> To' uya imaimu eiku'p<sub>u</sub>, “I'ri ku'sa' iya p<sub>u</sub>ra iyesi yau, ina nanep<sub>u</sub>'no pen iyena',” ta'p<sub>u</sub> to' uya.

<sup>31</sup> Paire' uya ta'p<sub>u</sub> to' pi', “Ati' si iteseru aimenka kon pa main, Mosi' winon awiri,” ta'p<sub>u</sub> iya.

Esuwer<sub>u</sub> am<sub>u</sub>' epuru ton uya ta'p<sub>u</sub> ipi', “Main, Mosi' winon pe p<sub>u</sub>ra ri iyesi in<sub>u</sub>' ri tato' pe ina uya iyeri'to' ya',” ta'p<sub>u</sub> to' uya. <sup>32</sup> Seri e'kup<sub>u</sub>'p<sub>u</sub> Sises uya ta'p<sub>u</sub> ru'p<sub>u</sub> uta'ku'tito' pe miri kasa eri'to' oton ta'p<sub>u</sub> iya ru'p<sub>u</sub>.\*

<sup>33</sup> Paire' kanan ewonkaa'p<sub>u</sub> tiw<sub>u</sub>' ta', miripan uya Sises ki'ma'p<sub>u</sub>, miripan uya ekama'po'p<sub>u</sub>, “Esuwer<sub>u</sub> am<sub>u</sub>' kin pe' imiri?” tukai'.

<sup>34</sup> Sises uya imaimu eiku'p<sub>u</sub>, “Imiri pe ri pe' seri makayan, taron kon uya ri kati ayau'ro'kasa' upi'?” ta'p<sub>u</sub> iya.

<sup>35</sup> Paire' uya imaimu eiku'p<sub>u</sub>, “Esuwer<sub>u</sub> pe' uri? Itonpa ton, use'man nito' tarawasomanin nan epuru ton eke ton kuru uya itusa' uyena'. I'ri kup<sub>u</sub>'p<sub>u</sub> auya?” ta'p<sub>u</sub> iya.

<sup>36</sup> Sises uya imaimu eiku'p<sub>u</sub>, “Seri non po itesa' pe e'to' esi pen. Seri non po itesa' pe e'to' esi yau, upoitor<sub>u</sub> ton nepanta'mai'no Esuwer<sub>u</sub> am<sub>u</sub>' uya

---

**18:32** Isaan 3:14; 12:32 \* **18:32** miri kasa uma'tato' oton ta'p<sub>u</sub> iya ru'p<sub>u</sub>—Sises uya tautan<sub>u</sub>se eriku' ta'p<sub>u</sub>, kurusu' po teriku' ta iya e'kwa pe iyesi'p<sub>u</sub>. Roman am<sub>u</sub>' uya iye'wisa' kon wini eseru esi'p<sub>u</sub> kurusu' pona to' t<sub>u</sub>pokapi'se, e'tane miri kasa in<sub>u</sub>' ri wini Esuwer<sub>u</sub> am<sub>u</sub>' uya i'se p<sub>u</sub>ra to' esi'p<sub>u</sub>.

uya'si namai', e'tane seri po itesa' pe e'to' esi pen taron ni yau ri iyesei," ta'pua iya.

<sup>37</sup> Paire' uya ta'pua, "Kin pe ka'si iwesi wa!" ta'pua iya.

Sises uya imaimu eikua'pua, "Ipoken ni iwesi, kin pe esi mukayai'ne'.† I'nai ri, entu'pua seri wenai, seri pi' uyee'pua seri non pona, i'napairon ekamai'. Tanporon kon i'napairon wini na'ne' uya umaimu eta," ta'pua iya.

<sup>38</sup> Paire' uya ta'pua ipi', "I'ri miri i'napairon?" Seri ta pe, iti'pua kanan Esuwerua amua' piya'. Ta'pua iya to' pi', "I'ri imakooi eposa' uya para man. <sup>39</sup> E'tane iyeseu kon esi tikin ni a'sisa' nonkato' pe Itepoi Iti'pua Weyu Ru'pua a'tai. Miri wenai Esuwerua amua' kin ken pe' nonka uya iyena'nokon?" ta'pua iya.

<sup>40</sup> Tuuki'pi'nunua kon yau, "Kane, kari ri pen. Parapas kuru!" ta'pua to' uya. Parapas esi'pua Roman kopunaai ewa'noma yau iye'sa' ru'pua.

## 19

### *Sises Tura'pua Kurusu' Pona Ipokapi'to' Pe*

<sup>1</sup> Miri a'tai, Paire' uya Sises anama'pua, miripan ari'po'pi'to' pe ikupa'pua iya. <sup>2</sup> Soisa amua' uya tikakena' e'mepitua'pua aro', karon pe, miripan tura'pua to' uya i'pai pona. To' uya iponti'pua tatariren ya', <sup>3</sup> miripan ekare pi' to' utipitua'pua, "Miyari, Esuwerua amua' kin!" tapitai'ma. To' uya temiyatu kon ke iwini'pua itemua' pi'.

<sup>4</sup> Paire' epa'kakaa'pua kanan Esuwerua amua' pi' tase'na, "Apane enti', enpa'ka uya seri iyena'nokon

† 18:37 Kin pe esi mukayai' sa'ne ko; miri pe para, Ipoken ni miri ta auya miri.

i'tu kon pa iri pe iyese tato' uya ipikiri p̄ra ri iyese,” ta'p̄u iya. <sup>5</sup> Sises epa'kasa' a'tai, imi'ni si e'mepi'sa' iyarakooi pe miri awonsi'ki tutariren pe si ipon, Paire' uya si ta'p̄u to' pi', “P̄use ri si!” ta'p̄u iya.

<sup>6</sup> Ensa' t̄uuya'nokon a'tai, use'man nito' tarawasomanin nan epuru ton eke ton kuru miri awonsi'ki to' poitor̄u ton uki'pi'n̄anp̄it̄u'p̄u, “Kurusu' pona ipokapi'ti'! Kurusu' pona ipokapi'ti'!” tukai'.

E'tane Paire' uya to' eiku'p̄u, “An̄anti', kurusu' pona ipokapi'tu kon pa. Uri nin, iri pe iyese tato' uya ipikiri p̄ra nin man,” ta'p̄u iya to' pi'.

<sup>7</sup> Esuwer̄u am̄u' uya ta'p̄u, “Main esanon ina, miri awiri ima'tato' pe ri iyese, ap̄ne p̄ra Papa Mumu pe iye'kup̄u pi',” ta'p̄u to' uya.

<sup>8</sup> Paire' uya miri etasa' a'tai, miri uya ri mi-yari ri enari'pa'p̄u, <sup>9</sup> miripan enna'po'p̄u tiw̄u' ta', miripan uya Sises ekama'po'p̄u, “Nai winipai iuye'sa?” tukai', e'tane Sises uya eiku'p̄u pen. <sup>10</sup> “Uyauro'kapai p̄ra si iwesi?” ta'p̄u iya ipi'. “I'tu auya p̄ra pe' iyese t̄umeruntir̄u ke esi imo'kato' ike miri pe p̄ra kurusu' pona ipokapi'to' ike?” ta'p̄u iya.

<sup>11</sup> Sises uya eiku'p̄u, “Uyentai imeruntir̄u p̄ra iyese ka'tapai irepa'p̄u ike. Miri pi' kuri iyena' utanin n̄u'p̄u umakoitasa' miri eke pe kuru,” ta'p̄u iya.

<sup>12</sup> Miri si'kiri, Paire' esi'p̄u Sises inmo'kapai to' uya iwini namai', e'tane Esuwer̄u am̄u' uki'pi'n̄anp̄it̄u'p̄u, “P̄use ri utito' pe iku'sa' auya yau, Sisa tonpa pe p̄ra ri iwesi miri. In̄u' ri kin pe ne'ku'ai'ne' esi miri Sisa ewa'nomanin pe,” ta'p̄u to' uya.

13 Seri etasa' tũuya a'tai, Paire' uya Sises enpa'ka'pũ, miripan ereuta'pũ eseru aimenkato' apon po, pata, Ti' Konekasa' tato' yau, (Arami' pe Kapa'ta tato' ipi'). 14 Itepoi Iti'pũ Weyu Ru'pũ e'ma ta' ekonekan nito' pe iyese'pũ, pũre'po'si e'to' a'tai ri,

“Pũse ri si kin, iiwano' kon,” ta'pũ Paire' uya Esuwerũ amũ' pi'.

15 E'tane to' uki'pi'nũnpitu'pũ, “Ati'! Ati'! Kurusu' pona ipokapi'ti'!” ta'pũ to' uya.

“Kin pe' iiwano' kon pokapitu' uya kurusu' pona?” ta'pũ Paire' uya to' pi'.

“Ina kin pũra ri man, e'tane Sisa riken ina kin,” ta'pũ use'man nito' tũrawasomanin nan epuru ton eke ton kuru uya.

16 Iye'nonka pe ri nin si, Paire' uya itũru'pũ miri to' ena' kurusu' pona to' uya ipokapi'to' pe.

*Kurusu' Pona Sises Pokapitu'pũ To' Uya*

*(Ma'siu 27:32-44; Ma' 15:21-32; Ūru' 23:26-43)*

Soisa amũ' uya nin si Sises a'sikaa'pũ miri.

17 Tiwari ri takurusukuui arii'ma iti'pũ Pu'pi I'pũ Ru'pũ pata'se' ya' (Arami' pe Korũko'ta tato' ya').

18 Seri yau si kurusu' pona to' uya ipokapitu'pũ miri, asa'ron kon tũron kon pokon pe, sen wini'ne Sises si to' aporo' po.

19 Paire' uya ento' ipi' menukasa' esi'pũ, miripan tũsa' iya esi'pũ kurusu' pi', SISES, NASARE' PON ES-UWERŪ AMŪ' KIN, tawon. 20 Tu'kan kon Esuwerũ amũ' uya seri tawon ene'pũ, apũne pũra a'ko pe pata piyau Sises pokapi'sa' to' uya esi'pũ, kurusu' pona ento' ipi' e'menukasa' esi'pũ Arami' pe, Ra'ten pe, miri awonsi'ki Kiri' pe. 21 Esuwerũ amũ' use'mato', ipũremato' tũrawasomanin nan epuru

ton eke ton kuru uya ta'p<sub>u</sub> Paire' pi', “‘Esuwer<sub>u</sub> Am<sub>u</sub>' Kin' tukai' k<sub>u</sub>'menukai, e'tane p<sub>u</sub>se ri e'kup<sub>u</sub> Esuwer<sub>u</sub> am<sub>u</sub>' kin pe, tukai' riken imenuka',” ta'p<sub>u</sub> to' uya.

<sup>22</sup> Paire' uya to' eik<sub>u</sub>'p<sub>u</sub>, “Imenukasa' uya na'ne' esi miri, imenukasa' uya pe ri,” ta'p<sub>u</sub> iya.

<sup>23</sup> Sises pokapi'sa' t<sub>u</sub>uya'nokon a'tai kurusu' pona, soisa am<sub>u</sub>' uya ipon an<sub>u</sub>m<sub>u</sub>'p<sub>u</sub> asakiri'ne tukaisari'nokon to' uya ekam<sub>u</sub>'p<sub>u</sub>, iyo'non niken t<sub>u</sub>nonkai'. Seri ipon esi'p<sub>u</sub> to'sa ri ika'sa' tikin nan ni inakapu ponsi'ki ip<sub>u</sub>rakon p<sub>u</sub>'k<sub>u</sub> pona.

<sup>24</sup> “Ikarapi'pai'nokon p<sub>u</sub>ra, ap<sub>u</sub>ne t<sub>u</sub>usi'tui' te'wapiya'kai' imo'kapai'nokon,” ta'p<sub>u</sub> to' uya.

Seri e'kup<sub>u</sub>'p<sub>u</sub> iye'menukasa' itekare uta'ku'tito' pe,

“To' uya tukaisari'nokon upon ekam<sub>u</sub>'p<sub>u</sub>,

miri awonsi'ki t<sub>u</sub>usi'tui' te'wapiya'kai' to' uya

upon an<sub>u</sub>m<sub>u</sub>'p<sub>u</sub>,”\*

tawon. Miri si kup<sub>u</sub>'p<sub>u</sub> soisa am<sub>u</sub>' uya miri.

<sup>25</sup> Sises kurusukuui piyau isan e'soto'kasa' esi'p<sub>u</sub>, isan pasi Meri, K<sub>u</sub>ro'pas no'p<sub>u</sub>, miri awonsi'ki Meri Mataren.

<sup>26</sup> Miri yau Sises uya t<sub>u</sub>san ensa' a'tai, miri awonsi'ki t<sub>u</sub>poitor<sub>u</sub> t<sub>u</sub>ni'n<sub>u</sub>nkan<sub>u</sub> e'soto'kasa' a'ko pe, ta'p<sub>u</sub> iya t<sub>u</sub>san pi', “K<sub>u</sub>ri ri si im<sub>u</sub>re,” ta'p<sub>u</sub> iya, <sup>27</sup> miri awonsi'ki t<sub>u</sub>poitor<sub>u</sub> pi', “K<sub>u</sub>ri ri si asan,” ta'p<sub>u</sub> iya. Miri a'tai ri, ipoitor<sub>u</sub> uya ari'p<sub>u</sub> t<sub>u</sub>pata'se' ya'.

### *Sises Eriku*

*(Ma'siu 27:45-56; Ma' 15:33-41; Uru' 23:44-49)*

<sup>28</sup> Emenn<sub>u</sub>'p<sub>u</sub>, tanporon ni enuka'sa' i'tu t<sub>u</sub>uya pi', imenukasa' si itekare uta'ku'tito' pe, ta'p<sub>u</sub> miri,

---

\* **19:24** Eren 22:18

“Tuna'kiri' ke e'ai,” ta'pɛ iya. <sup>29</sup> Moro iyesi'pɛ miri yau wai yawon waain peneka, miripan ka' su'pa tuki'se, iyai i'so'pu ye' pi' to' uya inta na' iturɛ'pɛ. <sup>30</sup> Miripan ku'kasa' tɛuya a'tai, Sises uya, “Nu'ma'tai si,” ta'pɛ. Miri pe ri nin si, ti'pai tɛpeimai' ta'kwarɛ turɛ'pɛ iya miri.

<sup>31</sup> Miri si esi'pɛ miri ekonekan weyu pe, miri ema'sa' yawon Sapa' esi pi' eke pe kuru To' Epoi Iti'pɛ Weyu Rɛ'pɛ pe. Apɛne pɛra Sapa' a'tai eke' amɛ' i'se pɛra tesi kon wenai kurusu' po'ne, Es-uwerɛ amɛ' uya Paire' ekama'po'pɛ to' pisi ton i'kwɛ'pi'to' pe iku'to' pe iya, miripan kon ekepu nu'tipi'to' pe kurusu' poi. <sup>32</sup> Miri pi' si soisa amɛ' uyee'pɛ wapiyaro' pisi ton i'kwɛ'pi'se'na Sises pokon pe kurusu' pona ipokapi'sa' rɛ'pɛ, miri awonsi'ki si isakon pisi ton. <sup>33</sup> E'tane si Sises piya' to' uye'sa' a'tai, iyeri'ka'sa' pe to' uya ene'pɛ; miri wenai, to' uya i'si ton i'kwɛ'pi'tɛ'pɛ pen. <sup>34</sup> E'tane nin, soisa amɛ' tonpa uya apuruka'pɛ iteire' airi suparari ke, miripan yai mɛn miri awonsi'ki tuna e'kwamɛ'pɛ. <sup>35</sup> Ka'pon ennin nɛ'pɛ uya eka-masa', miripan nekama'pɛ esi i'napai ri. I'tu iya i'napai ri tɛnekamanɛ esi tukai', imiri ri niri uya apurito' pe tɛkasimai' pɛra. <sup>36</sup> Seri ton e'kupɛ'pɛ iye'menukasa' itekare uta'ku'tito' pe, “Tikin ni ri iyɛ'pɛ e'kwɛ'to' oton pen,”† tawon, <sup>37</sup> miri awonsi'ki tɛron ni kanan iye'menukasa', “Tɛnapuruka'pɛ kon enpi'to' oton to' uya,”‡ tawon.

---

**19:28** Eren 69:21; 22:15 † **19:36** E'sotas 12:46; Nonpa 9:12; Eren 34:20. ‡ **19:37** Sakaraya 12:10; Isenpoikasa' 1:7

*Sises U'na'ti'p<sub>u</sub> Isole' Uya*

*(Ma'siu 27:57-61; Ma' 15:42-47; Uru' 23:50-56)*

<sup>38</sup> Emenn<sub>u</sub>'p<sub>u</sub> iwa ri, Isole', Arama'tiya pon uya Sises ekepu ekama'po'p<sub>u</sub> Paire' pi'. Isole' esi'p<sub>u</sub> Sises poitor<sub>u</sub> pe, e'tane ama'ai, ap<sub>u</sub>ne p<sub>u</sub>ra Esuwer<sub>u</sub> am<sub>u</sub>' pi' tenari'n<sub>u</sub>m<sub>u</sub> pi'. Paire' uya ewai' tasa' pi' iyee'p<sub>u</sub> Sises ekepu kan. <sup>39</sup> Nekutimas esi'p<sub>u</sub> isakon pe, pena iwa Sises piya' ewarupi nau itisa' r<sub>u</sub>'p<sub>u</sub>. Nekutimas uya karapa mir<sub>u</sub> isumasa' aro tato' pokon pe nee'p<sub>u</sub>, 75 pon e'to' airi ri. <sup>40</sup> Asa' ipi' si esii'ma Sises ekepu asa' t<sub>u</sub>uya'nokon ontip<sub>u</sub> to' uya miri a'po'nan pokon pe, pon renen tato' at<sub>u</sub> saai'pi'sa' ke. Seri esi'p<sub>u</sub> miri Esuwer<sub>u</sub> am<sub>u</sub>' uya tekepu kon u'na'ti eseru yau. <sup>41</sup> Pata, Sises pokapit<sub>u</sub>'p<sub>u</sub> to' uya kurusu' pona na'ne' airi iyesi'p<sub>u</sub> umi, miri umi yau emenna' pe ti' akasa' uruwai' pe esi'p<sub>u</sub> in<sub>u</sub>' ri emaikasa' r<sub>u</sub>'p<sub>u</sub> pen ni ya'. <sup>42</sup> Ap<sub>u</sub>ne p<sub>u</sub>ra si Esuwer<sub>u</sub> am<sub>u</sub>' ekonekato' weyu pe iyesi pi', miri awonsi'ki a'ko pe ti' akasa' uruwai' pe esi pi', miri ya' Sises emaika'p<sub>u</sub> to' uya.

## 20

*Iyar<sub>u</sub> P<sub>u</sub>n Ti' Akasa' Uruwai'*

*(Ma'siu 28:1-10; Ma' 16:1-11; Uru' 24:1-12)*

<sup>1</sup> Awanak<sub>u</sub>i' kuru, suntaaka epiya'ti pe, ewarupi pe ri mari pata e'tane, Meri Mataren uti'p<sub>u</sub> ti' akasa' uruwai' pe pona, miripan uya ti' utamasa' im<sub>u</sub>ra'taai apai ene'p<sub>u</sub>. <sup>2</sup> Miripan eka'tunsa' uti'p<sub>u</sub> Saiman Pi'ta miri awonsi'ki t<sub>u</sub>ron ni ipoitor<sub>u</sub>, kari Sises ni'n<sub>u</sub>nkan<sub>u</sub> piya', miripan uya ta'p<sub>u</sub>, "To' uya Itepuru mo'ka'p<sub>u</sub> man ti' akasa' uruwai' pe apai,

miripan i'tu para ri iyesei nai ya' ri nawon to' uya iturupu!" ta'pu iya.

<sup>3</sup> Miri pi' si Pi'ta miri awonsi'ki taron ni ipoitoru ton e'sara'ti'pu ti' akasa' uruwai' pe pona utin pi'.  
<sup>4</sup> Asa'ri ri to' eka'tumu esi'pu, e'tane isakon uya Pi'ta entaka'pu, miripan uya ti' akasa' uruwai' pe eporo'pu iwapiya. <sup>5</sup> Te'timuikai' tenu tapitu'pu iya pon renen atu saai'pi'sa' kusan pe ene'pu iya miri yau, e'tane iyewompu pen. <sup>6</sup> E'tane nin si Saiman Pi'ta, ite'ma'pu pe te'sen uyee'pu, miripan ewompu ti' akasa' uruwai' pe ya'. Pon saai'pi'sa' kusan pe renen tato' ene'pu iya miri yau, <sup>7</sup> eke' on pe kanan te'sen Sises i'pai won nu'pu. Tupona ri e'mepi'sa' esi'pu, pon renen atu saai'pi'sa' kusan pe pokon pe para. <sup>8</sup> Miri awonsi'ki nin si taron ni ipoitoru, ti' akasa' uruwai' pe eponin nu'pu wapiya, ri mari ewompu. Miripan uya tanene'pu apuri'pu. <sup>9</sup> (To' uya ito'ka'nuku para ri mari iyesei'pu iye'menukasa' itekare Sises e'mu'sa'kato' oton teriku'pu apai, tawon.)

### *Sises Usenpoika Meri Mataren Piyau*

<sup>10</sup> Miri a'tai, ipoitoru ton enna'po'pu tapata kon ya', <sup>11</sup> e'tane Meri, e'soto'kasa' esi'pu ti' akasa' uruwai' pe piyau ukaran ni pi'. Akaramu'ma te'timuikai' tenu tapitu'pu iya ti' akasa' uruwai' pe ya', <sup>12</sup> miripan uya asa'ron kon aimu'nan ipon ton inseru amu' ereutapi'sa' ene'pu, Sises ekepu pata'pu yau, i'pai pata'pu airi miri awonsi'ki i'ta pata'pu airi isakon. <sup>13</sup> To' uya ekama'po'pu, "Ma'non, i'ri pi' aukaramu?" ta'pu to' uya.

"To' uya uyepuru ari'pu, nai ya' ri nawon to' uya iturupu," ta'pu iya. <sup>14</sup> Tai'ma iyera'ti'pu, miripan



uya Sises ene'p<sub>u</sub> iye'soto'kasa' miri yau, e'tane Sises tukai' i'tu iya p<sub>u</sub>ra iyesi'p<sub>u</sub>.

15 “Ma'non, i'ri pi' aukaram<sub>u</sub>? In<sub>u</sub>' warinpa auya?” ta'p<sub>u</sub> iya ipi'.

Umi tarawasomanin pe ri nin si tekamai', “Ap<sub>u</sub>ne ken, ari'p<sub>u</sub> auya pe iyesi yau, ekamaki nai ya' itur<sub>u</sub>'p<sub>u</sub> auya, ikan utito' pe,” ta'p<sub>u</sub> iya ipi'.

16 “Meri,” ta'p<sub>u</sub> Sises uya ipi'.

Iyera'ti'p<sub>u</sub> Sises winik<sub>u</sub>i' iki'pi'n<sub>u</sub>m<sub>u</sub>i'ma Arami' pe, “Raponai!” (Ti'sa ta e'kwa pe).

17 Sises uya ta'p<sub>u</sub>, “Upi' kata'sii, ap<sub>u</sub>ne p<sub>u</sub>ra enna'posa' p<sub>u</sub>ra ri mari man ik<sub>u</sub>ip<sub>u</sub>n<sub>u</sub> piya'. E'tane, enta ru'ku uyakon non piya', to' pana'ti', ‘Utiyai' uk<sub>u</sub>ip<sub>u</sub>n<sub>u</sub> piya', miri awonsi'ki ik<sub>u</sub>ip<sub>u</sub>n<sub>u</sub> kon piya', itese' pi' e'to' piya', miri awonsi'ki itese' pi' iwe'to' kon piya',’ ” ta'p<sub>u</sub> iya.

18 Meri Mataren nin si uti'p<sub>u</sub> miri itekareei esa' pe ipoitor<sub>u</sub> ton piya', “Itepuru ene'p<sub>u</sub> uya,” ta'p<sub>u</sub> iya. Tauro'ka'p<sub>u</sub> iya ke to' pana'ti'p<sub>u</sub> iya.

### *Sises Usenpoika'p<sub>u</sub> T<sub>u</sub>poitor<sub>u</sub> Ton Piya'*

*(Ma'siu 28:16-20; Ma' 16:14-18; Uru' 24:36-49)*

19 Miri ri suntaaka e'sara'ti ko'mamiri pe, a'sam<sub>u</sub>t<sub>u</sub> yau ipoitor<sub>u</sub> ton esi a'tai, m<sub>u</sub>ra'ta ta'kopi'se Esuwer<sub>u</sub> am<sub>u</sub>' pi' enari'ke' pe tesi kon pi', Sises uyee'p<sub>u</sub>, miripan e'soto'ka'p<sub>u</sub> to' koro'tau, miripan uya, “Miyari'nokon!” ta'p<sub>u</sub> to' pi'. 20 Seri ta t<sub>u</sub>po, temiyat<sub>u</sub> miri awonsi'ki t<sub>u</sub>teire' enpoika'p<sub>u</sub> iya to' ena'. Ipan pe ri ipoitor<sub>u</sub> ton epori'ma'p<sub>u</sub> itepuru ensa' t<sub>u</sub>uya'nokon a'tai.

21 Sises uya kanan takaa'p<sub>u</sub> to' pi', “Miyari'nokon! Ik<sub>u</sub>ip<sub>u</sub>n<sub>u</sub> uya uyennos'a' na'ne' kasa ri, iyennoko uya 'nokon seri,” ta'p<sub>u</sub> iya

to' pi'. <sup>22</sup> Miri tai'ma to' pona ise'netu'ka'pɔ, “Wakɔ A'kwarɔ ananti,” tai'ma. <sup>23</sup> “Inɔ makoi ton pi' ri iusentu'ma yau, ipi' ri usentu'man; miri ton pi' ri iusentu'ma pɔra iyese yau, miri ton pi' ri usentu'man pɔra iyese miri,” ta'pɔ iya.

### *Sises Usenpoika Tamas Piya'*

<sup>24</sup> Tamas nin si (Titimas tato' ipi'), 12 kaisaron kon tonpa pɔra iyese'pɔ, tɔtonpa ton koro'tau Sises uye'sa' a'tai to' piya'. <sup>25</sup> Taron kon nin si ipoitorɔ ton uya, Itepuru ensa' tɔuya'nokon nɔ'pɔ ekama a'tai, ta'pɔ iya, “Tui' i ru'pɔ itemiyatɔ pokon, miripan ya' uyemiyatɔ tɔsa' uya a'tai, miri awonsi'ki iteire' ya' uyemiyatɔ tɔsa' uya a'tai kuru nin apuri uya miri,” ta'pɔ iya.

<sup>26</sup> Tikin ni suntaaka pata'pɔ pe, ipoitorɔ ton kanan esi'pɔ iuti tau, Tamas nin si esi'pɔ miri to' piyau. Mɔra'ta ri uta'kosa' e'tane, Sises uyee'pɔ to' koro'ta' e'soto'kai', miripan uya ta'pɔ, “Miyari'nokon!” ta'pɔ iya to' pi'. <sup>27</sup> Miri a'tai, ta'pɔ iya Tamas pi', “Iyemiyatɔ itaki se ya'; uyemiyatɔ ton enki. Iyemiyatɔ tinkai' uteire' ya' itaki. Ikasimato' auya tɔnonkai' apuriki,” ta'pɔ iya.

<sup>28</sup> Tamas uya ta'pɔ ipi', “Uyepuru miri awonsi'ki Papa, itese' pi' e'to'!” ta'pɔ iya.

<sup>29</sup> Miri a'tai, Sises uya ta'pɔ ipi', “Apɔne pɔra uyensa' auya pi', apurisa' auya; pori' pe kamo esi miri ene tɔpo pɔra ri apurinin nan,” ta'pɔ iya.

<sup>30</sup> Sises uya tu'ke ri eke Papa tarawasooi ti'tuto' ipikiri kupɔ'pɔ tɔpoitorɔ ton uya entane, e'tane seri kareta pi' iye'menukasa' pɔra iyese. <sup>31</sup> E'tane

seri ton e'menukasa' apuri kon pa,\* Sises esi K̄urai,† Papa Mu, miripan apuri auya'nokon wini iuko'manto' kon eporo kon pa itese' yau.

## 21

### *Sises Usenpoika T̄upoitor̄u Ton Tonpa Ton Piya'*

<sup>1</sup> Miri pata'p̄u pe, Sises kanan usenpoikakaa'p̄u t̄upoitor̄u ton piya', Taipiriyas\* ku'p̄iri piyau. Se kasa iyesi'p̄u: <sup>2</sup> Saiman Pi'ta, Tamas (Titimas† tato' ipi'), Na'taniyer̄u, Kena, Kiyarari yawon winon; Sepiti munki am̄u', miri awonsi'ki asa'ron kon t̄aron kon ipoitor̄u ton esi'p̄u a'sam̄t̄u yau. <sup>3</sup> "E'saponka seri moro' am̄u' a'sii," ta'p̄u Saiman Pi'ta uya to' pi', miripan pi', "Aya'k̄iri ina uti seri," ta'p̄u to' uya. Miripan kon utisa' ekanwa'tip̄it̄u'p̄u kanau ya', e'tane miri ewarup̄ii tau, moro' am̄u' a'si'p̄u to' uya pen ni.

<sup>4</sup> Awanak̄ui' kuru, Sises e'soto'kasa' esi'p̄u tuna e'pi po, e'tane ipoitor̄u ton uya ito'ka'n̄uk̄u p̄ura iyesi'p̄u Sises pe. <sup>5</sup> To' k̄i'p̄i'n̄unpa'p̄u iya, "Utonpa ton, moro' am̄u' pe' a'sisa' auya'nokon p̄ura nai?" ta'p̄u iya.

"Kane!" ta'p̄u to' uya.

<sup>6</sup> "Ipunwer̄u kon eno'mati' kanau enwo'net̄u winik̄ui'; miri a'tai, to' ri eporo auya'nokon miri," ta'p̄u iya. To' uya iku'sa' a'tai, to' uya ipi'sik̄u poken

\* **20:31** Seri ton e'menukasa' apuri kon pa; miri pe p̄ura, Seri ton e'menukasa' miyari ri apuri kon pa † **20:31** K̄urai (Kiri' maimu), miri pe p̄ura, Me'saya (Ipuru maimu) Papa Nan̄um̄'p̄u ta e'kwa pe. \* **21:1** Taipiriyas; miri pe p̄ura, Kiyarari † **21:2** Titimas—Esimunui' ta e'kwa pe. **21:3** Ɔru' 5:5

pura ri to' punweru esi'pu, apune pura tu'ke ri moro' amu' esi ke.

<sup>7</sup> Miri a'tai si, ipoitoru Sises ni'nukanu uya Pi'ta pi', "Itepuru pe man!" ta'pu miri. "Itepuru pe man," ta iya etasa' tauya pe ri, Saiman Pi'ta uya tapon puro'pon e'me'pu tauoi (imo'kasa' iya esi'pu), miripan e'sanamu'pu tuna ka'. <sup>8</sup> Turon kon ipoitoru ton uya nin si e'ma'paka'pu miri kanau yau, tu'kan kon moro' amu' en punwe tewa'tii' to' uya ipi'siku'pu, apune pura inni kuru pura ri 300 pi'† e'to' airi ri tuna e'pi piyapai tesi kon ke. <sup>9</sup> To' e'te'kasa' a'tai, enkena' pe apo' e'simikasa' ene'pu to' uya moro' e'puru ipo, miri awonsi'ki paretii' esi'pu.

<sup>10</sup> Sises uya, "Moro' amu' si seri pe kuru ma'situne' inne'tii'," ta'pu miri to' pi'.

<sup>11</sup> Saiman Pi'ta ekanwa'tisa' uya nin si punwe pi'siku'pu miri makui'. Tu'ke ri, 153 kaisa ri eke ton moro' amu' esi'pu, e'tane punwe ekaraka pura ri iyessi'pu. <sup>12</sup> Sises uya, "Isi'tii', enta'natanu'tii'," ta'pu to' pi'. Ipoitoru ton uya, "Inu' imiri?" ta pura ri iyessi'pu ipi'. Itepuru pe to' uya i'tu'pu. <sup>13</sup> Sises uyee'pu, paretii' tanunse to' repa'pu iya, miri kasa ri moro' ke to' repa'pu iya. <sup>14</sup> Seri si seri itosorawano ite'kwa pe Sises usenpoika'pu tupoitoru ton ena', teriku tupo te'mu'sa'kasa' a'tai.

### *Sises Uya Pi'ta Eri'to' Ekama'pu*

<sup>15</sup> Tenta'na kon e'nonkasa' a'tai, Sises uya ta'pu Saiman Pi'ta pi', "Saiman, Isaan mumu, ui'nukanu auya kuru ri pe' pusuamo entai?" ta'pu iya.

---

**21:6** Uru' 5:6 † **21:8** 300 pi'; miri pe pura, 200 kiyupi' amu'; 90 mi'ta e'to' airi.

“Ewai', uyepuru, ii'nanka uya ri i'tu auya,” ta'pɥ Pi'ta uya.

Sises uya ta'pɥ ipi', “Uikɥn non karimeru munki amɥ' ken si ewe'ki,” ta'pɥ iya ipi'.

<sup>16</sup> Sises uya kanan takaa'pɥ ipi', “Saiman, Isaan mumu, ui'nankaya auya kuru ri pe'?” ta'pɥ iya.

Eikɥ'pɥ iya, “Ewai', uyepuru, ii'nanka uya ri i'tu auya,” ta'pɥ iya.

Sises uya, “Uikɥn non ken si karimeru amɥ' ipa'simaki,” ta'pɥ ipi'.

<sup>17</sup> Itosorɥwano ite'kwa pe Sises uya ta'pɥ ipi', “Saiman, Isaan mumu, ui'nankayan pe'?” ta'pɥ iya.

Pi'ta ena'pɥ pokoi pe, apɥne pɥra Sises uya tekama'posa' pi' osorɥwau ite'kwa, “Ui'nankayan pe'?” tukai', miripan uya, “Uyepuru, tanporon ni i'tu auya; ii'nanka uya ri i'tu auya,” ta'pɥ.

Sises uya, “Uikɥn non ken si karimeru amɥ' ewe'ki. <sup>18</sup> I'napairon ekama uya ipi'; moine pe iwa iwesi a'tai, iiwano' pe ri iyepontipitu'pɥ miri awonsi'ki iutipitu'pɥ i'se iwe'to' ya'; e'tane iukii'pansa' a'tai, iyemiyatu ton inka auya miri awonsi'ki ka'pon uya nin si iponti miri, miripan uya ayari itipai iwe'to' pen ni ya',” ta'pɥ iya ipi'.

<sup>19</sup> Sises uya seri ta'pɥ Pi'ta uma'tato' eseru ekama tɥuya pe Papa apuripi'to' ipi' pe, miripan uya, “Upikiri isi'ki!” ta'pɥ ipi'.

<sup>20</sup> Pi'ta uya tenu ra'ti'pɥ, miripan uya ipoitorɥ, Sises ni'nankanɥ uyepɥ tɥpikiri'nokon ene'pɥ. (Pɥse ri kɥri ri Sises pona iye'tankasa' rɥ'pɥ to' enta'na a'tai, “Uyepuru, inɥ' uya si iyeparankato' oton?” tawon nɥ'pɥ.) <sup>21</sup> Pi'ta uya ensa' a'tai,

ekama'po'p<sub>u</sub> iya, “Uyepuru, p<sub>u</sub>se kanan si?” ta'p<sub>u</sub> iya.

<sup>22</sup> Sises uya eik<sub>u</sub>'p<sub>u</sub>, “Iko'mam<sub>u</sub> i'se esi yau enna'po pona ri, i'ri pe miri esi ipona? Hisiri, upikiri isi'ki,” ta'p<sub>u</sub> iya ipi'. <sup>23</sup> Miri si etasa' t<sub>u</sub>uya'nokon tukai' itonpa ton esi'p<sub>u</sub> miri, p<sub>u</sub>se ri si ipoitor<sub>u</sub> erik<sub>u</sub> p<sub>u</sub>ra iye'to' oton, tukai'. E'tane Sises uya iyeri'to' oton pen tasa' p<sub>u</sub>ra iyese; “Iko'mam<sub>u</sub> i'se esi yau enna'po pona ri, i'ri pe miri esi ipona?” tasa' iya riken esi.

<sup>24</sup> P<sub>u</sub>se ri si kari ri ipoitor<sub>u</sub> ekama pi' na'ne' imenukasa' iya ri na'ne'. I'tu i'napai ri inekaman<sub>u</sub> esi.

<sup>25</sup> Sises uya tu'ke ri t<sub>u</sub>ron ni ton ni niri kup<sub>u</sub>'p<sub>u</sub>. Tanporo ri iye'menukasa' pe iyese yau, si'tuyai', seri non po imenukapi'sa' kareta ton pata p<sub>u</sub>ra iyese.

## **Wakɔ Itekare: Emenna' Pe Ekonekan Nito' New Testament in Akawaio (GY:ake:Akawaio)**

copyright © 2010 Wycliffe Bible Translators, Inc.

Language: Akawaio

Translation by: Wycliffe Bible Translators, Inc.

Akawaio

ake

Guyana

### **Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Akawaio

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

---

PDF generated using Haiola and XeLaTeX on 11 Nov 2022 from source files dated 29 Jan 2022

0a50da4e-768d-5472-9dd1-d9747ff5918f